

The Ohio State University



3 2435 00636 5134

BP75D316T81926

001

HAZRET-I MUHAMMED VE KUR'AN-I KERIM

THE OHIO STATE UNIVERSITY BOOK DEPOSITORY



D	AISLE	SECT	SHLF	SIDE	POS	ITEM	C
8	02	15	17	8	02	004	3

حضرت محمد و قرآن کریم



OHIO STATE
UNIVERSITY
LIBRARIES

A NOTE TO THE READER:

Because of its value and condition,
this volume has been microfilmed to
preserve its content.

Please check the Libraries' catalog
for location of a copy of that
microform.

4/28/1993
D8
Thank you,
The Preservation Office

حضرت محمد قرآن کریم

مترجمی

عمر رضا

مؤلفی

ژوہ دہودہ نیورت

استانبول — الہامی — فوزی مطبعہ سی

۱۳۴۵ھ — ۱۹۲۶م

STX
BP 75.27
D38
1926

مقدمك مفرمى

قارئلىرىمىزە ترجمەسىنى تەقدىم ايتىدىكىمىز اثرىك مۇلىفى ماستر (ژون دە وەنپورت = Joun Davenport) انكىلىز عالم تاليف و تەخرىرىندە مەتەدد اثرلىلە طابىئەت، قىممەتلى و حەقىقەتتەس بر مەخرىرىدە ماستر (دە وەنپورت) كە حضرت مەھمۇد و قرآن كرىمى مەوضوع بىخت ايدىن، غەرب عالم تەعەبىنىك دىنىمىز و پەيغەمبەرىمىز حەقىقەتدە اويدوردىغى خرافەلەرى، اولەره اسنادايتىدىكى فەئالەلەرى رەد و جرح ايلەن بر اثرى بولوندىغى بەئىز اسلام مۇلفلىرىنىك اقتباساتىدىن آكلایوردىم. بو اثرى كورمەنى چوق آرزايتىدىكىم حالە اولىك بر نەسخەسى بولمىك مەمكىن اولماشىدى. فى الحەقىقە، بو اثر ۱۸۶۹ دە لوندرەدە، يەنى يارىم عصر دىن فەزلە بر زمان مەقدەم طبع ايدىلىشىدى. بو قدر زمان مەقدەم طبع اولونان بر اثرى بولمىك خەسەندە مەشكەلاتە تەصادف ايتىك پەك طەبىئەيدىر. فەقەت اورۇپا كەتەبخانەلەرىندە اولسون بو اثرى بر ويا بر قەچ نەسخەسە تەصادف ايتىك ايجاب ايتىمىدى؟ اثرىك مەعالى و حەقائىق اسلامىيەنى افادە ايتەسى اولىك بر آن اول اورتە دىن قالدىرىلماسىنى انتاج ايتىش اولاجىق كە وقوع بولان تەخرىياتە رغماً اثرىك بر نەسخەسى بولونماشىدى. مە مافىيە ماستر (دە وەنپورت) كە حەفرە نەسبىيە كومولون و آنجىق بەئىز كەتابلەرك كوشەلەرىندە بو جاقلەرىندە بر قەچ سەطرىنە تەصادف اولونان اثرى، غەيرت دىنىيە و حەمىت مەلىيەسى مسلم اولان عزيز و فاضل و طەنداشىمىز اسەد فؤاد بك افەندىنىك ھەمىيەلە، بەئىت بەدالموتە مەظھەر اولدى. اسەد بك افەندى، بو اثرى بولمىك املەلە بر چوق كەتەبخانەلەرك فەھرستەلەرىنى تەدقيق ايتىش ايسەدە مەبىت بر نەتىجە استەحصال ايدە مەمش،

نهایت کچن سنه اترك برقاچ نسخه سنی الده ایتکه موفق اولارق ، اوکا نازه بر حیات ویرمشدر . اسعد بك افندی بولدیغی نسخه لرك برینی نزه اهدا ایتک لطفنده بولونقلرندن بزده اثری ترجمه ایدورک دینداشلریمزى مستفید ایتیهی تعهد و اترك ترجمه سنی اکمال ایتدک .

مستر (دهودنپورت) ك اثری کوزدن کچیریلدیکی تقدیرده انکلیز محررینک معالی و فضائل اسلامیه نفوذ ایتدیکی درحال آ کلاشیلیر . عجبا مستر (دهودنپورت) ك خریستیانلق تعصبنک فاحش اسناداتنه قارشى یازدیغی بو کوزهل ردیه ، منحصرأ کندی شخصی تبتعاتنک و شخصأ مفطور اولدیغی انصاف و حقشناسانك بر اثریمی ، یوقسه دها فضله غربده یاشلایان مهم برحر کتک نتیجه سیمیدر ؟ .

بونقطه یی تدقیقه لزوم کورمکله کمزك سبینی ، (دهودنپورت) ك اثرینی فردی برتششدن فضله ، اوروپاده عصرلرجه مصادمه ایدن متضاد مفکوره لرك تولید ایتدیکی یکی برحر کتک ، علمی برانکشافك محصولی عد ایتمه مزدر . اوروپاده صنف روحانینک حاکمیت دورینه ، بودوری تعقیب ایدن دینه خصومت فترتنه ، دها سوکره باشلایان علمی تدقیقات دینه حر کتنه سریع برنظر عطف ایتدی کمز تقدیرده بوحقیقتک درحال تجلی ایده جکنه قانعر .

«قرون وسطی» تسمیه ایتدی کمز دورده خریستیانلق ، برطرفدن بت پرستلیکی ، دیگر طرفدن یهودیلکی احایه چالیشدیغی زمانلرده ، کندیسندن هروجهله دها قوتلی ، یکی بردین اولان مسلمانلقله ده قارشىلاشمش و بودین ایله مجادله یه طو توشمشدی . بالنتیجه خریستیانلق بوتون صلاح و مسالمت مفکوردرلرینی کلیأ برطرف ایدرک دین نامنه

بوتون « كفاره » ، یعنی یهودیلره، مسلمانلره واونلرله برابر بوتون
 خریستیان اهل اعتزالنه اعلان حرب ایتدی . (رونه سانس) نامنی
 آلان دور انتیاه ، (ردفورماسیون) تسمیه اولونان دور تجدد ،
 خریستیانلغك اديان ساءریه ، بالخاصه مسلمانلغه قارشى دويدیغى
 بو عداوتى تخفیف ایدمه‌دی . (لوتهر) ، مسلمانلغه هجوم خصوصنده،
 اسلافی درجه‌سنده شدتله حرکت ایدیوردی . اونك نظرنده حضرت
 محمد ، - حاشا - مجسم شیطاندی ! لسان عبرانی تدقیقاتك احیاسی ،
 او وپاده خواص ویاعوامك یهودیلری قاتی یوره‌کلی ، انجیل محبتی ادراك
 ایدمیه‌جك درجه‌ده حسسز بر جماعت تلقی ایتمکدن آلیقویمامشدی !
 اون سکزنجی عصرک اورتالرینه قدر دوام ایدن بو حسیات ، خصوصت
 و طرفگیرلکه مستند آثار ایله بوس بوتون کوروکله‌نمشدی .

خریستیانلغك بواعثسافکار حرکتنه قارشى بکله‌ن طبیعى
 عکس‌العمل ، آنجق اون سکزنجی عصرک اورتالرنده باش‌لادی .
 خریستیانلق کبی ، محبت دینی اولدیغی سویله‌ن بر دینك متادیا قیلیچ
 صاللاماسنده‌کی مدهش تضاد غرب متفکرلرینی دیگر منتهایه ، یعنی
 اعتقادات دینه‌دن شبهه‌یه سوق ایتمشدی .

فی‌الحقیقه اون یدنجی عصرده غرب متفکرلرندن برقاچنك
 استقلال افکاری رهبر اتخاذ ایتهلری ، اون سکزنجی عصرده
 خریستیانلغه قارشى برعصیانك انفلاقنه مؤدی اولدی . باشده فرانسه
 اولق اوزره مختلف مملکتلرک محررلری صنف روحانی‌یه هجوم خصوصنده
 بربرلریله مسابقه ایتشلر ، رهبانك دینی برطاقم منافع اوغورنده انسانلری
 آلداندقلرینی ، خرافات آمیز حرکات و عقائدله خلقی ابدی اسارت
 دوچار ایتمک ایستیه‌دکلرینی سویله‌مشلردی . الحاصل ، صنف رهبانك غایت
 اعتسافکار برخط حرکت تعقیب ایتمه‌سی ، خریستیانلغه قارشى مدهش

بر عداوت تولید ایتشدی . بو عداوت خریستیانلغه منحصر قالماش ،
 بوتون ادیانده تشمیل اولونمشدی . مثلاً (وولتهر) کبی حرب رمتفکر
 ایله (لوتهر) کبی بر دین مجددی حضرت محمدی - حاشا - ساخته کار
 عد ایتمکده برله شیورلردی . فقط وولتهر ، (لوتهر) ی ده حضرت
 محمدله برابر ساخته کارلر زمره سنه ادخال ایتدیکی کبی ، لوتهرده وولتهری
 حضرت محمدله برابر کفار زمره سنه الحاق ایدیوردی !

صنف رهبانك اعتسافكارلغيله منورلك دینه عداوتی اون
 طقوزنجی عصر ك حلولنه قدر دوام ایتدی . هرایکی طرف ، احراز
 فائیت ایچون ، بر لرلیله مجادله ایدیورلردی . بو کون بیله بو مجادله نك
 بقیه سی دوام ایتمکده در .

انتباه و تجدد دورلرنده اوروپاده بو ذهنیتلر ك حکمران اولماسی
 نه قدر غریبدر . (لوتهر) کبی یوکسك کچشن ذکار بیله قرون وسطانك
 اعتسافكارلغندن قورتولامامش لردی . لوتهر ، مسلمانلقله مشغول
 اولدینی حالدده قرآن کریم حقنده آغزه آلینمیه جق درجه ده مستهجن
 کله لر یازمشدر . (لوتهر) ك درجه تعصبنه باقیکز که ، حضرت محمدی ،
 شیطانك پرستشکاری طانیمقده و برالهیسنده :

« یاربی کله کله و امیدکله بزی صیانت ایت ، مسلمانله (پاپا) یی
 احما ایت » دیمکده در .

(لوتهر) کبی ظاهرده جدی و متفکر کچین انسانلر ، ادیان سائرده و بالخاصه
 مسلمانلغه قارشى بو وضعیتی اختیار ایدرلر سه آرتیق بونلره تابع اولان
 آحاد ناسك نه ذهنیتده اولاجنی تخمین اولونابیلیر .

(وولتهر) ایسه غربده دینه عداوت جریانك اك قوتلی مثلی صاییلیر .
 (وولتهر) ده سهام تعریض و تهزیلانی حضرت محمده توجیه ایتمش ،
 (متعصب) عنوانلی فاجعه سننده پیغمبر اسلام حقنده کی تلقیسنی

افاده ايله مشدر . (وولتهر) ك تصوير ايتديكى (محمد) ، (ولتهر) ك تصوير ايتديكى محمد كى - حاشا ثم حاشا - حريص ، حيله كار ، خسيس . مقصدلر اوغورنده هر جرمى ارتكابه آماده بر آدامدر . (وولتهر) ك كويا حضرت محمد ديه تصوير ايتديكى شخصيتك تاريخ نقطه نظرندن اصلى يوق ، وجودى يوقدر . اساساً (وولتهر) ك منسوب اولديغى فكر مکتبی ، تاريخى تتبع ائمه مش ، بلكه دینه عداوت سوقيله تاريخ بشرى حقه باز اويوننه چه ويرمش ، بالنتیجه بودین دشمنی متفكرلر ، رهبان صنفی قدر ، تدقیقات دینییه وحقائق دینییه نك ظهورینه مانع اولمشلردر .

الحاصل برطرفدن صنف رهبان ، دیگر طرفدن دینسر متفكرلر اوزون اوزادییه دو كوشد كدن صو كره دین تدقیقاتنده تاريخى رهبر اتخاذ ایدن مکتب ظهور ایتدی . بومکتبك عمومى برقبوله مظهر اولماسى شرفى ، اون طقوزنجى عصره عائد ايسه ده ، مباديسى دینه عداوت جريانك حاكم اولديغى اون سكزنجى عصره در . بومکتبك حقيقى مؤسسى آلمان (فون ههردهر) در . المان دماغك جدیتی ، فرانسز ماديوننك دینه قارشى توليد ايتدكلرى عداوته عصيان ائتمش ، دیگر طرفدن اون سكزنجى عصره ، انكلتره دن زیاده ، المانیاده تأسيس ایدن حریت تحری ، تدقیقات دینییه نك سالم برشكلكده انكشافى تأمین ائتمشدر . تدقیقات دینییه ده تاريخى رهبر اتخاذ ایدن مکتبك تأسيسندن و كوك صالما سندن صو كره در كه غرب عالمنده حضرت محمد ايله مسلمانلق حقنده كى فكر وقناعتلر ك دكشمكه ويوكسامكه باشلا ديغى كورورز . بونك اك جانلى مثالى (قارلايل) ك ائيدر . (قارلايل) ك ۱۸۴۱ ده انتشار ایدن « قهرمانلر » عنوانلى اثرينك ايكنجى فصلى « پيغمبر صنعتنده قهرمان » سرلوحه سی آلتنده در . و حضرت محمدن باحثدر .

انکلیز متفکری، رسول اسلامک حیاتی و سچیہ سنی تحلیل ایتدکن باشقه احراز ایتدیکی موفقیتلردن اونک حقیقی ماهیتنی ایضاح ایتمکده در. (قارلایل) د کورده اون ایکی عصر یوزلرجه میایون انسانه رهبر حیات اولان برانسان، اوروپالی محررلرک دیدیکی و تاقی ایتدیکی کبی، بر ساخته کار اولاماز؛ حیلہ کار بر متعصب حضرت محمدک احراز ایتدیکی موفقیتلری قازاناماز. آجاق ایمان صاحبی برانسان، باشقه لرینه نفخ ایمان ایده بیلیر. حضرت محمد، انسانلره رهبر اولمق اوزره طوغشدر. یوقسه اوکا بر کیسه اتباع ایتزدی. حضرت محمد مفکورده لرینه صادقدی. چونکه «ساخته کار بر آدم، بر دین دکل آ، کر یچدن بر نه و بیلہ وجوده کتیره مز!»

قارلایل، حضرت محمدی بو طرزده محاکمه ایدرک دورنده حضرت محمد حقنده معلوم اولان هر شیئی یازمشد. اوزمان حضرت محمد حقنده وقوع بولاجق تدقیقات ایچون شایان اعتماد مأخذلر آزدی. بناءً علیه (قارلایل) چوق قوتلی اولان بصیرت تاریخیه سیله حرکت ایدرک بر چوق اساسسز روایتلری، ابله فریبانه حکایه لری رد و جرح ایتشد. بو صورتله غرب عالمنده ایلاک دفعه اولمق اوزره، حضرت محمدک حیاتی تاریخی بر شکلده یازیلشدی.

بر «سیرت نبویه» اولمق حیثیتله (قارلایل) ک اثری، اوروپاده بیلہ بو کون حائز اهمیت دکلدر. چونکه، عربجه ایله یازیلان اسلام تاریخلری اوروپا لسانلرینه ترجمه ایدیلرک نشر ایدلمس بولونیور، غرب محررلری (قارلایل) ک یاکلشلرینی کندی اللریله تصحیح ایدیورلر. فقط حضرت محمد عائد تاریخی بر تلقی اولمق اعتبارله (قارلایل) ک اثری قیمتنی محافظه ایتمکده در.

(لوتهر) ک قرآنه قارش یازدیغی چیرکین اثر، (وولتهر) ک

حضرت محمد حقنده یازدیغی قورقونچ فاجعه ، برده (قارلایل) ك
 (پیغمبر صفتنده قهرمان) عنوانلی اثری یان یانه کتیریلیرسه غرب
 عالمك مسلماناغه و حضرت محمد دائر تلقینتنده کی تحولاتی قاورایه بیلیرز.
 فقط یوقاریده سویله دیکمز کی (قارلایل) ك اثری یا کاشلرله
 دولودر . (قارلایل) بالخاصه قرآن کریمی هیچ آکلاماش ایسه ده
 بونقصانلرک مهم بر قسمنی ده اونی تعقیب ایدملر تلافی ایتشدور . نته کیم
 اثرینی ترجمه ایتدیکمز مستر (ده و ونپورت) سیرت محمدیه نك کوز دلاکنی ،
 معالی و بدایع قرآنیه یی ، قرآنك روح اخلاقینی تجلی ایتدرمکه
 چالیشمس و حضرت محمد قارشى وقوع بولان بهتانلری رد ایتشدور .
 کورولپورکه مستر (ده و ونپورت ك) اثری مهم بر حرکت علمیه نك
 محصوللرندوز . بو حرکت علمیه ، انکشاف ایتدکجه اسلامك محاسن
 و فضائلی ده اونسبتده تجلی ایتمکده در .

بوسوزلرمز یا کلاش ایشلاملیدر . مقصدیمز ، غربده ، اسلام
 دشمنانك زائل اولدیغنی سویله مك دکلدور . خایر ، بو عصر دیده
 عداوت ، بوس بوتون زائل اولمقدن چوق اوزاقدور . فقط تعصب
 و طرفگیرلکدن آزاده تدقیقات ایلریله دکجه مسلمانلق حقنده بسله نن
 حقسنر خصوصتدرده زائل اولاجق ؛ حقیقت اطرافنی صاران او هام
 و خرافات بلوطلرینی تارمار ایدرک بر کون کونش کی طوعه جقدر .
 بو کون قارلیریمزه تقدیم ایتدیکمز اثر ، حق و حقیقته بو وادیده
 خدمت ایدن اثرلرک بریدور .

عمر رضا

مؤلفك مقدمه سی

صحائف آتیہ ، سیرت محمدیہ بی باطل اسنادات و متعصبانہ تجاوزاتدن
تجربید ؛ حضرت محمدك اك بويوك خيرخواه بشریت انسانلردن بری
اولدینغی دعوائی محققی تأیید ایچون وقوع بولان ناچیز، فقط صمیمی
برتشبدر .

کور بر تعصبك تاثیر آلتندہ قالارق « عقیدہ توحیدی » احیا
ایدن ذاتك صیت باندینہ تجاوز ایدن محررلر ، حضرت مسیحك
اك قوتلی واك مؤکد صورتده تلقین ایتدیکی روح شفقتہ کلیاً یابانجی
اولدقلرینی کوسترمکله قالماملر ، بوندن باشقه ، محاکمه لرندده خطا
ایتملردر . چونکه ادنی بر تفکر ، رسول اسلامك خریستیانی وعصری
بر نقطه نظاردن ده کل ، شرقی بر نقطه نظاردن تنقید اولونماسی لازم
کلدیکنی کویستر . تعبیر دیکرله حضرت محمد ، عربستانده میلادك
یدنجی عصرندہ ظهور ایدن دینی بر مجدد و برشارع اولارق دوشو-
نولملی و محاکمه ایدلمه لیدر . او زمان حضرت محمد هیچ شبهه سز ،
بوتون جهانده ظهور ایدن الك نادر واك علوی دهلردن بری ، هیچ
اولمازسه ، آسیانك اولادلغیلہ افتخار ایتدیکی اك بويوك انسان اولارق
قبول ایدیلیر .

محمدك ظهورندن مقدم عربلرك نه حالده اولدقلرینی ، ظهورندن
صوکره وضعیتلرینك نه درجه تبدل ایتدیکنی نظر دقتہ آلیر ، بوندن
باشقه عقائد اسلامیه نك یوزلرجه میلیون انسانك قلمبندہ او یاندردیعی

شوق و هیجانی دوشونورسهك بوقدر خارق‌العاده و بوقدر بویوك
 انسانه قارشى حیرانلغمزى كتم ایتمهك اك آشكار ظلم اولدیغنى
 طویمامغه امكان قالماز. بعشت محمدیه‌ی كورتصادفه عطف ایتك ايسه قدرت
 السیه‌ك كائناتشمول حاكیمیتدن شبه ایتمكدن باشقه برشى دركدر .
 مؤلف برقاج نقطه‌ده ، بوقدر مراقلى ، بوقدر مهم بر موضوعى
 لایق اولدیغى اهمیتله افاده خصوصه‌نده كندى قدرت بیاننه اعتماد
 ایتهدیكى زمان ، باشقا محررلك فكر و بیانندن استمداد ایتمشدر .
 فرصتدن بالاستفاده بوزواته صمیمى و متدارانه تشكراتمى تقدیم ایدرم .

برہنجی قسم

حضرت محمدؐ کی حیات

برنجی فصل

حیات محمدیہ نیک موثوقیتی - محمدک زمان تولدندہ عربستانک احوالی - عربلرک دینی - موسوبلکک و خریستیانلغک تردیاتی - حضرت محمدک زمان تولدی - حضرت عیسانک نہ زمان دوغدیغنک مشکوکی - حضرت محمد ، نسل اسماء - عیلمندر - کعبہ وحجر اسود - (بورقہارت) ک سوزلری - ختان محمدی - عیسانک اون ایکی غلافی (هامش) - آمنہنک ارتحالی - حضرت محمدک شفقت بنوتکارانہسی - محمدک سوت والدہسنہ شکران منتدارانہسی - محمدک عمجہ سیالہ برلکدہ تجاری سیاحتلری - چولده ماجرالر - حضرت محمدک زنکین بردول اولان حضرت خدیجہ ایله ازدواجی - شخص محمدینک ایکی تصویرى - حیات محمدیہنک حیات یسوعہ مشابہ دورى - محمدک مغموم و متفکر حالى - جبریل امینک ظہورى - حضرت محمدہ رسالتک تبلیغی - تجلیات مثالیہ کورہ نلرہ دائر ملاحظات - ایلک مؤمنلر - عدم موفقی - معجزہ طلبی و بوطلبک ردی - حضرت محمدک وزیرى حضرت علی - محمدک تبشیرات علنیہسی - عمرک اہتداسی - حضرت محمد ایله آرقداشلرینک اوغراقلری اعتسافات - ایلک ہجرت - حبشستانک مهاجرلری حمایہ ایتسی .

مشہور پیغمبرلرلہ فاتحلر آراسندہ تاریخ حیاتی حضرت محمدک تاریخی کبی ، اک اینجہ تفرعاتنہ قدر اک موثوق شکلده قید و ضبط اولونان برکیمسہ کوستریلہ مز . فی الواقع حضرت محمدک تاریخی ، آسیالی محررلرک مبالغہ لرندن تجرید ایتدیکیکنز تقدیرده کریدہ قائلان تفصیلات محض حقیقتدر .

حضرت محمدک زمان تولدندہ عربستانک بویوک برقسمی ، اجنبیلرک بویوندروغندہ ایکلہ یوردی . عربستانک اقسام شمالیہسی کی سوریه ، مصر و فلسطین بیزانس ایمپراطورلغنک اقلمر و حاکمیتہ داخلدی . بصرہ کورفزینک ساحللری ، دجلہ و فرات نہرلرینک اروا ایتدیکی ساحہ ایله جزیرہنک اقسام جنوبیہسی ایران کسرالرینک نفوذینہ منقاد

ايدى . بحر احمر ساحلنك (مكه) جنوبنه قادار اوزانان بر قسمى حبشستانك خريستيان حكمدارلرينه تابعدى . انجق (مكه) ايله عربستانك يتيشلمز اقسام داخليه سى ، استقلالنى محافظه ايدىوردى . مملكتنك مقدرات سياسيه سى ، اهلينك عقائد دينه سنى ، واسع برمقياسده تجلى ايتديرىوردى . نروده يونانليلرله حبشايلىك نفوذى حاكمه اوراده خريستيانلق متفوقدى . يكدىكريله جدال ايدن ايكي اساسى قبول ايدن مجوسيدكه مانيلك ۱] ايرانه تابع حواليده حاكمدى . اوتة طرفدن ، بت پرستك بى پايان برسطوتى حائزدى . اول امرده عربلر ، ىرى و كوكلىرى يارادان ذات اجل واعلايه پرستش ايدىيوركن بالاخره بو عبادتى ترك ايدرك سيارات و ثوابتده مقيم وير يوزى اداره ايتمكده اولديغنه اعتقاد ايديان پرىلره واللهك اوغللرينه طابق اچون معبدلر انشاسنه باشلامشلىردى . فقط الاهلر ، عربستانك هر طرفنده شايان پرستش كورلمه يوردى . هر قبيله نك ، هر عائله نك كندينه مخصوص الاهلرى واردى كه بونلرك اوغورنده انسانلر بيله قربان ايدىلىردى . عربلر حيات آخرته ، يا خود خاقت عالمه اعتقاد ايتمزلر ، كائناتك خلقي « دهره » ، جهانك مستقبل اضمه حلالنى (زمان) ه عطف ايدرلىردى . فسق و فجور ،

۱] مانيلك (مانى) طرفندن اوچنچى عصر ميلادده غربى آسياده تأسيس اولونان ديندر . تصوفى و اثنائى برماهيتى حائز اولان مانيلك وجود بشر مسئله سنك حلى استهداف ايدر . بومذهب ، پارسى مابعدالطبيعائيله بوديلكك اخلاقياتندن ، بابلك اساطيرندن و خريستيانلغك بعض عناصرندن متشكل عد اولونبور . اثنائيلك ، ضيا و ظلمتدر . بودينه كوره رها ، كائناتك ماهيت حقيقه سنى اكلامقلا ، ضيا روحنك ظلمت ماده سندن آريلاسيله قابل حصولدر . مانيلكه كوره حضرت مسيح ، ضيا روحنك برسوليدى . يالكز حواريلر اونى ياكش برشكلاده كلامشلىردر . مانى ، انجيلده اشارت اولونان (پاراقلط)ك كنديسى اولديغنى سويلردى . مترجم

غضب و غارت متعمدی. اولوم، حیاتک قطعی نہایتی تلقی ایدیلدیکندن
نه فضیلتہ بر مکافات، نهدہ ردیلتہ بر مجازات طاینمازدی. بوکا نمائل
دینی و اخلاقی بر انحطاط بر چوق زمان مقدم عربستانده یرلشن و چوق
قوتلی فرقه لر تشکیل ایدن موسویلرله عیسویلر آراسندهده مشہود
ایدی. یہودی لر، رومالی لرک اعتسافندن قور تولق ایچون پویناہ حریتہ
التجہ ایتشلردی. خریستیانلر، (اوتایخ) ۱۱ ک طرفدارانی اولان
نسطوری لرک روا کوردکلری قتل عاملردن، آریوس طرفدارانلک
مناقشاتندن خلاص بولمق ایچون بورایہ ہجرت ایتشلردی. بودورده کی
خریستیانلغک حالندن دہا شایان تلہف بر حالہ دسترس اولمق قولای
دکلدر. ۲]

آسیا و آفریقاده کی خریستیان کلیسہ الینک یریشان شعبہ لری
یکدیگریلہ حال اختلافده بولونیوردی. بونلر بر برینہ قارشلی ال و حشی
اعتزاللری، ال قورقونج خرافہ لری قبول ایتشلردی. آریوس طرفدار
رانیلہ سابیلیانلر و نسطوری لرله او تایخ طرفدارلری آراسنده وقوع
بولان دائمی مجادلات ایلہ خریستیانلق تارمار اولمش، صنف رهبان
آراسنده شایع اولان معجزہ تجارتی، افراط فجور، عمومی باربارلق
وجہالت، خریستیانلق نامنہ بویوک برزدالت تشکیل ایتمش، بوتون

۱] بشنجی عصر میلادینک مشہور یونانلی ازباب اعتزالندن (اوتایخ)
مسیحک لاهوتی و ناسوتی ماہیتلرینک اتحادندن صوکرہ بر ماہیت تشکیل
ایده جک درجہده امتزاج ایتدکلرینی، بردکز بر قطرہ بی ناصل نابود ایدرسہ
مسیحہ عائد ماہیت بشریہ نک ماہیت النہیہ طرفندن اولیلہ جہ تمثیل اولوندیغی
بیان ایتشد.

۲] بروس، سیاحتنامہ سندہ دیرکہ: «فی الحقیقہ آباء عیسویتک تردینی
خلق کندیلرندن اوزاقلاشدیرمشدی. بونلرک یالانلری، خرافہ لری،
عنیزلری، معجزہ لری، وبالخاصہ رهبانیت آدابہ مغایر حرکاتی عربستانده
بولونان خریستیان کلیسہ الینی پک الیم بروضعیتہ دوشورمشدی.»

خاقلك تربيه سنى افساد ايدەن برماھيت آلمشدى . عربستان چوللارى جاھل و مجنون منزويلر و صومعه نشينلرله دولمشدى . بونلر ، عمرلرينى يهوده ، فقط مجنونانە تخیلات ايچنده امرار ايتدك كن صوكره باشلرينه طويلا دقلرى آياق طاقيله برابر ، ا كثر يا مساح اوله رق شهرلره آقین ايدرلر ، كليسا ندرده ، تخیلات مجنونانە لرینى افاده ايدەن نطقلر ایراد ايدەرك قيلميج تهديديله بونلرى هر كسه قبول ايتدیرمك ايستلردى . حضرت مسیح طرفندن تلقین اولونان حكیم وقدير ، رحمان و رحیم ، بی نظیر و بی شریك بر اللهه عبادت كبی سادە عقیده نك موقعی اك شریر بت پرستلك غصب ایتمشدى . اسكى عالم شركك آلهه سەبدل ، شهدا ، عزیزان و فرشتهلردن متشكل برجم غفیر ایله مسكون یكى بر اولمپ وجوده كیتیرلمشدى . اولیه بر طاقم مذاهب خرستیانیه توره . مشدى كه آلله ره شایان اولان صفات و احتراماتی (یوسف نجار) ك زوجه سەنه بخش ایدەجك درجه ده خجیل حرکاتده بولونمشدى . ۱۰ | حضرت عیسانك آنجق حى ولايموت اولان اللهه عبادت ایتلرینى توصیه ایتدیكى انسانلرك نظارنده اك حرارتلى پرستشه لایق كورولن شیر ، بر طاقم متروكات ایله اویمه و یاخود رنگای رسملر اولمشدى . اسكندر یه ده ، شام و حابده کی کلیسالرك اراهه ایتدیكى منظره بوندن عبارتشی . بعثت محمدیه هنكامندە بونلرك هپسى اساسات دینیهلرینى ترك ایدەرك اهمیت تالیه یی حائز نصوص اوزرندە بیتمز توکه نمز منازعه لرە دوشمشلردى . عربستان خالق ایسه بونلرك هر عقیده دینی نك اك اساسلى نقطه سى اولان جناب حقه صاف و صمیمی عبادت اساسندن تباعد ایتدكلرینى كوروپور و اك چیرکین ، اك وحشی خرافات پرستلك اعتباريله مشرك معاصرلريله

۱ [مریمیلر تسمیه اولونان اهل مذهب ، (روح القدس) ك یرینه (مریم بتول) ی اقامه ایدن یكى بر تثلیث وجوده کتیرمکک تثبیت ایتشلردر .

همعیار بولونیورلردی .

حضرت محمد ، مکده تولد ایتمشدر . اک صحیح قوله کوره ، رسول اسلام ۱۰ تشرین ثانی ۵۷۱ سنه سنده طوغمشدر . شایان دقتدر که حضرت عیسانک زمان تولدی اطرافنده درین شهره لر حاکم اولمقده در . آلتنجی عصر میلادینک مبادیسنه قدر ، حضرت عیسانک تولدی ، تقویم وقایعجه مجهول قالمش ، آنجق بوصیرالرده امپراطور (روستینیئن)ک دورنده رومالی بر راهب اولان (بوسینوس ا کسینوس) طرفندن میدان تداوله حیقاریمشدی . بونی متعاقب ، (نوسه ییوس) ، (نهرتولیان) وباشقه لری طرفندن یاسیلان اوزون ومتناقض حسابلر ، شو معمانی تولید ایتمشدی : « حضرت عیسی قبل المیلاد ۳۹۹۹ سنه سنده ، بعد المیلاد بش سنه سنده طوغمشدر . »

حضرت محمدک اجدادیله اقرباسنک ، کرک داخلی ، کرک خارجی معاملات اعتباریله ممالکیتلرینک امراسی عد اولوندقلری ، درایت واستقامتله تدویر امور ایتدکلری اکلاشیله مقده در . بالاخره ، عصای حاکمیت ، عربستانک اک نفوذلی قبیله لرندن اولوب حضرت اسماعیلک نساندن اولدیغی سویله نیان واولیه اولان قریشک دها کوچوک بفرغنه انتقال ایتمشدی . فی الحقیقه عرب مورخلری حضرت محمدله حضرت اسماعیل آراسنده کی نسللری صایمقده اختلاف ایدیور ، بونلرک بر قسمنی ۶۰ جد صانیورسه ده هپسی اسماعیلک احفادنن اولان عدنان ایله محمد آراسنده (۴۱) جد بولوندیغی افاده خصوصنده برله شیور . اختلاف آنجق ، عدنان ایله اسماعیل آراسنده کی اجداده منحصر در .

(مکه) نك رؤسای ایله کعبه نك محافظلری بش نسل مدته بوقریش قبیله سندن انتخاب اولونمقده ایدیلر . حضرت محمدن مندم

(كعبه) ، بت پرست عربلر طرفندن برای حج و برای عبادت زیارت اولونیوردی . و برسنه عربیهك كونلری عددنجه ، (۳۶۰) تی احتوا ایدیوردی . كعبه ، بالخاصه حضرت ابراهیم واسماعیل طرفندن انشا اولونمق ، حق تزیه و تجیل ایچون انسان الیه تشید اولونان ایلک معبد شهرتی حائز اولمق حیثیتیه فرط حرمته شایان کورولیوردی . یونانلیلك (دهلفی) معبدی کی كعبه ده بوتون عرب ملتلك قبله کاهی صایلیوردی . عربلك الك فضله قیمت و یردکاری صفت ممتازه اولان بلاغت و شاعریتله اشتهار ایدنلر بورایه کلیرلر ، حافظه لرده پایدار قلمغه لایق اولان شعرلر كعبهك جدارلرینه آصیلیردی . كعبهك يك اسکی زمانه عأدیتی ، تاریخه کوره معبد سلیمانن ۴۹۳ سنه و تاریخ میلادیدن ایکی بيك سنه مقدم تأسیس اولونماسی ، حائز اولدیغی حرمتی قات قات آرتدیریوردی . معبدك جنوب غربی گوشه سنده کوموش بر محفظه ایچنده طوران بر طاش وارد که یردن دوت قدمه یوکسکده در . مسلمانلرجه آدمله برابر جستن دوشدیکی و مشارالیه طرفندن یاصدیق اولارق قوللانیلدیغی سوبه ن بوطاش ، اهل اسلام نظرنده بویوک براعتباری حائزدر .

عرب محررلری ، پیغمبرك زمان تولدنده وقوع بولان حادثاتی لك كوچوك تفرعانه قدر تصویر و تفصیل خصوصنده بریرلیه مسابقه ایدرلر . بونلك بیانه نظراً مولد نبوی اشناسنده متعدد خارقه لر وقوع بولمش ؛ سما ، خارق العاده بر نور الیه آیدینلارمش ، ساوا کولی درحال وورومش ، بيك سنه دن بری هیچ سونمیوب یانان ایرانلیلك مقدس آتشی درحال سونمشدی .

حضرت محمدك پدری عبدالله ، والده سی آمنه در .
محمدك تولدی اوزرینه آمنهك برمنجم اولان برادرى چوجنگك

طالعنه باقش، اولك يوكسك برنقوده مالك اولاجغنى ومعظم بردوات
قوره جغنى سويله مىدى. مولدنبوينك هفته سنده، محمدك جدى عبدالمطالب،
قبيله سنك رؤساسنه برضيافت ويرمش، ضيافت اثناسنده چوجوغى
ماتنك طلوع ايدن شان وشرقى عد ايدرك تيمناسمى «محمد» قويمىدى [۱]
چوجوق ايكي ياشنه وارمادن پدى ارتحال ايتش، وكنديسنة آنجق
ايكي دوه ايله برقچ قويون، و برسياد جاريه ميراث بيرامىدى.
آمنه، چوجوغنى امديريوردى. فقط قادينك دوجار اولدينى اكار
كوكسك منابعنى قوروش اولديغندن اوغله بدويلر آراسنده برسوت
نمىنى آرامغه باشلامىدى. بوبدوى قادينلرك ايفا ايتدكلرى خدمت
مقابلنده بويوك اجرتلر طلب ايتمكده اولمالرينه مبنى، برسودننه بولمى
مشكلىدى. بدوى قادينلرك برچوغى كوچوك بوميراث صاحبنك والدهسى
طرفندن وقوع بولان تكليفى رد ايدىيورلردى. نهايت سعديلردن
بر چوبانك زوجەسى، شفقت حسنة رام اولارق، مكەنك شرقنده
واقع اولان طائف دانك كويلرندن برندهكى ئەوينه محمدى آلوب
كوتوردى. محمدك بو عائلە آراسندهكى اقامتى اوزامامش، چونكه
چوق كچمەدن اوموزلرى آراسنده كورولن بر خاتمك جنلر ويايريلرك

[۱] بعض اسلام محرلى، حضرت محمدك مختوناً تولد ايتديكنى بيان
ايتمكده درلر. (غرويوس بيكانوس) مسيحك ختاني حقنده شاين دقت
معلومات ويريور. ايلك اهل صليب محاربەسى اثناسنده (غودفروا دوپويون)
(آنتوهرپ) قادينلرينك (تهرس) نامى آلتندە (پريابوس) عبادت
ايتدكلرينى خبر آلمش، بونك اوزرينه كنديلرينه عيسانك غلافلردن برينى
كوندرەرك اوللرى بوكى خرافندن قورتارمى ايستەمشەده موفق اولامامىدى.
مسيحك حالا اون ايكي غلافى بولوندينى سويلە نمكده در. بونلرك برى قولومبوس
راهيلربنك النده، ايكنجيسى (شارو) كليساسنده، اوچنجيسى هايلدشام،
دردنجيسى روماده سن ژان اولاتران كليساسنده، بشنجيسى (آنتوهرپ) ده،
آلتنجيسى (بويون وهلار) ده، نوتردام كليساسنده وسائره.

اثرى اولديغى تخمين اولونارق قورقو يوزندن مكدهكى والدهسنة اعاده اولونمشدى [۱].

حضرت محمد آلتى ياشسنة باصديغى زمان والدهسيلة يثرېدهكى براقربابى زيارتدن عودت ايدىيوركن والدهسنى ده ضابع ايتمش ؛ آمنه مدينه ايله مكه آراسنده بر كوى اولان (آبا) ده دفن ايدىلشدى . پيغمبرك حساسيتنى ، اونك صوك دم حياتنه قدر والدهسك مزارى بره طاف توقير اتخاذا ايمهسى قدر هيچ برشى ايضاح ايتمز . شهره يوقدر كه اونك ، حياتنك ايلك دورنده درچار اولديغى بوضياع ، بالا آخره اونده تظاهر ايدن ملول ومتفكر سجيھى اوكلانخس ايتشدر . عمرينك يدنجى سالنده ايكن حضرت محمد ، دوچار اولديغى ضياعك وخامتى تقدير ايدىيور ، او كسوزلكنك توليد ايتدىكى بيكسسالكى حس ايدىيوردى . قرآن كريم بونقطه يي موضوع بحث ايدىيوركن حضرت محمدك نائل اولديغى الطاف اللهيه وصيانت رحمانيه يي ياد ايدرك « جناب حق سنى او كسوز بولوب ايوا ايمه ديمى ؟ » دير .

عمرينك ديكر بردورنده حضرت محمد ، مدينه دن حديبيه كيدىيوركن آنهسك قبرىنى زيارت ايتشدى . آمنهك اوراده مدفون اولديغى بيلمه ين بعض اصحاب ، پيغمبرك آجى آجى آغلادىغى كورونجه كنديسنه سبب بكا سنى صور مشر وشو جوابى آلمشردى . « بوراسى

[۱] محمدك سوت والدهسيلة مدت اقامتى يك قيصه اولماسنه رغماً كندىسى سود آناسندن كوردىكى شفقتى دائماً منتله ياد ايدك كمشدر . حليمه ، حضرت محمدى خديجه ايله ازدواجندن صوكره مكده زيارت ايتشدى . او سنه چوق قوراللى اولمش ، حيوانلر اولمشدى . حضرت محمد خديجه يي سود ننهسندن بحث ايتمش ، وبالنتيجه بر تخت روانى طاشيمغه مقتدر برده وه ايله فرق قويون ويريلش ، حليمه ممنوناً عودت ايتشدى . ديكر برزبارتنده محمد عباسنى يامش و حليمه يي اوتورتمشدى .

عنیز والدہ مک قبریدر . حق تعالیٰ بکا اونی زیارتہ رخصت و برمشدر .
جناب حقیدن والدہ مدعا ایچون اذن ایستدم . قبول بو یورمه دی .
والدہ می خاطر لایحه اونک عنیز و رقیق خاطر مدعی می مغلوب ایتدی ده
آغلادم .»

والدہ سنک ارتحالی متعاقب چو جوغه بافق وظیفه سی ، دورینک
رئیس اولان بویوک باباسی عبدالمطلبک عهده یدرانه سنه دوشدی .
ایکی سنه سوکره عبدالمطلبک ارتحالی اوزرینه مومی الیهک اوغلی و خانی
(ابو طالب) محمدک تربیه سی درعهده ایتش . و کندی اولاد لرینه
کوستردیکی شفقت و اعتنای ، اوکاده هر صورتله کوسترمشدی .
بوصیره لر در که حضرت محمد ، ذکی و متحری بر فکر صاحبی اولدیغنی
تجلی ایتدیرمکه باشلادی . محمد ، ازوایه چکیله رک دوشونمهی اوقدر
سه ویوردی که آرقداش لری کندیسی اویونه دعوت ایتدکاری
زمان اولره « انسان » بیوده اویونلره دالمقندن دعا اصیل مقصد لر
ایچون یارادیلشد . « دیوردی . اون اوچنچی یاشنه باصدیغی زمان
حضرت محمد ، زنکین بر تاجر اولان عمجه سنک بر کروان ایله
سوریه حرکتک عرفه سنده کندیسنک ده بر لکده کورتورلمه سی رجا
ایتمش ، بو سیاحت اثناسنده کندیسنه اولدجه مهم بر اعتبار قازاندیران
بر شکله حرکت ایتشدی . ازلسی سنه حضرت محمد قابیت عسکریه سی
اظهار ایتشد . عربارک نظرده تجارتچیلک ایله عسکرلک غیر قابل
تألیف ایکی مسلاک عد اولونمقده برابر حضرت محمدک ایکی وادیده اظهار
لیاقت ایتمه سی الک ممتاز قیللر آراسنده بو ایکی صنعتک منجدا
ده کلسه ده علی التعاقب تجلی ایدم بیله جکی تلقیسی وجوده کتیرمشدی .
کنج محمدک سفر لرده فعلاً درعهده ایتدیکی وظائف ، خطابت اقتداری
و عسکری ذکا کی ایکی یوکسک صفی انکشاف ایتدیرمشدی .

بو مزياتك كنديسنه تأمين ايتديكى حرمت و اعتماد ، سوزلرينك و حركتلرينك صميمى ، حياتك انتظامى و محاكه سنك اصابتى ايله قات قات يوكسامشدى . حضرت محمدك ياشى ايلريله دجكه يوكسك اقتداردن استفادە ايتك ايستەين ديكىر تاجرلر، كنديسىنى تجارى ايشلارده استخدماه شتاب ايدييورلردى .

حضرت محمد ، عمجه سيله برلكده اجرا ايتديكى سفرلرلر بىرندە سوريه چولنده بر مناستره مواصلت ايتديكى زمان بو مؤسسەنك رئيسى ، كوزلرني كنج سياحك بوزينه ديكىر كىرە ابو طالبي بر كناره چكەرك ، « برادر زاده كىزه زياده سيله دقت ايديكىز . اوڭى موسويلرلر خيانتدن قورويىكىز . چونكه محقق او ، بويوك ايشلر اچون يارادىلشدر . » ديمشدى . بعض محررلر كوره بو كهانتكارانه اخطار ، مستقبل پيغمبرك ، بالاخره حضرت ابراهيمك احفاددن كوره جكي مشكلات و مخالفتلر افاده ايدييوردى .

بو تجارى سياحتلرلر اثنای اجرا سنده حضرت محمد ، عربستانك مختلف انجاسنده قورولمقده اولان پنايرلر كورمىشدى . بورلرده عربلرلر غنعات مليه سنى ترنم ايدن شعرلر انشاد اولونور ، عربلرلر اديان مختلفه سى ايضاح ايديليردى . پيغمبرك بوراده كى مشاهداتى بت پرستلىكك و تردى آمىز خرافات پرستلىكك چيركىنلىكنه و فناغنه دائر پرورده ايتديكى قناعى بوس بوتون تقويه ايتمىشدى .

بو صيره لرده كعبه يانغين نتيجه سنده خراب اولديغىدن تعمير ايديلييوردى . تعميراتى متعاقب « حجر اسود » يرينه قونولاجمىدى . قبائللر يكديكرينه قارشى اولان رقابتدن دولايي ظهور ايدەجك منازعاتى بر طرف ايتك اچون ، « حجر » ك يرينه قونولاجنى كونك صباحنده ايلك تصادف ايديله جك انسانك بو مسئله يى حل اتمه سى

تقرر ایتش ، اصادف اولونان ایلک ذات محمد اولدیغندن مشارالیه
تماشا کرانک ولوله شکرانی آراسنده، مراسم معتاده ایله حجری یرینه
قویمشدی . بو صورتله حضرت محمد ، رسالت مستقبله سنک، هدفنی
استهداف ایتدیکی صنم آلود بر معبدی تقدیس ایتش صاییلاییلر .
حال بوکه حقیقت حالد حضرت محمد ، حجرأسودی یرینه قویمقله بر
طاش پارچه سنی پرلشدرمش اولمایوردی . بالعکس محمد، مبشر و ناشری
اولاجنی یکی دینک تملی آتمشدی .

حضرت محمد ، عمجه سیله براسکده جلیشمغه دوام ایتش ، دیگر
طرفدن زوجنک وفاتیلله دول قالان (خدیجه) نك ایشلرینی ده تدویره
باشلامشدی . حضرت خدیجه طرفندن درمیان اولونان شرائطک قبولی
اوزرینه حضرت محمد اوچ سنه مشار الیه نامنه شامه و سائر پرلره
کیتمش ، عودت ایتدیکی زمان خدیجه یی زیارت ایدرک مساعی تجار .
یه سنک نتیجه سنی کندینه بیلدیرمک ایسته مشدی . خدیجه ، نتیجه دن
فوق العاده خوشنود اولمش ، بوندن باشقه ، قارشیسنده تسلیمیتکار
بر ادا ایله اخذ موقع ایدن محمدک سیاه و متفکر کوزلرنده کی فسون،
سیاسنده کی نزا هت و اطوارنده کی نزا کت اونک نظر دقتنی جاب
ایتمشدی . بوسه و یملی دول اوزمان قرقنده ایدی . ایکی دفعه اولمش،
ایکی ارکک و بر قیز طوغورمش بولونیوردی . فقط بوقدار مرد بر
آدمک جاذبه سنه ، بوقدر حساس و حرارتلی بر فکرک نفوذینه مقاومت
ایده مدیکندن ، چوق کچمه دن اوکا ید ازدواجنی تکلیف ایتمشدی .
بوصیره ده حضرت محمد، عنفوان شبابنده ایدی . سیاسی حاکم دی،
اداسی شاهانه ایدی . خطوط وجهیه سی منتظم و معنیدار ایدی .
کوزلری قارا و نافذدی . بورنی خفیفجه تومسکلی ، آغزی بیجملی
و اینجی دیشلرله مرصعدی . یاناقلری صاعلام بر صحتله قیزارمشدی .

فطرةٴ سياه و دوز صاحجرى خفيف كستانه رنكنى آليوردى . سحر
 آميز تبسمى ، كوزهل و بلند سسى ، اوضاع و حر كاتك محشم ظرافتى ،
 اطوارينك ساده لكى و صميميتى ، كنديسنى طانيا نرك كافه سى طرفندن
 اك لهدار دقتله قارشيلانيوردى . حضرت محمد ، يوكسك مواهى
 حازدى . ادراكى سريع و چالا كدى . حافظه سى احاطه لى و قوتلى
 ايدى . مخيله سى جانلى و نافذدى . محاكمه سى براقدى . جسارتى فوق-
 العاده ايدى . قناعتك صميميته دائر بعضيلرينك پرورده ايتدكلرى
 فكرلر نه ماهيته اولورسه اولسون ، محمدك معظم هدفنى تعقيب خصوصنده
 كوسترديكى ثبات و جسورانه تحمل ، آنجق حيرتله قارشيلانابيلير .
 محمد ، عربستانك اك تميز لهجه سنى قوللانمقله تمايز ايدن و حسن ايرادى
 ايله قات قات كوزدللشه ن بربلاغت طبيعیه ي حازدى .

حضرت محمدى اواخر حياتنده تصوير ايدن شوسطرلر ، دها آز
 مساعده كار ده كلدر : «محمد» سيماسنك كوزدلاكييله ممتازدى . بوظاهرى
 احسان ، آنجق اوندن محروم اولانلر طرفندن استحقار اولونابيلير .
 بو مزيت ، اونك سوز سويله مه دن اول ، كرك عمومى ، كرك
 خصوصى سامعلرينك حسياتنى كندى لهنه جاب ايدردى . سامعلرى
 اونك شخصيت حاكمه سنى ، اونك شاهانه اداسنى ، نافذ نظرلرينى ،
 ظريف تبسملرينى ، روحنك هر حسنى تجلى ايتديرهن خطوط وجهيه سنى ،
 هر افاده سنى تقويه ايدن اوضاعنى آقيشلارلردى . حياتك وظائف
 معتاده سنده ، مملكتينك وقور و مراسم آلود آدابنه رعايت
 ايدردى . اغنيا واقوييه قارشى كوسترديكى حرمتكارانه دقت ، (مكه) نك
 اك فقير آدملرينه قارشى كوسترديكى تواضع و محبت درجه سنده يدى .
 كرك شخصى دوستلق ، كرك عمومى خيرخواهلق ده تربيه و نزاھتدن
 آريلمازدى . حافظه سى كنش و قوتلى ايدى . مخيله سى علوى ؛

محاكمه سی صریح ، سریع و قطعی ایدی . كرك فكرده ، كرك عملده ، جسوردی . ۱۰ | دوشونجه لری موفقیت احراز ایتدجه کینشله دیکی حالدده ، رسالت الهیه سنه دأز پرورد ایتدیکی ایلک فکر ، اصلی و علوی بردها دامغانی طاشیمقدده در . الحاصل ، عبداللہك اوغلی ، الك اصل عركك قوینده یتشمشدر . »

كلمك عموم طرفندن قبول اولونان معناسیله ، حضرت محمدك تحصیل یوقدی . قبیله سی نزدنده معتاد اولان تحصیلدن باشقه بر تحصیل کورمه مشدی . بو قبیله لر ، بزم ادبیات دیدیکمز شیئی ، اہمال و یا خود استحقار ایدر لر . عرب لر ، کتابله ده کل ، استعمال ایله یو کسلتمک لری لسانلری درجه سنده باشقه بر لسانه حرمت ایتمز لر . بوندن باشقه حیات عمایه ده ایشلرینه یارایه جق شعرلری حافظه لرینه نقش اتمکله ، شخصی تجربه لرینی اصلاح اتمکله اکتفا ایدر لر دی . بناءً علیہ ، هیچ بر زمان معلمی بولو نمایان عرب ، هر شیئه رغماً ، یو کسلک برانساندی . چونکہ چادیر ، دائماً آچیق اولان بر مکتب کبی در . اوراده تجربه و اقتدار صاحبی آداملرله تماس ایله بویوک بر حرکت فکریه ، حتی بویوک بر حرکت ادبیہ تولد ایدر . بزم ، تعلیم و تربیہ تسمیہ ایتدی کمز شی ، شرقیلرک تربیہ یی یو کسلتمکله و ذکایی اینجه لتمکله معطوف حرکتلریله هیچ بر مشترک زمینی حائز ده کلدز .

حضرت محمدك حضرت خدیجه ایله ازدواجی ، عرب محرر لرک بیانه نظراً ، الك مکمل والك مراقلی صورته جریان ایتمشدر . ازدواج فوق العاده بر دبدبه ایله تسعید اولومش ، ولیہ ایچون ایکی دوه

[۱] موسی و محمد ، فکر آداملری اولقدن زیاده حرکت و فعالیت آداملری ایدیلر . آرقداشلرینه و معاصرلرینه حرکت و فعالیت تلفیق اتمکله درکه بونلر انسانیت حاکم اولملر در .
رونان

کسیلمش ، مسافرلر صوک درجه اعزاز و اکرام کورمشاردی .
 زمان ازدواجده حضرت محمد یکرمی بش یاشنده ایدی . خدیجه
 کوزه لاسکینی محافظه ایتمکه برابر قرقنده ایدی . آراده کی فرقه رغماً
 حضرت محمد ، خیرخواه زوجه سینه قارشى الك حرارتلی محبتله متحسس
 اولمش ، ممالکتنک تعدد زوجاتی تجویزایدن عرف و عادتندن استفاده بی
 دوشونمه مشدر .

پیغمبرک ازدواجی متعاقب کچن اون بش سنه لک مدت ، غیر قابل
 نفوذدر . عیسانک ، (یوسف نجار) دکاننده کچیردیکی فاصله ده بو
 قادار دوام ایتمشدی . بو او قدسی فاصله درکه اونک اشناسنده
 انسان کندی دهاسنک تولدینه یاردیم ایدر . ذات کبریانک ، کندیسینه
 تودیع ایتدیکی رسالت ایچون حضور ایچنده حاضر لانیرو تفکر ایله
 کسب کمال ایلر . آرتق محمدك دائمی و اندیشه لی انزوا و مشغولیتنک
 هدفی ، حیاتی تطهیر ایتک ، اونی هر هانکی بر شائبه ایله غیر قابل
 تلوث بر حاله کتیرمکدی .

حضرت محمدك ، سنه نك بر آینی مکهنک غربندن بر فرسخ مسافه ده
 اولان جبل حرانک بر مغاره سنده کچیردیکی سویله نیور . مستقبل
 پیغمبر بوراده تفکراته دالیور و ذوق استغراقی دویویوردی . روحک
 حال هیجانیله ، فکرک بر موضوع ایله بو قادار حرارتله اشتغالی ،
 شبهه سز بدن اوزرنده قوتلی بر تأثیر اجرا ایدر . بناءً علیه حضرت
 محمد ، رؤیالر کورویور ، استغراقله ، وجدلره دوچار اولویوردی .
 سیرت محمدیه بی یازان محررلردن برینک بیانه نظراً رسول اسلام یکنه
 بکرینی تعقیب ایدن آلتی آی حرفی حرفنه تحقق ایدن رؤیالر کورمشدر .
 عجبا بو دور استغراقک حقیقی ماهیتی نه در ؟ عجبا بونلر درین
 تفکرک اثری اولان دالغینقلرمی ؟ یوقسه تشکل فکری ویا بدیننک

تہرجاتیلہ علاقہ دار باغیناقلرمی ؟ بونی تعیین ایتک مشکدر .
فقط محقق در کہ الہام دقیقہ لرنده محمدی اندیشہ لر تضیق ایدر و یوزندہ
اضطراب لر نمایان اولوردی . بو دقیقہ لرنده حضرت محمد ، بیہوش کی ،
یاخود اویقویہ مغلوب اولمش کی یرہ دوشر و الہ صوغوق کونلرنده
آلندن بویوک تردامالاری آقاردی . حق روایت اولوندیغہ کورہ حضرت
محمد بو حالہ دوچار اولدیی زمان دومسک اوزرنده بولونسہ ، حیوان
شدید بر اضطرابہ دوچار اولور ، یرہ چوکر ، تکرار قالقار ، اونی
آرقاسندن ایندیرمک ایستہ یورمش کی آیاقلرینی یرہ اوزاتیر ، یاخود
باجاقلرینی صالاردی .

حضرت محمدک صرعہ نوبتلرینہ دوچار اولدیغہ داہرا کثریا تکرار
اولونان روایتلر ، یونانیلرک سفیل براویدورمہ سیدر . بونلرک مقصدلری ،
یکی دینک ناشرینہ بویلہ بر مرضی اسناد ایتککہ اونک سچیہ اخلاقیہ سنی
لکہ لہمک و خریستیاناق عالمنک حسیات نفرت و تقبیحنی تحریک
ایتمکدر . بو شریر متعصبلر دوشونمہ لیدرلرک شاید محمد بو قورقونج
خستہ لغہ دوچار ایسہ خریستیاناق شفقتی اوکا بدبختلغندن دولایی
آجیمغہ سائق اولمالی ، سہوینمکہ یاخود غضب الہینک بر علامتی اولارق
تلقی ایدیلکہ سائق اولماملیدی .

عمرینک قرقنجی سنہ سنده در کہ حضرت محمد یوقاریده سویلدیکمز
وجہلہ رمضان آئی حرادہ کچیریورکن مراقبہ لیلیہ اثناسندہ ، عباسہ
بورومش اوتوردیغی حالده ، کندیسنی آدیله چاغیران برسس دویمشدی .
محمد باشنی قلدرنجہ اوزرینہ اویلہ بر طوفان نور یاغمشدی کہ تھماسوز
شعشعہ و شدتہ مقاومت ایدہ مدیکندن کندندن کچمشدی . حضرت
محمد ، تکرار کندینہ کلدیکی زمان انسان شکندہ بر ملکک کندیسنہ
یاقلاشدیغنی کوردی . و « اوقو » دیدیکی طویدی . محمد « اوقومق

بيلمم» ديدى . ملك «اللهك نامنه ، هرشيئي يارادان ، انسانى
اويوشمش قان پختيسندن يارادن اللهك نامنه اوقو ! رب اكرمك
قلمله اوكرهتدى . انسانه بيلمه ديكى اوكرهتدى . « ديدى .

محمدك فكري درحال آيدىنلاندى وسهولته اوقومغه باشلادى .
دها صوكره مقاومتسوز بر هيجانك تاثيرى آلتنده قالقدى ، چولك
اورتاسنه آتيلدى . هرطرفدن شوسسى دويويوردى : «يا محمدسن اللهك
پيغمبريسك . بنده جبريل امينم .»

رمضان اينك دردنجى صباحى محمد، فكرياً پك مضطرب اولديغى
حاله زوجه سنه عودت ايتدى . روحنك پك صيقيقتيلى اولماسنه مبنى زوجه سندن
كنديسى صارماسنى و صووق صوابله او غمماسنى طاب ايلدى . حضرت محمد
افاقت ايتديكى زمان زوجه سنه رسالت الله به سنك سرينى افشا ايتدى .
خديجه ، حضرت محمدك دوغرواغنه ايمان خصوصنده بر لحظه تردد ايتمه دى .
بونده شايدان حيرت هيچ بر شى يوقدر . چونكه حضرت محمدك
حسابنه شونى قيد اتمه لى يزكه كنديسى احتياج تضيقنك فوقه چيقارازان
زوجه سنه قارشى پك شفيق و پك اهتمامكار بر زوج اولديغى اثبات
ايتمش ، تعدد زوجات حقندن استفاده ايتمش ، خديجهنك ارتحاله
قدر بوندن استفادى . دوشونمه مشدر . او حاله خديجهنك اونك
سوزينه اعتماد اتمه سنه امكان وارميدر ؟ بالعكس خديجه ، حضرت
محمد طرفندن كورولن تجلياتى ، اداره الله بهنك حقيقى بر تظاهرى
اولارق تاقى ايتمشدى . خديجه دن صوكره نبوت محمديه ايمان ايدنلر ،
اونك آز ادلىسى زيد ، عمجه زاده سى على ايدى . دها صوكره
حضرت محمد ، زنكين و نافذالكام بر ذات اولان ابوبكره خطاب
ايدرك موفقيت تامه احراز ايله مشدى . ابوبكره اقتداء و اونك
نصايحنه تبعاً (مكد) نك ديكى بر چوق رجال مهمه سى ده يكي دى

قبول ایتمشلردی .

حضرت محمدك صمیمیتی قوتله تأیید ایدن دلائلدن بری کندبسنه
ایلك ایمان ایدنلرك ، حیات خصوصیه سنه يك یاقیندن واقف اولان
اك عزیز آرقداشلیله ارکان عالمه سی اولماسیدر . یوقسه بونلر ، ریاکار
آلدا یجیلرك دعوالریله نه ولرنده کی حرکات آراسنده کی تضادی کشف
ایتمکدن عاجز قالمازلردی .

فقط ایلك موفقیتی بر توقف تعقیب ایتدی . حضرت محمد ،
قبیله سنك رؤسای بر اجتماعه دعوت ایدرلك رسالتی تبلیغ ایدنجه
برودت و عدم اعتماد ایله قرشیلانمشدی . حضرت محمد ، اللهك
برلکینی و کندی رسالتك حق اولدیغنی تبلیغ ایله اکتفا ایتمه رلك
بت پرستلکی احما ایده جکینی ، وطنداشلیرنی دین ابراهیمه اعاده
ایله جکینی سویله نیجه هر طرف حدتدن کوپورمش ، کندیسنی صوصد-
یرمق ایچون هر طرفدن تکلیفلر درمیان اولونمش ، هر کسندن قضیه
کندی اوز قبیله سنك ارکانی اك تجاوزکار مخالفتده بولونمشلردی .
معافیله ابوطالب ، برادرزاده سنك دینی قبول ایتمه مکه برابر ، برادر
زاده سنی حمایه ده دوام ایتمشدر .

حضرت محمدك حیاتی برقچ سنه ، اعتسافات و تحقیرات ایچنده
چشمش و بو اعتسافات عددلری محدود اولان آرقداشلینه ده شاعیل
اولمشدی . مخاصملرنی بر دفعه کندیسنه ، دعواسندن فراغت
شرطیله ، ریاست و ثروت وعد ایتمشلر ، فقط ، حضرت محمد بونلر
قرآلك قرق برنجی سوره سنی تلاوتله جواب ویرمشدی . اوسورودن
شو آیاتی اقتباس ایدیوروز :

« رحمان ورحیم اولان الله طرفندن کوندرلمشدر . بن آنجی سزك
کی بر آدم . بکا وحی اولونیورکه الاهکز بر الاهدر . اولیله ایسه

اوکا دوغرو کیدیگز ، استغفار ایدیگز . ویل اونلره که الله شریک قوشارلر ، زکات و یرمز لر و آخرته اینامازلر . فقط اونلر که ایمان ایدر لر وایی ایشلر یاپارلر ، محقق که اکیملر مکافاته نائل اولورلر . سز حقیقه ایکی کونده یری یارادن الله ایمان اتمه یور و اوکا شریکمی قوشیورسکز ؟ . . عالمک خالق انحق اودر . یر یوزینک اوزرنده یوکسان داغلری دیکن اودر . فیض و برکت احسان ایدن اودر . ارزاق واقواتی دوت کونده خلق وتنظیم ایدن و اونلری محتاج اولانلره سیاناً بخش ایلهن اودر . جناب حق دوماندن عبارت اولان سماواتی خلق ایدرک اونلره ویره دیدی که : ایسته یه رک ویا ایسته میه رک کلیگز . ایکیمی ده : اختیار مزله سکا اطاعت ایدیورز ، دیدیلر . »

بوکا قارشى محمدك دشمنلری کنديسندن رسالت الهمه سنی معجزه ایله اثبات اتمه سنی طلب ایتدیلر . حضرت محمد رد ایتدی . معجزه لر یامق ایچون ده کل ، حقیقی تلقین ایچون کوندرلدیکی سویله دی . صوکره قرآنه مراجعت ایدرک خاصملرینک کوزدلك و علویت اعتباریه اوکا ویا بر پارچه سنه بر نظیره وجوده کتیرمه لرینی سویله دی . حضرت محمد ، دور رسالتک هر هانکی بر هنکامنده تبلیغ ایتدیکی عقائدی قبول ایتدیرمک ، یاخود دعواى رسالتی تأیید ایتک ایچون هر هانکی بر حیلایه ، یاخود معجزه نامی ویریه جان بر شیئه مراجعت اتمه مشدر . بالعکس حضرت محمد محضا عقل و منطقه کوهنش ، رسالتک ایلک دورنده آنحق شوق و هیجان دینی ایله تأیید اولونمشدر . فی الحقیقه بو شوق دینی ، حضرت محمدك القوتلی حسیدی . بو حس هر حر کتنده منجیلیدی ، حیاتک هر مرحله سننده آشکاردی .

شایان دقتدر که حضرت محمد ، معجزه یاپمهی بو قدر صریح

بر صورتده رد ایتدیکی حالدہ کندیسنه هر معجزه اسناد اولومش
اونك تاريخ حقیقیسی، تعالیم اصلیهسی، خریستیان عزیزلرینك تاریخی
و تعالیمی کبی مشوش بر حاله صوقولمق ایسته نیلمشدر .

حضرت محمدنامه یازیلان بعض سیرتله آیات قرآنیهك مدلولندن
بام باشقه در . ناصیل که اناجیل، قاتولیک (بوناوه نورا) نك غیلاتندن
او درجه اوزا قدر .

(کیون) بزه متعصب خریستیانلرک بری طرفندن حضرت
محمد عطف اولونان بومعجزه لردن برینی بوجه آتی ایضاح ایدیور :
« خریستیانلر ، اهلی بر کووره جینک سمان اینوب حضرت
محمدك قولاغنه بر شیلر فیصیلدا دیغنی سویله مکده درلر . بو معجزه یی
اویدوران (غروپیوس) ك عربجه مترجمی ، مومی الیه مأخذلری
صورمش ، اوده بو حکایهك مسلمانلرجه غیر معروف و کندی اثر
اختراعی اولدیغنی اقرار ایلهمشدر . معافیله اثری عربجهیه ترجمه ایدن
ذات ، مسلمانلرک نظرند کولونج بر موقعه دوشمهك ایچون اونی
طی ایتمش ایسه ده بو حکایه اثرک لاتینجه اصلنده موجوددر . »

حضرت محمدك عمجهسی ابو طالب ، دشمنلرک برادر زاده سنه
قارشى چوق کیندارانه حرکت ایتدکلرینی کورونجه اونی مقصدینی
تعقیبدن واز کچیرمکه چالیشمش ، فقط حضرت محمد اوکا « قریشیلر
بکاقارشى کونشله ، قرله کلسه لر (کونشله قر قریشیلرک معبودلرندندی)
برینی صاغمه ، برینی صوله توجیه ایتسه لر ، ینه یولدن دوئم » جوابی
ویرمشدی .

کوردیکی مخالفتدن ذره قدر اندیشه اتمه یین حضرت محمد ، ینه
کندی قبیله سنه منسوب بعض ذواتی طویلامغه ، و ارشادانده بولومنه
دوام ایتمش ، دعوت حق قبول ایدنلرک ازلی ، ابدی مکافاتلره نائل

اولا جقلىرىنى سويلەمش، نھايت «ايچكىز دەھانكىكىز بكا بو يوكى طاشىمقدە يار اولاجق، ھانكىكىز ھارونك موسايە ياپدىغى كى معاون و وزيرم اولاجق؟» دىمشدى. جماعت، ھىچ بر سوز سويلەمەش، ھىچ بر كىمىسە بو تەھلىكى وظيفەيى درعھدە ايتك ايستەمەش، آنجق حضرت محمدك عمجە زادەسى كىنج و آتشىن (على) سوزە باشلايارق: «يارسول الله، حاضر و نك اك كىنجى اولمقلە برابر سنك وزيرك اولاجغىم» مقابلە سىندە بولونمش. پىغمبردە عاليجناب كىنجى قوجا قىلامش، باغرىنە باصمىش و «قردهشم، وزيرمسك» دىمشدى.

بويلەجە باشلاشقىن سوكرە حضرت محمد (مكە) دە ھىر كون آرقد اشلىرىنك عددينى تىزىد ايدىن على ارشاد اتە دوام ايتدى. (مكە) نك جوارىندە اولان «صفا» و (قىيس) داغلى ايراد مواعظ اچون انتخاب ايتدىكى يىلردى. بوندىن باشقە پىغمبر يىنە حرا داغنى زيارت ايدرك قرآنى تشكىل ايدىن يىكى سورەلرلە عودت ايدردى.

بو صيرالردە ايدى كە حضرت عمرك اھتداسىلە كىتبە اسلامىيە، دشمنلىرىنك اك شەدتايلرىدن، فقط عىنى زماندر اك عاليجنابلىرىدن برىنى قازانمشدى. عمر، ھىمىرە سنك اھتداسىدن فوق العادىر مغبر اولمشدى. بر كون اونى قرآنى تىزىل ايدىيوركن ياقلامش، او كازيادە سىلە حقارت ايتمش، دوكمش، يره دوشورمش، كىتاب الله دە يره دوشمش، فقط اعتدالى بو زمانان قادين، كىتابى قالدىرمىش، اونى برادرىنە وىرمەككە اصرار ايتمش، عمرك حدتى بوس بوتون آرتەرق قرآنك صحىفەلرىنى چكمش، فقط كوزلىرى، بى اختيار، صحىفەنك سطرلرىنە ملاقى اولدىغى زمان «عمر» مغلوب اولمش، حدتى حيرانلغە منقلب اولمش، اورا جقدە مسلمانلغى قبول ايتمشدى. عمر، قايجى اندە اولدىغى خالدە ھىمان قوشدى، محمدك التجا كاھى اولان صفا داغنە دوغرىيورودى.

حضرت رسول، اونی کوردیکی زمان: «عمر! دیدی، و ددن کلور سنک! سی
 خردو خاش ایده جک کهرلی طاوان باشنه دوشو نجه، یه قدر بکله یه حکم سنک»
 عمر: «حقه وسنک رسالتنه ایمان ایتیش اولارق کلیورم.» دیدی.
 قریش حضرت محمدک کمال شوق و جسارتله عقایدینی نشره
 دوام ایتدیکنی کوردرک تجاوزه باشلامشدی. پیغمبرک آرقداشترینه،
 او قدر اعتسافکارانه معامله لرده بولونمشاردی که بونلرک مکهدده یا شامالترینه
 امکان قللامشدی. بناءً علیه پیغمبر بونلرک هجرت باخون مساعدده و یرمتس،
 اونلرده حبشستانه التجا ایتشاردی. بوايلاک هجرت رسالت محمدیه مک
 بشنچی سنه سنده وقوع بولدی. مهاجرلر بر قچ ارکک و قدینه بر
 قچ چو جوقدن متشکل دیلر. هیسنک عددی سکسانی متجاوز ده کادی.
 مهاجرلر، حبش نجاشیسی طرفندن حسن قبول کورمشلر، مهاجرلرک
 تسلیمنی طلب ایدن قریشیلرک طای رد اولونمش، عرب محررلرک
 بیانه نظراً بالذات نجاشی ده مسلمان اولمشدی.

ایکنجی فصل

ابوطالبك وفاتی - حضرت محمدك تہا كہلی وضعیتی - حضرت خدیجہ كہ
ارتحالی - خدیجہ كہ قبری (نوط) - حضرت محمدك خدیجہ بی یادشكر -
انگداری - حضرت عایشہ كہ ذہابی تصحیح ایتہ سی - محمدك زوجہ لری -
شہر حرام اثناسندہ پیغمبرك تلقیناتی - معراج - قریشك پیغمبرہ سوء قصدی -
مدینہ بہ عجرت - (علی) كہ صداقتی - پیغمبرك اللہہ نوکلی - پیغمبرك اعجاز کار
حرکتی - یثربہ مواصلتی - یثربك تبدیل نامی - فریضہ صلات - حضرت محمدك
ایضا ایتدیکی وظائف حیاتك سادہ لکی - بدر ظفیری - مہمانلرك مغلوبیتی -
(علی) كہ جسارتی و احراز ایتدیکی مكافات - درت مبارك قادین - پیغمبری
اولدیرمك ایچون ترتیب اولونان سوء قصدلر - مدینہ كہ قریشی و یہودی لر
طرفندن محاصرہ سی - دشمنلرك ہزیمتی - حضرت عایشہ بہ ہتان - موتہ
محاربه سی - پیغمبرك تسممندن قورتولوشی - یہودی شہرلرینك تسلیمیتی - حضرت
محمدك (مکہ) بہ حرکتی - قریش طرفندن تکلیف اولونان شرطلر - معاہدہ .

نبوتك ایکنجی ییلندہ حضرت محمدك اتباعی (مکہ) دہ قوتلی
وتہدیدکار بر شکلدہ چوغالمش اولدقلرندن (مکہ) لیلر بعدما بر کیمسہ كہ
محمدہ التحاق ایتہ سی ایچون اخطاراندہ بولوندی لر . حضرت محمدك
عمجہ سی و حامی سی اولان ابو طالبك حال حیاتندہ پو حرکت محمدك
اوزرندہ اجرای تاثیر ایتہ مش ، آنجق ایکی سنہ صو کرہ ابو طالبك
وفاتی اوزرینہ وضعیت بحران آمیز بر ماہیت آلمشدی . ابو طالبك
املا کیلہ نقدی متروکاتی دشمنلرہ کچمش ، بوصورتلہ ہر زماندن فضلہ
کسب قوت ایدن دشمنلر ، تحملسوز بر وضعیت آلارق ہر فرصتدن
بالاستفادہ ، نماز قیلیورکن بیلہ اوکا حتمارت ایتہ مکہ ، اوزرینہ مردار
شیلر آتمہ یہ ، ہر واسطہ ایلہ اونی تہزیل واستحقارہ باشلامش لردی .

بو فلا کتر یتشمه یورمش کی ، ابو طالبک وفاتندن بر فای کون
 صو کره پیغمبرک صادق و وفا کار زوجہ سی خدیجہ دہ قوللری آراسه
 صوک نفسی ویرمشدی . بو عزیز شریکه حیاتک ارتحالی ، حضرت
 محمد ایچون ، حقیقه یورده کلر آجیسی رمضیتدی . حضرت خدیجہ ،
 یکر می سنه در ، اولک مشاور و مظاهریدی . خدیجہ نک ارتحالیله اولک
 قاب و روحی کی دار و دیاری ده هجران قبالامشدی . خدیجہ نک
 سن و سالی خیلی ایله دیکی زمان ، شهسز کنجلیکنک بوتون
 فسوتی ضایع ایتشدی . فقط محمد ، اوکا صو کنه قدر صادق قالمش ،
 و یوقاریده سوله دیکمز کی ، باشقه برزوجه آلمقدن استنکاف ایتشدی .
 خدیجہ ، مکہ نک شمال غریبسنده واقع قبرستانه دفن اولونمشدی .
 مشهور سیاح (بورقهارت) دن قبرینک بو کونه قدر پایدار اولدیغنی ،
 زائرلر و حاجیلر طرفندن جمعه کونلری زیارت اولوندیغنی خبر آیورر .
 بو قبرک الک شایان دقت حالی ، طاشنک اوزرنده کوزهل بر خط کوفی
 ایله (آیه الکرسی) نک محکوک بولونماسیدر .

حضرت محمدک خدیجیه قارشى بسله دیکی حسیات شکران ، صوک
 دقیقه سنه قدر دوام ایتشدر . بو حسیاتک رقتی و بو خاطر نک دواملی
 حرارتی ، پیغمبرک زوجهلری ایچنده الک کنجی و الک کوزهل اولان
 حضرت عائشه نک ستمکار بعض ملاحظات درمیان ایتمه سنه بادی
 اولمشدی : « حضرت خدیجہ اختیار ده کلیدی ؟ الله سکا دها کوزهل
 و دها ای بر زوجہ احسان ایتهدیمی ؟ » حضرت محمد عالیجنابانه
 بر هیجان ایله جواب ویردی : « خیر ، دیدی ، اوندن دها نازک
 و دها اصیل بر رفیقه یوقدر . حقارت و استهزا ایله قارشیلاندیغم زمان
 بکا اینانان ، فقر و ضرورت ایچنده یوزهرک بر جهان خصومت
 و اعتساف ایله مجادله ایدیورکن بکا تسلی ویردن ، بکا یاردیه

ایدن ، او ایدی ! »

حضرت محمد ، هر درلو حمایه دن محروم اولارق ، اك یاقین
 اقرباسی اولان قریشدن ، یاخود بر زمانلر آرقداشی اولان انسانلردن
 ظم و اعتسافه معروض قالینجه بر التیجا گاه آرامغه مجبور اولمشدی .
 بناءً علیه صادق کولهسی (زید) ایله (مکة) نك شرفندن آلتمش میل
 مسافه ده کوچوک بر شهر اولان ، طائفه التیجا ایتمشدی . بوراده
 حضرت محمدك دیگر بر سمجهسی اولان (عباس) اقامت ایدیوردی .
 حضرت محمد ، طائفه مواصلاتی متعاقب اورانك باشایجه اکابرندن
 بر قاچ ذات ایله کوروشهرك رسالتی ایضاح ایتمش ، اونلری کندیسنه
 یارديم ایتمکله یکی دینه مظاهرت شرفی احرازه دعوت ایله مشایسه ده
 اقناعه موفق اولاماش ، کندی قبیلهسی طرفندن درمیان اولونان
 عمومی اعتراضات ایله قارشیلاندقندن باشقه بر التیجا گاه آرامق اخطارینه
 معروض قلمشدی . معافیله حضرت محمد طائفه بر آی قدر قالمش ،
 خلقتکدها معتبر ودها خیرخواه افرادی طرفندن اولدجه حرمت
 کورمشدی . فقط نهایت کوله لرله آیق طاقی محمدك عاینه قیام
 ایدرك واوزینه طاشلر یاغدی رهرق شهری احاطه ایدن داغك
 اتکینه قدر امتداد ایدن اوچ میلانک مسافه بویجه اونی قووالامشاردی .
 بواشکنجه لی تعقیبدن یورولان ، بیتاب قلان محمد ، بر باغچه یه التیجا
 ایدرهك برأوزوم آصمهك کولکدسنه صیغینمش ، بر آزدیکلکندن کدن
 صوکره (مکة) بولنی طونارق بلده حرامک جوارینه مواصلات
 ایتدیکی زمان ، چوق نفوذلی و کندیسنه قارشی خیر خواه بر ذات
 اولان (مصعب بن عدی) یه شهره سالما کیرمه سنی تأمین ایچون خبر
 کوندرمشدی . مصعب ، رسولک رجاسنی اسعاف ایتمش ، اوغلارینی
 و طرفدارلارینی طویلا یه رق سلا حلرینی طاقدقندن صوکره اونلرک کعبه یه

یاقین برلرده اخذ موقع ایتمه لرینی امر ایله مشدی . بولک اوزرینه محمد ایله زید ، (مکه) یه کیرمیشلر ، مضعب ایله آدم لری رسول اکرمه هر هانکی اذ او ضررک اصابتیه مانع اولدقلرندن پیغمبر حجر اسودی اوپدکن صوکره (مضعب) ک محافظه سی آلتنده اوینه عودت ایتمشدی .

خدیجه نك ارتحالندن ایکی آی صوکره حضرت محمدول برقادین اولان (سوده) ایله ازدواج ایتدی . همان عینی زمانده یار غاری اولان ابوبکرک کنج و کوزمل کریمه سیله نهولنه رک آرالرنده کی متقابل دوستلغی قات قات تقویه ایتدی .

خدیجه نك ارتحالی متعاقب ، حضرت محمدک مختلف زمانلرده متعدد قادینلرله اولندیکی سویله نیکده و بویوزدن مخالف محررلر محمد تجاوز ایتمکده درلر . بو محررلر ، محمدک بو طرز حرکتی شهوت پرستلیکک برتظاهری عدایدیورلر . بوکون اوروپا قانونلری نك تعدد زوجاتی منع ایتمکده اولدیغی ، حال بوکه محمدک زماننده بو عادتک بوتون عربستانده و شرقک سائر مملکتلرنده شایع بولوندیغی و هیچ بروجهله منافی اخلاق تلقی ایدیلهدیکی برطرف ، حضرت محمدک یکرمی بشنجی سال حیاتندن اللنجی ساله قدر برزوجه ایله یاشادیغی ، خدیجه نك آلتش اوچ یاشنده ارتحالنه قدر باشقه برزوجه ایله نهولنه دیکنی ، خدیجه نك کندیسنه ارکاک ذریت بر اقامادیغی کورورسه ک شو سؤال لری ایراد ایتک حقی احراز ایدرز : شهوت پرست اولان بر آدم تعدد زوجاتک شایع اولدیغی بر محیطده ، کندیسندن اون بش یاش بویوک اولان بر قادیله اکنفا ایدرمی ؟ حیاتنک صوک اون اوچ سنه سنده محمدک اوله تمکدن مقصدینک ارکاک بر ذریت صاحبی اولمادیغی کیم سویله بیایر ؟

حجاجك (مكة) يه آقین آقین كلكلىرى شهر حرام ، عمومى بر صاح و مسالمت آیدر . بومدت ظرفنده الك وحشى عداوتلرا ونوتولور ، هر كس بر برندن ذره قدر اندیشه ایتمه يهرك مى معبدده سنوى وظائف دینه يی ایفا ایلر . حضرت محمد ، بو مساعدا فرصتدن استفاده ایتك ایسته يهرك طولانان خاقه ایراد مواعظ ایتدی و یثرب اهالیسندن بر قاجنى قازاندی .

بونلر ، یثربه عودت ایتدكلىرى زمان یكى دین حقنده غایت ستایشكارانه بیانانده بولونمشلر ، آرقاداشلرینى و همشهریلرینى حرارتلى براشتیاق ایله یكى دینه دعوت ایله مشلردر . یكى دینك (مكة) ده احراز رعیت ایتمه سى ؛ (مدینه) ایله (مكة) آراسنده تجارى رقابت و محاسده لر بولوندیغى ایچون بو ذواتك موفقیتنى تأمین ایتمشدى .

نبوت محمدیهك اون ایکنجى سنه سنده معراج حادثه سى وقوع بولمشدر . معراج ، عنعناتك استغراق ایله یادایتدیكى بر حادثه لیلهدر . متقیلرك مخیله سى ترك عنان ایدرك طیران ایتمش ، بو حادثه الك زنكین شعرلرك و خیالك الك محاشم مولوداتیلر تزیین اولونمشدر . بو حادثه اهل اسلام آراسنده اوزون مناقشاتنه سبب اولمش ، بعض مسلمانلر بونك بر رؤیادن عبارت اولدیغى سویله دكلىرى حالدیه دیکرلری ، رسولك جسماً قدسه قدر ایصال ایدیلدیكى حالدیه اورادن ، آحق روحك ملائاعلایه طیران ایلدیكى بیّن ایتمکده در . الك چوق رواج بولان فکر صوکنجیدر . حضرت ، محمدكده بونى محتاج تصحیح کورمه دىكى آکلاشیلیور .

معراجك وقوع بولدیغى سنه ده (یثرب) دن (مكة) يه کلن اون ایكى کیشى عقبه ده پیغمبره بیعت ایتشلردر . بوکا (بیعة النساء) نامى ویریلکده در . بو بیعت ایتسانده بر قادین بولونمادیغى حالدیه اوکا بو

نامك ویریه سی ، بالاخره قادینلردن ده عینی بیعتك آلیناه سندن در .
 قادینلرده ارکسکار کی خیرسزاق ایتمه جکلرینی ، زناء ارتکاب ایلمه .
 جکلرینی ، چوققلرینی اولدیرمه جکلرینی ، افترا و پتاندیه بولونمايه جکلرینی ،
 معقول اولان هر ایشده پیغمبره اطاعت ایده جکلرینی تعهد ایتشلردر .
 حضرت محمدك معراجی مکده حرارتلی مباحثاته موضوع تشکیل
 ایدیورکن مدینه خلقی پیغمبری ستایشلرله یاد ایدرك اونك اطرافنده
 طوبلانیورلردی . حضرت محمد مدینه لیلردن اون ایکی ذاتی انتخاب
 ایدرك خلقك تعالیم و تربیه سی اونلره تفویض ایتشدی . بو ذوات درعهده
 ایتدکلری وظائفی چوق موفقیتلی بر صورتده ایفا ایدرك قبسه بر زمان
 ظرفنده همان خلقك اکثریسی دائره توحیده صوقشلردی . حضرت
 محمد ، بو وضعیتدن خبردار اولونجه اورایه حجرته قرار ویرمش ، بالخاصه
 ابوطالبك وفاتی متعاقب پیغمبرك بی امان و بی انصاف دشمنی ابوسفیان
 (مکه) نك ریاستی درعهده ایتدیکنندن پیغمبرك اوراده قالماسی چوق
 مشکلاشمدی . بوندن باشقه ابوسفیان کوندن کونه نفوذ و شهرتی
 آرتمقده اولان رسولك وجودینی ازاله ایچون قاتلار کیرالامغه باشلامشدی .
 بو سوء قصددن خبردار اولان حضرت محمد ایله آرقداشی
 ابوبکر ، کیجهنك سکونت وقارا کلغندن استفاده ایدرك فرار ایتشلر ،
 حضرت علی ایسه پیغمبرك فراشنده یاتارق اونك یشیل عباسیله
 اورتونمشدی . قاتلار پیغمبرك نهوینی احاطه ایدرك ایچرنیه دالمشله ،
 غلط پارچه لامق ایسته دکلری پیغمبر یرنده ، حضرت رسوله تریب
 اولونان سوء قصده قربان اولمای حضور و سکون ایله بکله یین (علی) یی
 بولارق اونك کوستردیکی صداقتدن متأثر اولمشله ، وعلی یه بر ضرر
 ایراث ایتمکسزین چیقوب کیتمشلردی .
 بو صیرهده (محمد) له (ابوبکر) مکدن اوزاق اولمایان (نور) داغك

بر مغاره سنه النجا ايتمشلر ، اوراده اوچ كون قالمشلدردر . ابو برك
 قیزی اونلره حوادث ولوازم كتیریوردی . مغاره ده کیزی اولدقلری
 زمان کندیلرینی تعقیب ایدنلرک الله دوشمک اندیشه سی حاصل اولونجه
 حضرت رسول آفرداشنه : کدر ائمه ، الله بزمه در « دیمشدی .
 حضرت پیغمبری تعقیب ایدن قاتلار مغاره نك قاپیسنه قدر کلمشلدی .
 فقط مغاره نك مدخامده بر کوه رجین یوواسی وبر اورومجک آغی
 کوردکلرندن مغاره نك بوش اولدیغنه قانع اولارق باشقه بر استقامتمده
 تحریاته دوام ایتمشلدی . بونی متعاقب رسول اکرم له آرقداشی
 مغاره دن چیقهرق نهان یوللردن حرکتله (مدینه) یه موصلت ایتمشلر ،
 اوچ کون صوکره کندیلرینه حضرت علی التحاق ایتمشدر . هجرت
 نبویه (۶۲۲) سنه سنک تموزنده اعلان نبوتنک ۱۳ نجی ییلنده وایران
 حکمداری خسرو دوزنده وقوع بولمشدر که بوصیره ده پیغمبر اللى اوچ
 یاشنده بولونیوردی . حضرت محمد ، مدینه ده فوق العاده تظاهرات ایله
 استقبال ایدیش ، شهرک اصل اسمی اولان (یترب) اونک شرفنه پیغمبرک
 شهرى معناسنده اولان (مدینه النبی) یه چه ویریلمشدر .

حضرت محمد مدینه ده دینی ودنیوی وظائفی ایفایه باشلامش ،
 یاربخورما آغاچنه طایانارق ، یاخود ساده برمنبره چیقهرق ماتنک بت
 پرستلیکی علپنده ایراد کلام ایدرک سامعلرینه اوله برشوق وهیجان ،
 اوله بروح اصالت وحیت نفخ ایدردی که (مکة) دن مدینه یه کلن
 هیئتار محمدک کرک حرب صحنه لرنده ، کرک مدینه شهرینک دیوارلری
 آراسنده ایران کسرالرینک ، بیزانس قیصر لرینک کورمه دکلری اطاعت
 ورعایتی کوردیکنی سویله مکده اتفاق ایدرلردی .

بو آله قدر مسلمانلق ، صرف عقائدن متشکلدر . آرتیق مسلمانلقی
 متین ولایتبدل اساساره استناد ایتدیرمک ، شکل ، عبادتی تعیین ایتمک ،

ارکان دینیه و فرائض عملیه بی تأیید ایتامک ایجاب ایدیوردی. بناءً علیه حضرت محمد، هر کون ایفا اولونا جق عبادت لری، بو عبادت لری زمان ایفاسنی، عبادتک ایفاسنی اناسنده تعقیب اولونا جق استقامتی ایضاً ایتمشدی. [۱] بو صیره ده ایلک جامع تأسیس اولونمشدر که ال ساد واک متواضع ایدی. جامعک تأسیس و انشاسنه بالذات حضرت محمدده اشتراک ایتدی. ینه بو صیره لرده اذان و قومق و مسلمان لری نماز و دعوت ایتامک عادتق و جوده کتیر یلشدر. الحاصل بودورده حضرت محمد، شخصنده عسکری، قضائی، دینی، اداری، یتون و ظائفی جمع ایتمش بولونیوردی. پیغمبرک تلقی ایتدیکی وحی الهی قبول عامه به مظهر اولدی. بو خصوصده پیغمبرک کوردیکی حرمت او درجه یو کسکدی که هر کس پیغمبره تماس ایدن هر شیء مقدس عدایدردی. حضرت محمد، حائز اولدینی یو کسک نفوذ و اقتداره رغماً معیشتک ساده لکنی ذره قدر ده کیشدیرمه مش، پیغمبرک زوجه سی حضرت عائشه، اونک بالذات اوطه سی سو یوردیکی، آتشی یا قدیغنی، سو کوکلرینی دیکدیکنی، غدا سنک بر قاچ خورما ایله بر مقدار آریه اکمکندن، بر مقدار سوتله بالدن عبارت اولدیغنی بیان ایتمکده در.

رسول اکرم، مسائل دینیه ایله مشغول اولدیغنی حالدہ مسائل دنیویه بی نظر دقتدن دور طوتممازدی. حضرت محمد، سیک یو کلو ده و ددن متشکل بر کروانک سوریه دن کلکده اولدیغنی، بو کروانک محافظه سی ایچون (مکه) دن ۹۵۰ مکه لینک حرکت ایتدیکنی خبر آلاق، بر تعرضه دوچار اولماق ایچون احتیاط کارانه حرکت ایتمکه؛ ۳۱۳ عسکر دن، آلتش دوه و ایکی آتدن عبارت قوتی

[۱] شرقیلر آراسنده یهودیلر قدسده کی معبد، مسلمانلر کعبه به، صابیلر زوال خطنه، مجوسیلر مشرقه توجه ایدرلر.

احضاره قرار ویرمشدی . حضرت محمد بدره مواصلت ایدوب
 عسکر لرله قوناقلادیغی زمان مکه لیلر کورونمش ، فقط مکه لیلرک فائیت
 عدیه سی اراضینک آچاقلغی حسیله کوزه چارپامشدی . حضرت
 محمد ، وضعیتک وخامتتی مدرکدی ؟ مقدرات اسلامیهک حربک بو
 نتیجه سنه باغلی اولدیغی تقدیر ایدن محمد ، اللری سمایه قالدیردق
 تضرعاندە بولونمش وشو سوزلری سویله مشدی : « یارب ! سکا نیاز
 ایدیورم . یزه وعد ایتدیگک نصرت وظفری احسان ایت . یارب !
 شو کتیه هزیمته دوچار اولاجق اولورسه بت پرستک حاکم اولاجق ،
 یریوزنده سکا کمال صفوت و اخلاص ایله عبادت ایدن قلمایاقدرد . »
 بونی متعاقب طرفین آراسنده حیات و ثنات مجادلەسی باشلامش ،
 پیغمبر قیویلجیم صاحبان کوزلرله و یوکسک سسله الله اوغورنده
 شهید اولاجق مؤمنلر ایچون جنت قاپولرینک آحیق اولدیغی سویله مشدی .
 رسول اکرم «ملکالر بزمه در» دیمش ، صوکره بر آوویچ قوم آلارق
 مکه لیلرک اوزرینه سرپمش ، « شاهت الوجوه » دیمشدی . مسلمانلرک
 شهابتی غیرقابل تسخیردی . حضرت محمد ، مدینه یه مظفر اولارق
 عودت ایتمش ، آلینان غنائم مجاهدلر آراسنده تقسیم اولونمشدی .
 بدر غزاسی ، قرآنده مکرراً بیان اولونمقده در . بو حربک حضرت
 محمدە بخش ایتدیکی صیت ونقوذ دیگر غزالرده ظفر احرامزینه سائق
 اولمشدر .

ایرتسی سنه ۶۲۴ سنه سنده ابو سفیانله قریشک وحشیانه حدتی
 مدینه دن آلتی میل اوتله ره قدرایلرله یین (۳۰۰۰) دشمن کتیرمشدی .
 بوزلره قارشى پیغمبرله برلکده ۹۵۰ مسلمان حرکت ایتمش ، احد
 طاغنک انکندە اخذ موقع اینشاردی . قریش ، بر هلال شکندە
 ایلرله یوردی . سوارینک صاغ جناحنه عرب قهرمانلرینک الله شهوری

واک آتشی (خالد) قوماندای دیوردی . حضرت محمد صفیری بویوک بر مهارتله دیزمش ، مسلمانلر دشمنک مرکزینی یارمشلر ، دشمن فراره باشلامش ، بونک اوزرینه حربک ختامه ایردیکنی تخمین ایدن عسکرلر ، غنیمتلری طوپلامغه قویولمشلر ، خالد بو فرصتدن استفاده ایدرک مسلمانلرک خطر رجعتلری اشغال ایتمش ، بالذات حضرت محمد تهاکیمیه دوچار اولارق برطاشاه ایکی دیشی قیریلشدی . بوصیردهده خالد « یالانچی پیغمبر قتل اولوندی » دیمه باغیردیغندن پیغمبرک احتیاجی یاسه ده چار اولارق رجعتله باشلامشلر ، آنجق پیغمبرک اک صمیمی آرقداشلرندن بر قاجی اطرافنده طوپلانارق کندیسینی جای سلامته نقل ایتمشلردی . حضرت محمد ، بوشدید وفلاکت انکیز محاربهده حضرت علی طرفندن کوستریلن قهرمانلغه مکافات اولارق ، اوکا عزیز کریمه سی فاطمه یی ویرمشدی . مستشار کوزده لکی و چوق یوکسک فضیلتی حائر اولان (فاطمه) ، مسلمانلرک مقدس قادینلرندن بریدر .

بو ازدواجی تعقیب ایدن سنه ده حضرت محمد ، فریضه صیامی تبلیغ ایتدی . [۱]

بو صیره ده اسلامیتی قبول ایتدکلرینی ادعا ایدن بر قاق عرب قبیله سی ، کندیلرینه عقائد دینه یی تعایم ایده جک مرشدلرک اعزامی طلب ایتمشلردی . فقط بو مرشدلر محل مقصوده مواصلت ایدر ایتمز ،

[۱] فریضه صیامی ایفا ایتمینلرک جزاسی غایت معتدل و غایت معقولدر . اوروج طوتامایانلر ، بر ففیری اطعام ایدرلر . حال بوکه خریستیان ایمراطور شارلمانک دورنده ، حتی اون بدنجی عصرده خریستیان اوروجنی اخلال ایدنلرک جزاسی قلیجله کله سی اوچورولاق صورتیه اعدام اندی . ۱۶۲۹ سنه سنک بر نیساننده اولدیریلن و بر چایره آتیلان بر بارکیرک آتندن بیدیکی اکلاشیلان بر آدم عینی سنه نک ۲۸ مؤزنده اعدام اولومشدی . انسانلق و مدنیتک هانکی طرفده اولدیغنی صور مقده حقلی ده کلی یز ؟

اك خائنه و اك ظالمانه شكلده اولدير يمشلردى. يهودي لرده يكي طوغان دینه هر صورتله مخالفت ايتمشلردى؛ هر لحظه رسول اكرمك حياتنه فارشى سوء قصدلر ترتيب اولونيوردى. فقط پيغمبرك غير قابل اخلاص اعتدالى و هر دم متقيظ دقت و احتياطكارلغى سايه سنده بونلر نه هپسى بر طرف اولمشدر. حضرت محمدك نفوذى اودرجه يوكسكلمشدى كه ايچكيلرك استعمالنى منعه بيله موفق اولمش، بوتون حقيقى مسلمانلرك مسكراته نظر استكره ايله باقارلرني تأمين ايله مشدى. مسلمانلغى متعدد و ظالم دشمنلردن قورتارمق ايچون بويله بر اعتلاى اخلاقي به شدتلى بر احتياج واردى. حقيقت حالده قریش يهودي لره، چولاك مختلف طرفلردن كلن قيله لرله توحيد حركات ايتمش، بونلرك هپسى مسلمانلغك احاسنى مشترك بر دعوى حاله كيتيرمشلر، و مدينه يه يورومشلردى. مسلمانلق (مدينه) ده بوتون بوطوفان خصومتى ذى ازدها بر انسانك عزمكار اراده سييله، وغير قابل اطفا بر شوق و هييجان ايله، تسخير ايديلر بر ثبات و اخلاص ايله بكه يور، و يالكلر بونلره كوونيوردي. بوتون بو عخاصملرك تشبثاتى هدر اولدى. نهايت عخاصملر محاصره نرينى قالديرمغه مجبور اولديلر. حضرت محمد قوتى بنى قريظه يه توجه ايدرك شدتلى بر مجادله دن صوكره اونلرى قطعى برهزيمته اوغراشمشدى.

بو صيره لرده حضرت محمدك، اولادلغى اولان زيدك زوجه مطلقه سنى تحت نكاحنه آلمسى يوزندن پيغمبرك عايمنده غايت خائنه بر افترا ده بولونولدينى جهته بولونولدى رد و جرح ايتك ايچون توقف ايتك كر كدر. حقيقت حال شوندين عبارتدر: اسلاميتدن چوق زمان مقدم عربلر آراسنده شايع اولان بر عاده كوره بر انسان بر قاديننه «آنام اول» ديه جك اولورسه او آدم آرتيق اوقادينله ازدواج ايدمه مزدى.

نا سلی که بر جو جو عه « او علم » اول دییه جک اولور سه او جو جوق اولک اولادلی اولور و حقیقی بر اولادک بوتون حقوقی احراز ایدردی . قرآن ، یو ایکی عادتیه ده ازاله ایتدی . بناءً علیه بر انسان بر قادینه « آتام » دیسه ده رابطه زوجیه خللدار اولمایور ، یا خود بر اولادلی طرفندن بوشانان بر قادینه ازدواج ایدیوردی . حضرت محمد ، رینب نامنده کی مسلمان قیزی نه حرمتله متحسس اولدینی ایچون اون یینه چوق سهودیکی بر کنج اولان زیده آلمشدی . فقط بو زوج و زوجه مسعود اولما دقلرندن زید ، حضرت محمدک اخطاراتنه رغما ، زوجه سنی بوشامغه قرار ویرمشدی . حضرت محمد ، طلاق و قوعی تقدیرنده ازدواجک و قوعنه بالذات سائق اولدینی ایچون کندیسنک مؤخذه ایدیله جکینی حس ایتدیکنندن ، بوندن باشقه زینبک مؤثر شکایتی قورشیننده قلدیغندن مومی الیهایی تحت نکاحنه آلمقه مسئلهیی تلافی ایتک ایسته مشدر .

حضرت محمد ، یوقاریده عرض ایتدیکنمز عادتیه مبنی بو قادینی آلدینی تقدیرده عربلر طرفندن دوچار تعرض اولاجغنی ، اتمام و نواجغنی ییلدیکی حالده وظیفه سوقیله بوتون بواعتراضاته قارشى کلدرک زینبله ازدواج ایتمشدر .

قبائله قرسی وقوع بولان مظفرانه حرکاتی متعاقب ییغمبرک الک عزیز زوجه سنی اولان عائشه ، افترایه اوغرامش ، فقط عائشه ملک صمیمی و حقیقی ایضاحتی معصومیتنی تجلی ایتدیردیکنندن مفتریلر جزایه چارلشلردی .

(مدینه) دن اخراج اولونان یهودیلر ، مکهلیردن یاردیم طلب ایدرک مدینه یه تعرض ایدر جکارینی سویله مشلر ، بالنتیجه مکهلر طرفندن تأمین اولونان قوای معاونه ایله مدینه یه تجاوز ایتمشلردی . احد مغلوبیتندن

صوكره چوق احتياطكار داوراغمه آليشان حضرت محمد، مسلماناننى قبول ايدن بر ايرانلىك توصيه سيله مدينه ك اطرافنده بر خندق قزدير مشدى . دشمنلر مدينه يه هجوم ايدنجه خندقله قارشىلاشمىلر ، بالنتيجه شهرى محاصره ايتك ايسه مشلر سده شهره وقوع بولان هر تجاوز پوسكورتلايكندن ، ديكر ظرفدن آوارلنده نفاق وشقاقده باش كوسترديكندن ، دونوب كيمكه مجبور اولمشلردى . بونى متعاقب حضرت محمد يهوديلر ك التجا كاهى اولان خيبره ايلر يله مش ، مهم محاربه لردن صوكره كنديسى تهديد ايدن تهلكه لردن خبردار اولداني حalde خيبره كير مشدى . پدرينى ، قرده شنى ، قوجه سنى وسائر اقرباسنى محاربه ده ضايع ايدن بر يهودى قيزى عائله سنك وقومك دشمنى عد ايتديكى محمدك وجودىنى ازاله ايتمكه انتقام آلق ايسه مشدى . بو يهودى قيزى بر اوغلاق كسهرك احضار ايتش وايچنه قوتلى بر زهر قاتم مشدى . يهودى غايت مهمان تواز بر خط حركت تعقيب ايدرك آقسام يمكنده اوغلاغنى پيغمبرك حضورينه كيتردى . پيغمبر بر لقمه يمه دن ، اوغلاغك زهرلى اولديغنى اكلايه رق « طوريكز ، يلك زهر ليدر » ديه باغير مشدى . اوغلاق دن بر آز فضله جه يهن (بشر) ك يوزى صارار مش ، الى ، آياعى فليجه اوغرامش ، نهايت اولمشدى . حضرت محمدله آرقداشلىرى شديد اوچاعه اوغرامش سده محمد ، هيسنك اوموزلىرى آره سندن اوغوشدير يمالرىنى امر ايتش ؛ بو صورته اوغرادقارى اضطرابات تخفف ايت مشدى . كنج يهودى قيزى ، چاغريله رق نيچون بويله حركت ايتديكى صورولمش ، اوده مقتول دوشن اقربالرينك انتقامنى آلق ايسه ديككى سويله مشدى . يهودى قيزينك بو حركتى بوتون يهوديلرى خوف وانديشه يه دوشورديكندن بونلر ك اكثربسى رسون اكرمه عرض تسليميت ايتديلر . عربلر ك بزچوغى ده قرآنك

فصاحت و بلاغتند متأثر اولارق مسلمان اولمشاردی .

نماز انسانده قبله کاه تشکیل ایدن کعبه بی زیارت مسلمانلاردن هر برینک حیمی بر املی ایدی . حضرت محمد ، بو املی دائماتسویق ایدیوردی . حضرت رسول ، درلو درلو ، اذا و جفایه معروض قالدینی بلده . حرامکده دائره توحیده کیرمه سنی آرزو ایدیوردی . بناء علیه کعبه بی زیارت ایچون بوتون آرقداشلیله برلکده حرکت ایتمش ، هر آدم باشنده مخالفته معروض قالدینی حالدده بوتون موانعی اقتحام ایدرنک (مکه) یه مواصلت ایتشدی . اساساً (مکه) دده مسلمانلانی قبول ایدن ذوات واردی . معافیله بو حرکت شو طرزده بر معاهدنک عقیدله نتیجه لمتشدی :

(۱) ظرفین اون سنه مدته حرب ایتیه جکلر .

(۲) عرب قبائلی مسلمانلارله ، یاخود قریش ایله برلشمک خصوصنده

سربست اولاجق .

(۳) حضرت محمد ایله آرقداشلی بو سنه عودت ایده جکلر ، آنجق

کله جک سنه کعبه بی زیارت ایده جکلر .

(۴) مسلمانلر (مکه) یه آنجق قینه قونمش قلیجلرله کیره جکلر .

(۵) زیارت اوچ کوندن فضله دوام ایتیه جک .

بو معاهده حضرت محمدک بو آنه قدر احراز ایتدیکی اک بو یون

مظفریتدی .

ارمنجی فصل

حضرت محمدی زیارت ایدن هیئتلر - حبش نجاشیسنک مکتوبی - پیغمبرک
 مهری - ایران شهنشاهنه کوندریلن مکتوب - شهنشاهک حضرت محمد
 حقارتی - (بصری) یه قارشی کوندریلن قوت - حضرت محمد رحمانه
 وصایاسی - زید ، جعفر و عبداللهک قهرمانانه اولوی - قریشک معاهدهی
 اخلاص ایتمهسی - (مکه) یه قارشی حرکت ایدن اوردو - حضرت محمدک
 بتلری کند ییله ییقهسی - حضرت محمدک مغلوبلره حسن معاملهسی - سیلمهک
 ظهوری - بت پرستلکک بوتون عربستاندن ازالهسی - پیغمبرک اوغلی ابراهیمک
 ارتحالی - کونشک کسوفی - پیغمبرک خرافات ایله مجادلهسی - حضرت محمدک
 ارتحالی - دفن ونجهیزی - (قارلایل) ک سحیه عمده حقنده بیاناتی -
 حضرت محمد طرفندن تأسیس اولونان دولهک سریع انکشافی - دین اسلامک
 سرعت انتشاری .

عجرتک طقوزنجی سنه سنده عربستانک هر طرفنده حضرت محمدی
 کورمک و مسلمانانی قبول ایتک ایچون هیئتلر کلشدی . حضرت
 محمد ، حبش نجاشیسنی مسلمانلغه دعوت ایتمش ، اوندن شو مآله
 بر مکتوب آلمشدی : « معبود حقیقی اولان قدرتی ، یوکسک ،
 بویوک آللهک سلامنی اتحاف ایدرم . معبود حقیقینک یالکز الله
 اولدیغنه ، محمدکده اونک رسولی اولدیغنه شهادت ایدرم . رسول اکرم ،
 کندیسنه ام حبیبه یی تزویج ایتمککمی طلب ایتمکده در . بو آرزوی
 کمال ممنونیتله اسعاف ایدیور ، ومومی الیهایی درت بیک آلتونه
 جهازلایورم . »

بوصیرهده حضرت محمد ، متعدد حکمدارلره یازدینی مکتوبلری
 مهرله مک ایچون بر مهر قازدی رمشدی . مهرک اوزرنده « محمد رسول الله »

یازیلی ایدی. ایلك مکتوب، ایرانک یمن والیسی (بازان) ه کوندیش،
و بو مکتوبک ایران شهنشاهنه ایصالی طلب اولونمشدی. خسرو
حضرت محمدک مکتوبی پارچه پارچه ایتیش، باذابه حضرت محمدی
دردست ایتک، یاخود اولک عقلنی باشنه کتیرمک ایچون امر ویرمشدی.
حضرت محمد، بو حقارتدن خبردار اولدینی زمان ایران
شاهانکده تارمار اولاجغنی خبر ویردی. فی الحقیقه خسرو، اوغلی
(شیرویه) ک الیه قتل اولونمشدی. بازان ایله تبعه سی مسلمانانی
قبول ایتدکلرندن حضرت محمد بازانی مأموریتده ابقا ایتمشدی.
بیزانس ایمپراطوری (هرقل) ک نامه محمدی بی حرمتله قارشیلایه رق
حضرت محمد ه هدیه لر کوندردیکنی عرب مورخلری تأمین ایتدکده درلر.
دیگر برچوق رؤسا ایله امرا بالذات کله رک مسلمانانی قبول ایتدیلر.
حضرت محمدک شخصنده، علویت اخلاق ایله جسارت و شهامتک
برلشمه سندن ماعدا، کندیسنک قناعتبخش بر بلاغتی حازر اولماسی،
احراز ایتدیکی موفقیاته یارديم ایتشدر. رسولک آغزندن کله لر
الهامک بوتون قوتیله دو کولور و عربلرک مخیله سی اوزونده اک درین
تأثیری اجرا ایلردی. حضرت محمدک عربلره و بوتون شرقیلره تقدیم
ایتدیکی کتاب، محشم وعدلرله دولودر. وعدی چوق اولدینی حالد
وعیدی آز اولان بو کتاب، مقاومتسوز بر نفوذی احراز ایتشدر.
حضرت محمد (مکه) و (مدینه) ده تأسیس حاکمیت ایتدکدن
صو کره کتیردیکی انقلابی مجاور مملکتلره تشمیل ایتک ایستدی،
فقط (هرقل) ه جزیه ویره ن بر عرب امیری اولان (شرحبیل)،
اسلام سفیرنی قتل ایتدیرمشدی. وقعنه ک ایران ایتدیکی ضرراهمیتسز
اولقله برابر، حقارت چوق بویوکدی. بناءً علیه اوچ بیک مجاهد
درحال تجهیز اولونمش، حضرت رسول بونلره حق دعواسی

او غورنده غازيلرك كوسترد جكلرى شهامتك دنيوى و اخروى مكافاتلرينى
الك جانلى سوزلرله افاده ايتمشدى . بوندن باشقه مجاهدلره غنيمتى
خلاقك صيرتندن و كوز ياشلرندن ده كل ، فنج ايدە جكلرى ئملككنك
خزينه عموميه سندن استيفا ايتەلرينى توصيه ايتدى . حضرت محمد ،
اتباعه شو سوزلرى ده سويلە مشدى :

« دوچار اولديغىمىز حقارته مقابله ايدىيوركن انزوايە چكىلنلرك
صومعهلرينە تجاوز ايتەيىكز . قادينلرك ضعفه حرمت ايدىيكز . چو جوقلرى
صيانت ايدىيكز . اختيارلره دوقونمايىكز . مقاومت ايتەين خلاقك مساكنه
تعرضده بولونمايىكز . وسائط معيشتى تخرىب ايتەيىكز . سوريەيى
كولەكلەندىردن ويشىلەندىردن آغاچلرى كسمەيىكز . خرما آغاچلرى
محافظه ايدىيكز . »

خريستيانلر ، عدداعتباريله مسلمانلره تفوق ايتدكلرندن مسلمانلر
پوسكورتلىش وقوماندا نلرندن اوچنى ، زيد ، جعفر ، و عبد الله
ضايع ايتمشلردى . زيد ، قوماندان اولديغى حالده ايلك صفلرده برعسكر كى
حرب ايدرك شهيد دوشمىشدى . جعفر چوق قهرمانانە بر صورتدە اولمشدى .
صاغ قولى وجودندن آريلان جعفر ، بايراغى صول اليه طاشيمش ،
صول قولنى ضايع ايدىنجە بايراغى ديشلريله ياقالا يارق اللى يارا آلدقن
صوكره ارتحال ايتمشدى . جعفر ك موقعى اشغال ايدن عبدالله :
« ايلرى ! ظفر و جنت بزمدر ! » ديه باغىر مىشدى . عبدالله شهيد
اولمش ، دوشمك اوزره اولان بايراق خالد بن الوليد ك الە انتقال ايتمشدى .
اوكون ، خالك النده طقوز قليج قيرىلىش ، اونك كوستردىكى شهامت ،
خريستيانلرك فائق وقامر قوتلرينى توقيف ايدرك كرى آتمشدى .

نهایت طالەك يوزى مسلمانلره كولمش ، مهارت و شهاقتيله مسلمانلرى
مستفيد ايدن (خالد) ، حضرت محمد طرفندن (سيف الله) عنوانى

احراز ایشدی .

قریش ، حضرت محمدك دشمنلرینه یارديم ايتمكك حديبيه مصالحه سنی
اخلال ايتديكندن اونی تأديب ايتمك ايجاب ايديوردی . بناءً عليه
حضرت محمد ، استحضاراتی اكمال ايتدكدن صوكره اون يك مجاهدك
باشنده (مدینه) دن حرکت ايتمشدی . (خاطب) نامنده کی بری بو
قوة سفير بهك سربخی افشا ايدرك مکه لیلری ایقاظ ايتمك ایسته مش وسارا
نامنده کی بر قادی (مکه) به اعزام ايتمش ایسه ده حضرت علی وقعده دن
تام وقتنده خبردار اولارق قادی تعقیب وتام وقتنده توقیف ايتمشدی .
قادی سرب افشا ايتمك ایسته مش ایسه ده لدی التحقیق (خاطب) ك
یازدی مکتوبی صاحبزاده اخفا ايتدی کی آ کلاشیامشدی .

بناءً عليه قریش ، آنجق حضرت محمد (مکه) به موصلتی متعاقب ،
وضعيتك وخامتدن خبردار اولمشدی . (مکه) تسلیم اولمش ، حضرت
محمدده بلدة حرامه مظفرآ کیرمشدی . ابوسفیان مسلمانانی قبول ايدرك
عفو وصفحه نائل اولدی . متعاقباً حضرت محمد ، کعبه به ایلرله رک
بتلری کندی أیله خردوخاش ايتمش ، کعبه اطرافنده یدی کره
طواف ايتدكدن صوکره شهادت کتیرمش ، صوکره زمزم قویوسندن
صوایچمشدی . بوصیره ده مؤذن ایلک دفعه اولارق (مکه) ده مسلمانلری نمازه
دعوت ايتديكندن مسلمانلر وسائر مکه لیلر فوج فوج طوپلامشدی .
اوزمان حضرت محمد ، مکه لیلره دونه رك نه بکلیورسکیز ؟ دیدی .
همی ده « علو جنابکی ! » دیدیلر . حضرت محمدده چپسنه « هایدی
کیدیکیز ! جناب حق جمله کزی مظهر غفران ایتسین ! » دیدی .
بونون بتلرینك مسلمانلر طرفندن خردوخاش ایدیلر سندن متأثر
اولان (هوازن) سلاحرینه مراجعت ايدرك مسلمانلره هجوم ایتیه
تصمیم ايتشار وبو مقصدله (حنین) وادیسنه قدر ایلرله مشاردی .

مسلمانلردن اون بيك مجاهدله ، هنوز مسلماناننى قبول ايدن ايكي بيك (مکه) لى هوازنى تارمار ايدم جكلرندن امين بولويورلردى . فقط مجاهدلر هوازنك اوق صاغناغيله قارشىلايدقلرندن بوزولمش ، ناموس شكن بر رجعتنه دوچار اولمق اوزره بولومشلردى . بودقيقه لرده انسانلر قوه معنويه دن باشقه قوتلى قولة وصاغلام قافيه محتاجدرلر . بناء عليه حضرت محمد ، در حال ميدانه آتيلارق كوستردىكى شهاخته عسكرلرينى فرار شائبه سيله لىك لىك كدن قورتاردى . هوازن ، مغلوب اولمش ، مكمل بر صورتده تعقيب ايدىلش ، نهايت اوده عرض تسليميت ايتمشدى . غالبلك انه آلتى بيك اسير ، ۳۹ بيك آت ، ۶ بيك كابلان ، بر چوق كوموش دوشمشدى . غنائمك تقسيم اولوناجنى صيراده (هوازن) ك مرخصلى كلهرك بو قدر عائلهك فلا كته اوغراماماسى ايچون رسول الله مراجعت ايتمشلر ، پيغمبرده مجاهدلرى طوبىلايه رق شو سوزلرى ايراد ايتمشدى :

« مسلمانلر ! قرده شلريكز ندامت ايدرك سزه مراجعتله بابالريته والدرلرينك و چو جوقلريتك سربستيسى ؛ مال ومنالارينك اعاده سنى رجا ايدىورلر . بن بو رجاي قبول ايدىورم . سزه قبول ايدرسه كز قلبمى ممنونيتله طولدير رسكز . شايد بوندن متضرراولان وارسه در حال افاده حال ايتسين ، اوكا باشقه بر زمان تضمينات ويرهيم . »

حضرت محمدك سوزلرينه اعتراض ايدن اولماش ، بلكه اعتراض ايتمه يي دوشون بولونماش ، بناء عليه بوتون اسيرلر سربست براقيلمش ، هر كس مسلمانلغك عدالت وانصافدن حصه ياب اولمشدى .

مسلماناننى قبول ايدنلر آراسنده بالاخره اعلان نبوت ايدن مسيلمه ده بولونيورلدي . مسيلمه ، اعلان نبوتك احراز موفقيته كافي كلديكى ظن ايدرك مسلمانلقدن ارتداد ايتمش ، و حضرت محمد يازدينى

مکتوبده دنیانک یاریسی اوکا، یاریسی ده کندیسنه ویرمشدی . حضرت محمدک مسیلمه یه ویردیکی جواب بروجه آتی ایدی :

« اللهم پیغمبری محمددن ، یالانحی مسیلمه یه . ارس اللهکدر ، اونی ایستدیکنه بخش ایدر . »

عجرتک اوتنجی ییلنده یمنده نشر اسلام و خاقی ارشاد ایتک اوزره حضرت علی کوندریلش و بالنتیجه بر چوق قیلرلر مسلمانلی قبول ایتملردی . یمنده آنجق خریستیان اولان نجران قبیله سی جزیه تأدیه سی ترجیح ابله مشدی .

بو صورتله بوتون عربستانده مسلمانلق تأسس ایتش ؛ محمدک حال حیاتنده بت پرستک کو کندن سو کولوب آتیلمشدی . بوموفقیت حضرت محمدک یالکیز ده ای عسکریسنه عطف اولونا ماز ، بالعکس اونک بر فاتح اولدیعی قدر بر مجدد اولماسنه ، اعلان ایتدیکی دینک بوتون پیغمبران طرفدن تاقیم اولونان دینه مطابق بولونماسنه ، عربستانک او دورده کی حالنه نسبتله اک خالص واک صاف تعالیم اخلاقیه یی محتوی اولماسنه وابسته در . بوندن باشقه حضرت محمد ، محکمه سز ، محاکمه سز و حکمه سز قصاصی منع ایتکله عربلرک احتراصاتی مؤثر بر قید ایله تقید ایتمشدی .

عربلرک اسلامیتی قبول ایتلری ، عمومی و صمیمی بر حرکتدی . عربلرک شعور دینیسی آرتیق اقتباه ایتش اولدیغندن متبج روحلری بروادی یه توجه ایتمشدی : دعوا ی آله یی یو کسلتمک و اللهک وحدانیت و صمدانیتنی طایتمق اوغورنده اولمک . هر مسلمانک یکانه امل خالص بو ایدی . اقتدار و شوکت صاحبی اولمق ، غنیمت آلد ایتک ، شان و شرفه یو کسلمک ، حتی آخرتده جنی احرار ابله مک آنجق بو خالص و قاهر املی تقویه ایدیوردی .

بوتون عربستانده توحيد عقیده سی تأسس ایتد کدن صو کره تبوك سفرى وقوع بولمشدر . مسلمانلر سوریه حدودینه قدر ایلر یله مشلر ، اوحوالیده مقیم اولان بوتون عرب امراسی عرض تسلیمیت ایتشلردی . حضرت محمد جزیه وفدیله لر آلمقله برابر دائماً مغلوبلرک حسیات دینه سنه حرمت ایتشلردر . حضرت محمد مسلمانلغی تبلیغ ایتش ، فقط اونى جبراً قبول ایتدیرمک ایچون بر تشبثده بولونماش و بو خصوصده دائماً قرآنك اوامرینی اجرا ایله مشدر .

حضرت محمدك بوسفرده احراز ایتدیكى موفقیتلر ، کندیلرندن چوق معتدل برویركى آلمقله اکتفا ایتدیكى خریستیانلره قارشى کوستردیكى مسامحه کارلقدن ایلری کلمشدر . محمد ، مدینه یه عودت ایتدیكى زمان فتح ایتدیكى مملکتلرده کی هرقاب ، مسلمانلغك مسامحه کارلغنه مجلوب اولمشدی .

حضرت محمدك بو دور حیاتنده وقوع بولان بر حاده بیطرف وبصیرتکار منقدر نظرند ، بعضیلری طرفندن اوکا قارشى وقوع بولان ساخته کارلق اسناداتی بر طرف ایتمکه کفایت ایدر . محمدك یکانه اوغلی ابراهیم ارتحال ایتمشدی . نسل محمدینک یکانه واسطه توالیسی اولان بو چوجو غك ضباعی ، چوق مؤلمدی . بو کنجك تام ارتحال ایتدیكى دقیقه ده تصادفاً کونش کسوفه اوغرامش ، خالق بو حادثه یی سماواتك بر علامت حزن و کدری تلقی ایتمشدی . حضرت محمد ، بو خرافات آمیز حسی ، بومتبصبص ذهنیتی تشویق ایده جکنه جماعت اسلامیه یی دعوت ایدرک شو سوزلری سویله مشدی : « مسلمانلر ، کونشله ییلدیزلر ، اللهك اثر قدر تیدر . انسانلردن برینک حیات و ممانندن دولایی بونلر خسوف و کسوفه اوغراماز . »

حضرت محمد ، بونی متعاقب دائره اسلامه کیرمک اوزره (مدینه) یه

کلنلری قبول ایتمکله ، دنیانک نصفنده واک کوزهل قسمنده تأسی
مقدر اولان اسلام دولتنک قوانین و مؤسسانی تنظیم ایتمکله مشغول
اولدی . حضرت محمدک حجة الوداعی الک محتشم واک مؤثر حادثه لردن
بری ایدی . محمد صاحب لری کسد کدن و آبدستی آلدقدن صوکره
کعبه یه کبره رک حجری اویمش ، طواف ایتمش ، صوکره صفا داغنه
ایلریله یه رک یوکسک سسله تکبیر کتیرمش ، صفادن مروویه کتیمش ،
بعده آلتمش اوچ دوه قربان ایتد کدن صوکره ۶۳ کوله یی آزاد
ایله مشدی .

دها صوکره حضرت محمد ، مدینه یه عودت ایتدی . چوق
کجه دن شدتلی رحایه طوتولدی . بو حاکم تهلکه لی اولماسی
احتمالی درپیش ایدن محمد ، الک چوق سودیکی ذوات ایله محاط اولمق
آرزوسنی کوستردی و خستلق مدتی عزیز زوجهنی عائشه مک نه ونده
کچیردی . پیغمبرک دوچار اولدیغی اضطراب شدتلیدی . آرا صیرا
فرط اضطراب ایچنده « یهودیلرک زهری بی اولدیریور ، ایچنده
هر طامارمک یرتیلدیغی حس ایدیوره » دییوردی . مع مافیه حضرت
محمد ، صوک نفسنه قدر ، سلامت حواسنی محافظه ایتمش ، او
قدرکه سوریه یه قارشى احضار اولانان قوه سفریه یه لازم
اولان هر شیئی دوشونمش ، اکال ایتمش ، اسلام سالحاغی
تقدیس ایدرک اونى (اسامه) مک یدحماست وحمیتنه تودیع ایله مشدی .
حضرت محمد ، ارتحانندن اوچ کون اولیسنه قدر ، بوتون فرائض
دینیهنی و وظیفه امامتی ایفا ایتمش ، نهایت پک یتاب اولدیغی حس
ایدنجه امامت وظیفه سنی اسکی و عزیز دوستی حضرت ابوبکره توجیه
ایله مشدی . پیغمبر ، جماعتله صوک نمازینی قیلدقدن صوکره شوسوزلری
ایراد ایدرک تواضع و صمیمیتله بوتون جماعتی کریان ایتمشدی :

« آرقاداشلار ، شايد بر كيمسه يى حقمنز اولارق بر كونا ضرره اوغراندی ايسهم حسابنى ايسته سين . شايد بر مسلماننه قارشى بر خطاده بولونديسه م بلا تاخر خطامى اعلان ايتسين . بر كيمسه مك مالى آلديسهم اوده مكه حاضرم » حاضر وندن برى حضرت رسولك كنديسندن اوچ درهم آلدیغنى سويله ش ، وپاراسى كنديسنه در حال تأديه اولونمشدى . پيغمبر ، بوكا قارشى « بو دنيا ده محجوب اولمق ، آخرت ده محجوب اولمق دن دها قولاي در . » دیدى . فاطمه ، باباسنك فراش احتضارى ياننده بولونمق اوزره گلش ، آغلايوردى . حضرت محمد قيزينه باقارق « قيزم نه به آغلايورسك ؟ دیدى ، برده ، كوكده قادينلرك اك خير ايسى اولمق سكا يتشمزمى ؟ صوكره پيغمبر ، بوتون كوله لر ينى آزد ايتدى . فراش احتضارينك اطرافنده آغلايان اقرباسنه شوسوزلرى سويله دى : « اولومدن صوكره نه ياپاجغى كزى سويله يم : جسد يى غسل وتكفيندن صوكره ياتديغم یرك آلتنه قازيلاجق مزار يمك كنارينه قويكز . » بر آز توقفدن صوكره پيغمبر سوزينه دوام ايتدى : « اول ملكلر نماز يى قیلاجقلار ، صوكره سز كيريكز ، نماز يى قیليكز ، نيم ايچون اللهك رحمتنى تمنى ايديكز . اهل اسلامه بر نمونه اقتدا اواق ايچون حزن و ماتمندن فراغت ايديكز . اك بويوك آرزوم ، حزن و فغان ايله حضور يى اخلاص ايمه مكز در . » بوسوزلرى سويله دكن صوكره حضرت محمد بر قاچ دقيقه غشى اولدى .

پيغمبر ، يوم ارتحالنك صبا حنده اللرى ييقايه رق « ياربى ، روحى اولومك شدا ئدينه قارشى تقويه ايت ! » دیدى . صوكره كندندن كچدى . پيغمبرك دقيقه ارتحالى تقرب ايتمشدى . حضرت عائشه ديوركه : « رسولك ياننده اوتوريوردم . باشى قوجاغنده ايدى . بردن بره كوزلرى آچه رق طاوانه ديكدى . بو ميدنظر ائناسنده پيغمبر

ضعیف بر سسله صوك سوزلری سویله دی . « یارنی بنی مظهر غفران
ایت ، رفاقت علیایی نصیب ایله ! » دیدی ویره سریلی خالینک اوزرنده
حضور ایچنده تسلیم روح ایتدی .

حضرت محمد ، عجزتک اون برنجی ییلنده ، ربیع الاول آینک
۱۲ نجی کوننده یعنی میلادک ۶۳۲ نجی سنه سنک ۸ حزیراننده آلتمش
اوج یاشنه بالغ اولدینی حالده ارتحال ایتمش و (مدینه) ده دفن
اولومشدر .

حضرت محمدک جسدی ، دشمنلرینک غایت ابله فریبانه برصورنده
ادعا ایتدکلری وجهله دیره کلر اوزرنده هوایه تعلیق اولوئامش ،
یره کومولمشدر .

حضرت محمدک ارتحالی ، عمومی بر حزن و ماتم وجوده کتیردی .
بر چوقلری « عجبا پیغمبر ارتحال ایتدکن صوکره مسلمانلق پایدار
اولورمی ؟ » سؤالی ایراده باشلادیلر . حضرت ابوبکر : « محمد ،
بر پیغمبردن باشقه بر شی دکلدر ، اوندن اولده پیغمبرلر کوندریلشدی .
شاید او اوله جاک ، یا خود اولدیر یله جاک اولورسه کریمی دونه جکسکیز ؟ »
آبتلرینی اوقودی و هر کسی تسکین ایتدی .

حضرت محمدک ارتحالی متعاقب اولاحضرت ابوبکر ، صوکره حضرت
عمر ، صوکره حضرت عثمان ، صوکره حضرت علی ، ریاست
اسلامیه یی درعهده ایندیلر .

شونی سویله یه بیلیرز که حضرت محمدک مقاومت سور بر سطونی حائر
اولان قیلیجی ، اخلاقنک انده ، آفریقا ، آسیا و اوروپاده بویوک بر دولت
تأسیس ایتمه دن قینه کیرمه مشدی . مسلمانلر ظفردن ظفردن قوشمشلر ،
ایران ، فلسطین ، سوریه و مصر ، بر برینی متعاقب مسلمانلر لاله
دوشمشدی . اون ایکی سنه ظرفنده مسلمانلر (۳۶) بیك شهر ،

قصبه وقلعه ضبط ايتمى ، (۱۴۰۰) جامع انشا ايتمى ، اسكندريه دن
طنجه يه قدر بوتون آفريقاي ، اسپانياك بويوك قسمى تسخير ايتمى .
بوتون اسلام محررلى ، فطرتك حضرت محمد بنحش ايتدى
مواهب فيكره وكمالات اخلاقيه ياك خوشنود و مفتخر بر ذوقله قيد
ايدرلى . محمد ، بويوكلره حرمتى ، كوچوكلره قارشى تواضى ،
معارضلرینه تحمللى ايله عموم طرفندن سه ويلش ، هر درلو تعظيم
و حرمتى كورمى . حضرت محمد مخاطبلرني اقناع و الزام ايتك
خاصه سنى ده حائزدى . كتاب طبيعته متبحر اولان محمدك دعاغى ، اك
بى آمان مخالفلك مراجعت ايدى جكلى بوتون وساطلى قاورياحق ،
ياخود اتباعك كوچوك برانديشه سنى احاطه ايدى جك درجده امتداد
وانكماش ايدردى . عظمتك بوتون خشيتيله برابر سويللى بر
طائيلقه ترين ايدن سيماي محمدنك ساده بلاغى ، هر كسك وجداننده
برهيجان ، حرمت و محبت اويانديرردى . كنديسنده او قدر تلى هواي
آمرت واردى كه اهل عرفانى متأثر ، جاهللى سوق و ارشاد ايدردى .
بر دوست و بر پدر اولق اعتباريله حضرت محمد فطرتك اك نازك
حياتيله متحسدى . محمد ، يك شفيق و عاليجناب بر قابى حائز
اولدنى و اجتماعى ، يتي بوتون وظائفى ايفا ايتدى كى حالد هيج بروقت
(رسول الله) عنوانك يوكسلكلىنى اخلاص ايدى جك بر حر كتمده بولونما مشدر .
پيغمبر بويوك دماغلراچون چوق طبيعى برشى اولان بوساده لكه نه وينك
بوتون ايشلرني كورمكه تردد ايتمز ، بوتوك عربستان كنديسنه اطاعت
ايتدى كى زمان بيله ، البسه نك سو كوكلرني كندى ايله ديكمكدن ،
آياق قابنى بالذات تعمير ايتمكدن تحاشي ايتمز ، قويونلرني صاغار ،
نه وينى سوپورور ، آتشي ياقاردى . پيغمبرك هر كون تناول ايتدى كى
طعام ، خورما و صو ، اك سه وديكى شيلر ، سوده و بالدى . سياحت

ایتدیکي زمان پیغمبر ، ہمکنی خدمتجیسیله برلکده تقسیم ایدردی .
 (قارلایل) ک بو « قهرمان پیغمبر » حقتدکی ملاحظاتی او قدر
 کوزلدرکه اونلری موضوع بحث ایتهدن کچهمیه جکیز : « چولک
 بو درین قلبی اولادی ، پارلاق قارا کوزلریله ؛ آجیق ،
 درین روحیله ، حرصدن عاری فکرلرله مشبوعدی .
 محمد ، ساکن و معظم بر روحدی . او آنجق صمیمی اولاجق
 انسانلردن بریدی . طبیعت اونی صمیمی اولق ایچون یارآتمشدی .
 انسانلرک بر قسمی جدلیات و تفرعات ایله مشغول اولورکن او کندی
 روحیله حقائق اشیایه نفوذ ایدبیوردی . وجودک سر معظمی ،
 دهشتاریله واحتشاملریله بو آدمک دروننده طوغمشدی . بو آدمک
 سوزلری ، دوغریدن دوغریه طبیعتک سیدر . انسانلر بو سسی
 دیکرلر ، ودیکله ملیدرلر ، باشقه برشیئه قولاق آسمایدرلر . چونکه ،
 باشقه هرشی هیچدر . بو آدمک دماغی بیکرجه فکرک محشریدی . او هپ
 کندینه نه ایم ؟ شو ایچنده یاشایوب کائنات تسمیه ایتدیکم اولچوسوز
 شی نه ! حیات نه ؟ ممات ؟ نه یه ایمان ایتدلی ؟ نه یه یامالی ؟ سؤاللری
 صوریوردی . حرا داغنک ، سینا داغنک یالچین قایالری ، قوملی
 عزلتکاھلرک همیسی بو سؤالره جواب ویره میوردی . انسانک نه سنده
 قیوریلان مکوکب سمار ، بو سؤالار قارشیسنده سکوت ایدیوردی .
 فقط بو آدمک روحی اور و حده کی وحی آلهی بونلره جواب ویریوردی .

حضرت محمدک نبوتی ، کندی طائەسی ده هر کسدن فضلە تصدیق
 ایدیوردی . بر عرب اولق صفتیله حضرت محمد ، قوم قدر پریشان ، آچ و چپلاق
 عربلری درلی طوبلی بر وحدت حاله کتیرمش ، اونلری یکی بر صفت ویکی بر
 ماهیتله اقوام جهانہ تقدیم ایتشدیر . محمدک تأسیس ایتدیکي وحدت ،
 اوتوز سنه ظرفنده بیرانس ایمراطورینی هزیمته اوغراتمش ، ایران

كسر الرينى خاك ايله يكسان ايتمش؛ سوريه، عراق ومصرى فتح ايتمش، فتوحات اسلاميه يي بحر محيط آظلا سیدن بحر خزره وماراء النهره قدر تمديد ايتمشدى. اون ايكي عصر در بوتون به حوالیده مسلمانلق حکمراندر. آنجق اسپانيا دائره اسلامیتدن چيقمش بولونیورسدهده مسلمانلق توسع ایتمکده دوام ایتمش، شمالی آسیا، مرکزی آفریقاده و بحر خزر حوالیسینده انتشار ایده کلمشدر.

قهرمان پیغمبر بویله بر پیغمبردی. محمدك دهاسی، زردشتیلکی تارمار بر جماعت حاله کتیرمش، هندستانی فتح ایدرك براهما دینه غالب کلمش، بودا دینی بیله مغلوب ایتمش، دین عیسوینك شرقده بوتون حاکمیتنی دهویرمش، مصر دن جبل طارقه قدر، رومانك بوتون آفریقاسنی الده ایتمش، اوروپایه کچهرک اسپانیانك قسم اعظمه تملك ایتدکن صوکره لوالره قدر ایلریله مش، اسکی رومای تیره تمش، ونهایت یکی رومای یعنی استانبولی ضبط ایتمشدی.

مؤلف بو فصلی متعاقب امام (ابو صیری) ک مشهور قصیده
 پیغمبریمزک اوصافنه طائد بیتلرک ترجمه سنی نقل ایتمکده دور
 بزده بوایاتک اصلیه برابر ترجمه سنی ده قید ایدیوروز .

محمد سیدالکونین والثقلین * والفريقین من عرب ومن عجم
 حضرت محمد ، دنیا و آخرتک ، انس و جنک ، عربلرله سائر
 اقوامدن متشکل بوتون امتلرک پناه والتجاکاهیدر .

نبینا الا مهالناهی فلا احد * ابر فی قول لامنه ولانعم
 پیغمبریمز ، تبلیغنه مأمور اولدینی بوتون یوکسک عقیده لری
 بوتون اعمال مقبوله یی بیلدیرمن ؛ بوتون دنی ، ردی ایشلردن بز
 نهی ایدن ، انی و اثبات خصوصنده اوندن دها دوغری حرکت
 ایدن ، وعدو وعیدنده اوندن دها دردست اولان برکیمسه یوقدر .

هو الحیب الذی ترجی شفاعته * اسکل هول من الاهوال مفتحم
 پیغمبریمز اللهک او سهو کیلیسیدر که ایچنه دوشولن هر بلانک
 دفعی ایچون شفاعتی امید ایدیله جک اولان آنجق اودر .

دعا الی الله فالستمسکون به * مستمسکون بحبل غیر منقسم
 او پیغمبر ذیشان انسانلری الله دعوت ایتدی . اوکاساریلانلر
 هیچ بروقت قومیه جق برابطه یه صاریلمش اولورلر .

فاق النبیین فی خلق و خلق * ولم یدانوه فی علم ولا کرم
 حسن صورت کی ظاهری کالاتیله و خصال حمیده کی معنوی
 کالاتیله بوتون انبیایه فائق ایدی . علم و کرم اعتباریله بونلر اوکا
 یاقلاشامادیلر .

و کلهم من رسول الله ملتمس * غرقا من البحر اورشفا من الیم
 انبیاتک هپسی رسول اسلامک دریای عرفاندن بر آووج واونک
 سیل کرمندن برجرعه ایله تفیض ایتشلردر .

وواقفون لديه عند حدهم * من نقطة العلم او من شكاة الحكم
 بوتون انبيا متبوع معظملى اولان حضور محمدى ده موقعلىرینه
 كوره علمك بر نقطهسى ويا حكمتك بر حرکهسى اولارق اخذ موقع
 ابدرلر .

فهوالذى تم معناه وصورته * ثم اصطفاه حبيبا بارى النسم
 معنى وصورته ، باطن وظاهر اعتباريله حائز كمال اولان رسول
 اكرم ، ذات بارى طرفندن حبيب اولارق انتخاب اولونمشدر .

منزه عن شريك فى محاسنه * فجوه الحسن فيه غير منقسم
 [ناظم رسول اسلامك صفات ثبوتيه سنى بيان ايتدكدن صوكره
 صفات سلبيه سنه نقل كلام ايدرك ديوركه :]

محاسننده هر شريك ونظيردن منز اولان اوزات والالك خير
 وكال منبعندن آلايفنى كوهر حسن تجزى قبول ايتمز .

دع ما دعتة النصرارى فى نبهم * واحكم ما شئت مدحافيه واحتكم
 [ناظم رسول اسلامك اوصاف ومحاسن اعتباريله بى نظير
 اولديغنى سويله دكدن صوكره عوام ناسك اوكا ، نصارانك پيغمبرلىرینه
 عطف ايتديكى (ابن الله) كى صفاتى توجيهه مساع كورمه لرينى توهم
 ايدرك بو بيتى يازمش وشو شكلده اداره كلام ايتمشدر :]

نصارانك پيغمبرلى حقنده سويله دكلرينى بيراقده مدحكده
 حكيمانه حركت ايت ، حدود انسانيه ي تجاوزايدرك صفات صمدانيه ي
 تجاوز ايتمه .

فاناسب الى ذاته ما شئت من شرف * واناسب الى قدره ما شئت من عظم
 اونك ذات رسالتپناهيسنه ايتهديكك قدر شرف ، اونك قدر
 عاليسنه ايتهديكك قدر عظمت اضافه ايت .

فان فضل رسول الله ليس له * حد فيعرب عنه ناطق بقم

چونکہ پیغمبر ذی شاک فضل و کمالہ بر حد یوقدر کہ لسان اوئی
افادہ ایدہ بیلین .

لم یمتحننا بما تعیی العقول به * حرصا علینا فلم ترتب ولم یم
پیغمبر یمزبزی فرط محبتندن عقلاری عاجز بیراقه جق بر شیلہ امتحان
ایتمہ دیکندن ذرہ قدر شک و شبہ یه ویا حیرت و اندیشه دوشمہ دک .
اعی الوری فهم معناه فایس یری * للغرب والبعء منه غیر منفهم
جهان اونک کمالاتی ادرا کدن واحاطہ دن عاجز در . اوراق ،
یاقین هر یرده اونک معانی و فضائلی آ کلام قدن عاجز قالانلردن باشقه
بر کیسه کورولہ یور . اونک شمائل کزیده سنی تصویرہ تصدی ایدن
هر منطق بچارہ قالیور .

کالشمس تظهر للعینین من بعد * صغیرة وکل الطرف من ام
اوزاقدن کوچوک کورون ، فقط کوزلری قاما شدیران کونش کی در .
وکیف یدرک فی الدنیا حقیقته * قوم نیام تسلوا عنه بالحلم
رؤیادہ کورد کلری خیالیله تسلی بولان انسانلر اونک حقیقت
کمالی ناصل احاطہ ایدہ بیلیرلر ؟

فبلغ العلم فیه انه بشر * وانه خیر خلق الله کلهم
اونک حقندہ عالمزک سویلیه بیلہ جکی شی ، بشر اولدینی ، و بوتون
مخلوقات الہیہ نک اک یوکسکی بولوندیغیدر .

وکل آی اتی الرسل الکرام بها * فانما اتصلت من نوره بهم
بوتون پیغمبران کرامک کتیرد کلری آیات و معجزات ، رسول
اسلامک اونلره ایریشهن فیض نورانیسندندر .

فانه شمس فضل هم کوا کبها * یظهرن انوار هالاناس فی الظلم
اوبر شمس فضیلت ، اونلرده اونک کوا کیدر کہ قارا کلقلرده
انسانلره ایثار نور ایدرلر .

اكرم بخلق نبى زانه خلق بالحسن مشتمل بالبشر مبتسم
 پيغمبرك ، حسن سيرتله مزین كوزله سیماسی نه خوشدر ، اونك
 حسنى كوزله لكك بوتون ابواعى مشتمل وداثما شطارتله متبسمدر .
 كالزهر فى ترف والبدر فى شرف والبحر فى كرم والدهر فى همم
 اونك شخص كرىمنده چيچكلرك لطافى ، ماهتابك بوتون شمشه
 احتشامى ، اجتماع ايتشدر . كرمى دريالر قادار واسع ، همقى ، زمان
 كى معظم وپايدارد .

كانه وهو فرد فى جلالته فى عسكر حين تلفاه وفى حشم
 يالكز باشنه اولدينى زمان هيت وجلالندن اونی اردولر و فاتح
 كتيبه لر ايچنده ظن ايدرسك .

لاطيب بعدل ترباً ضم اعظمه طوبى لمنشوق منه وملثم
 اونك كميكارىنى اورتن طوبراقلرك رايحه سى ، اك نفيس رايحه لره
 فائقدر . او عزيز طوبراغى قوقلايانلره واوپه نلره نه موطلو ؛
 دعنى ووصفى آيات له ظهرت ظهورنار القرى ليلاً على علم
 بىراق بى ؛ اونك داغ باشنده يانان ، يابانلرده سر كردان اولانلرى كيجه .
 لين ايشيغنه جاغيران آتش كى شكار اولان آيات ومعجزاتى وصف و تعداد ايديم
 آيات حق من الرحمن محدثة قديمة صفة الموصوف بالقدم
 معجزات محمدية لك يوكسكى آيات قرآنيه دركه لفظى اعتباريله
 حادث ، معنى جهتيله قديمدر . زيرا قدمله موصوف اولان الالهت
 كلاميدر .

لم تقترن برمان وهى تخبرنا عن المعاد وعن عاد وعن ارم
 آيات قرآنيه ، زمان ايله مقارن اولماشدر . بزه قيامتدن وعاد
 وارمدن خبر وپرمكدهدر .

دامت لدينا ففاقت كل معجزه من النبيين اذ جعلت ولم تدم
آيات قرآنيه دائم، سائر ينعبر لك بمعجزه لري ايسه غير دائم اولداني
ايچون اونلرك هيسنه فائقدر .

قوت بها عين قاريها فقلته لقد ظفرت بحبل الله فاعتصم
آيات قرآنيه اوقويانلر اونك قرائتيله شادكام اولديلر . اونلره
عين ايله تأمين ايدرم كه حبل الهى يي بولديلر ، اوکا صميم صبقى
صاريلسينلر .

ان تلتها خيفة من حر نار لظى اطفأت نار لظى من وردها الشيم
قرآن كريمك آيتلريني جهنم آتشدن قورقه رق اوقورسهك جهنم
آتشي سونديريرسك .

كاه الحوض تبيض الوجوه به من العصاة وقد جاؤه كالحمم
آيات بينات يوم عرصاده كومور پارچه سي كي كسيان عاصيلره
شفا ويرهن ويوزلريني آغارتان حوض كي در .

وكالصراط وكالميزان معدلة فالفسط من غيرها في الناس لم يقم
آيات قرآنيه حقي باطلدن تميز خصوصنده صراط ، عدالتى
تأمين وخصوصتى رفع وازالده ميزان كي در ، او اولماسه انسا لمراراسنده
عدالت قائم اولمازدى .

لا تعجب لحسود راح ينكرها تجاهلا وهو عين الحاذق الفهم
آيات قرآنيهك كلام الهى اولديغنى ادراك ايدن حاسدك انكارلردن
تعجب ايمه . بوانكاره جهالتدن دكل، تجاهلدن ايلري كليور .

قد تنكر العين ضوء الشمس من رمد وينكر الغم طعم الماء من سقم
بعضاً كوز خسته لقند دولاي كونشك ايشيغنى انكارايتديكي كي

آغيزده خستهلق يوزندن صويك لذتى انكار ايدهر .

ياخيرمن يمم العافون ساحتہ سعيا وفوق متون الاينق الرسم
اي سن كه بالجملة ملتجىلرك قوشهرق ، هيجينسوار اولارق زدينه
قوشدقلى اك خيرلى انسان !

ومن هو الآية الكبرى لمعتبر ومن هو النعمة العظمى لمعتم
عبر تبين اولانلر ايچون كبويوك آيتسك ونعمت يشنده قوشانلره
اك فياض نعمتسك !

ایک نئی قسم

قرآن کریم

قرآن کریم

بہنجی فصل

قرآن کلمہ سنک اصلی - قرآنک جمع وتدوینی - قرآنک معجزہ محمدیہ
اولدی - قرآنک مخلوقاتی - قرآنک کیفیت وحی - ۶۶۶۶ آیتک ظمی -
(کوٹہ) نک قرآن حقیقہ فکری - قرآن نہ صورتہ محافظہ اولندی - شاعراییک
دین اسلامی قبولی - مسلمانلرک قرآنہ حرمتی - قرآن مجلہ احکامدر -
قرآنک کتاب مقدسدن فرق - رہنانک سوزلری - مسلمانلقده الوہیت
تلقیسی ، ہندولر الوہیتی ناصل تعریف اییدیورلردی - حضرت محمدک حضرت
عیسیایہ حرمتی - حضرت مریمک حلی حقیقہ قرآنک فکری - تثلیث مسئلہ سی -
قرآنک تحلیلی - اسلام فاتحہ لیلہ ، روما پاپالرینک مقایسہ سی - موسیو
(ژوریو) نک مطالعاتی - یہودیہ لک انحصار آمیز وضعیتی - درت انجیل -
(قسطنطین) نک دورندہ خریستیانیق - اسلامیت قلبیچ دینی دہ کادر - مسلمانلرک
بشریتہ خدمتی .

قرآن کلمہ سی ، (اوقودی) معناسندہ اولان (قرآ) فعل ثلاثی سنک
مصدریدر ، «اوقومق» ، «اوقومغہ» شایان اولان «معنالرینی» افادہ ایدہر ،
قرآن کریمہ کتاب ، کتاب الہ ، کتاب کریم ، کلام شریف ، فرقان ،
تنزیل کلمہ لری اطلاق اولونور .

مسلمانلر قرآنک کلام الہی اولدیغہ اعتقاد ایتدکن باشقہ اولنک
ازلی ، غیر مخلوق وابدی اولدیغہ ایمان ایدہرلر ، قرآنک بیانی
معجز اولدیغدن حضرت محمدک دائمی معجزہ سی تاقی اولونمشدر ، مسلمانلر ،

هر شیدن مقدم، جناب حَقِّك «لوح محفوظی»، صو کره مقام هی یاراندیغنه،
 بویوک بر مجوهر اولان (لوح محفوظ) یکپاره ایخیدن وجوده کتیریلان
 «قلم» ک مداد نور ایله انسانلرک بوتون اعمالی قید ایتدیکنه اعتقاد
 ایدر لر. حضرت جبرائیل، لوح محفوظدن تلقی ایتدیکی قرآنی حضرت محمد
 قدر کیجه سنده تبلیغ ایتش، قرآن کریم قسماً (مکه) ده، قسماً
 (مدینه) ده پیغمبره وحی اولمشدر. رسول اکرمک تلقی ایتدیکی بوتون
 کلمات الهیه، کاتبلر طرفندن در حال قید اولونوردی.

وحی اولویان ایلک آیتلرک: «اقراء سورته سنک باشنده کی آیتلر
 اولدینی خصوصنده اتفاق واردر. بو آیتلرک مال کریمی شودر:
 «او قو، یارادن وانسانی بر قان پختیسنندن وجوده کتیره
 اللهک نامنه او قو، رب اکرمک النساء او گرتدی، قلمله او گرتدی،
 بیلمه دیکنی او گرتدی».

رسول اکرمک تلقی ایتدیکی آیات، وحی کاتبلری طرفندن قید
 اولوندقدن صو کره بونلر اصحاب ارا سنده نشر اولونوردی. اصحابک
 اکثریسی قرآنی از برلردی قرآنک قید اولوندینی یار اقلر، بر صندوق
 دروننده حفظ اولونوردی.

قرآن کریم ۱۱۴ سورهدن متشکلدر. سورهلرک بر قسمی مکی،
 بر قسمی مدنیدر. سورهلر، ایچنده موضوع بحث اولان بر وقعه دن،
 یا خود ایچنده یا اولونان بر شخصیتدن اسمی الیر. هر سورده آیتلردن
 متشکلدر، و هر بری بسمله ایله باشلار. [۱]

قرآن، مسلمانلرجه معجزه لرک اک بویوکی عد اولونور، اولولری
 دیر یلتکم معجزه سی قدر خارق العاده طانیلیر. مسلمانلر دیرلرکه،

[۱] قرآن کریمک آیاتی ۶۶۶۶ در. بیکی اواصر، بیکی نواهی،
 بیکی وعد، بیکی وعید، بیکی قصص، بیکی امثال، بش یوزی حدود،
 یوزی دعا و نیازدر.

(موسی) ایله (عیسی) نك معجزه لری موقتدی . محمدك معجزه سی دائمیدر ، ابدیدر . بناءً علیه بو خارقه ، اسکی دورلرك بوتون خوارقندن یو کسکدر .

ادبی نقطه نظرندن قرآن ، شرقك اك شاعرانه اثریدر . قسم اعظمی نثر منظوم اولان قرآن ، کره ارضك بر قسمنده حاکم اولان ذوقه مطابقدر . عربستانك اك اصیل و اك تمیز لهجه سی اولان قریش لهجه سی نازل اولان قرآنه دیگر لهجه لر بك آز قاریشمیشدر . قرآن کریمك لسان عرب ایچون بر حجت اولدیغنده شك وشبهه یوقدر . (کونه) نك دیدیکی کبی قرآن وهله اولاده قارئی ممنون ایتمز ایسه ده صوکره اونی فسونه جلد ایدر ، دها صوکره قارئی کوزه لککيله تسخیر ایلر .

حضرت محمدك حال حیاتنده قرآن کریمك یازیلی بولوندیغی تحیفه لر حفظ اولونیوردی . حضرت ابوبکر ، خرما یا پراقلری ، دری و کمیک پارچه لری اوزرنده یازیلی اولان آیات قرآنییه یی بر جلد حالنده طوطلادی . صوکره بو جلدی حضرت عمرك کریمه سی (حفصه) نك ید امنیتنه تودیع ایتدی . فقط ولایتلره داغیلان نسخه لرله نسخه اصلیه آراسنده فرق کورولدیکندن حضرت عثمان نسخه اصلیه یی اساس اتخاذا ایدر ك قرآنك نسخه لرینی تکثیر ایتمش ، یا کلتش نسخه لری طوطلاتمشدی .

قرآن کریمك مزایاسی تقدیر ایچون شونی بیلیمك لازمدر که پیغمبرك زمان ظهورنده بلاغت بیان و فصاحت لسان بك ایلری گیتمش بولونیوردی . او زمان شعر و خطابت فوق العاده اعتباری حازدی . مؤلفین اسلامیه دن بری دییورکه :

« قرآنك اعجازی ، اونك بلاغتمده ، فصاحت و آهنگکنده در . عربجه

بیلیمین بر آدم قرآنی دیکلهسه ، اونک ، سائر آثار عربیه فائقیته
در حال تسلیم ایدره. هر هانکی بر یازی یه اقتباس اولونان بر آیت قرآنیه اونک
ایچنده بر یاقوت پارچه سی کی طورور ، کوزلری قاشدیران مجوهر لر کی
پارلار . قران ، وحی اولوندینی کوندنبری ، بلاغتیله علمایی
حیران بر اقمشدر .

ایشته دائمی بر معجزه عد اولونان بو قرآن ایله در که حضرت محمد
قومنه مراجعت ایتمش ، اونکله رسالتی تأیید ایله مش ، اونکله او زمان
عربستانده عددلری جوق اولان بوتون فصحاو بلغایی اسکات ایله مش
هیسینی اوکا بر نظیره کتیرمکدن عاجز بیر اقمشدی . ۱]

روایت کوره معلقاندن برینک ناظمی اولان شاعر مشهور لبید ،
حضرت محمدک رسالتی اعلان ایتدیکی زمان هنوز بت پرستی .
لبید ؛ شعر لرینک برنده شو ییتی ایراد ایدیور : « اللهدن غیری هر شی
باطلدر ؛ هر نعمت ، محقق ، محکوم زوالدر . » شاعر لبیده بو یولده
بر نظیره سویلیه جک بر کیمسه چیقمه مشدی . نهایت سوره بقره ک
بر قاچ آیت کریمه سنه مطلع اولان لبید ، بونلرک آنجق وحی الهی
ایله سویلنه بیله جکنه ایمان ایتمش ، دین مبین اسلامی قبول ایله مشدی .
لبیدک اهداسنه سائق اولان آیات کریمه ؛ « بو کتاب که ،
هر دولو ریب وشه دن آزاده در ، متقیلر ایچون رهبر هدایتدر ،
او متقیلر که غیبه ایمان ایدر لر ، نمازلری حقیله ادا ایدر لر ، واللهمک
کندی لرینه احسان ایتدیکی رزق دن اتفاق ایلر لر . اونلر که سکا
کوندریلنه وسندن اول کوندریلنه ایمان ایدر لر و آخرته یقیناً اینانیر لر .

[۱] حضرت محمدک قران کریمی بر خریستیان راهبک و بر ایرانی یهودینک
یاردیمیه انشا ایتدیکنه دائر وقوع بولان بهتانلر ، کندی کندینی تکذیب
ایتمکده در . عرب لسانک شاهقه بلاغتی ، بری سوربه لی ، دیکری ایرانی ایکی
اجنبی به ناصل عطف اولونا بیلیر ؟

ایسته اونلر هدایت الیهیه نائدرلر ، واونلر فلاحه ایرمشلردر .
 « کافرلر کلمجه... اونلرک حالی بر آنس یاقان آدمک حالی کبی در که آنس
 اطرافی ایشیقلا ندیردینی زمان کوزلری قاپانیر ، وقارا کلک ایچنده
 قالیرلر . اونلر دیلسزلردر ، سویلیه مزلر ؛ صاغیردرلر ،
 ایشیمزلر؛ کورددرلر، کورمزلر .

« یاخود اونلرک حالی ظلمتله، رعد و برق ایله مشحون بر قاصیرغه کبی که،
 بونک قارشیدینده اونلر اولوم قورقوسندن پارمقلریله قولاقلری طیقورلر .
 جناب حق ایسه کافرلری چب جوړه چویرمشدر . برق ، اونلرک
 کوزلری قاماشدیرر ، شیمشک چاقدجه اونک ایشیغنده یوروپورلر ،
 فقط اورته لغی ظلمت قاپلادیمی طور یورلر . »

قرآنک تلاوتی اناسنده عربلرک دویدوقلری الهام ، اونک ساحر
 اسلوبی ، اونک علوی شعری ، اونک حلاوت نظامی دولاییسیله در .
 آیاتک تنوعی ده شایان دقتدر . قرآن کریم محتشم آیتلرله ، عرش
 تدبیرندن کائناتی اداره ایدن ذات اجل واءلایی افاده ایدر، جنتک تعیم
 جاودانیسی ایضاح ایدرکن آیتلر، نشاط و آهنگ ایله دالغه لانیر، جهنمک
 عذابنی اکلاتیرکن آتشین بر حرارتله چالقانیر .

مسلمانلر قرآن کریمه اعظمی حرمت و توقیری کوستیرلر . طاهر
 اولمازلر سه کتابه ال سورمزلر . اونک ایچون کتاب مبینک قاپاغنه
 (لایمه الا المطهرون) آیت کریمه سی یازیلیر، و بوصورتله سهوا ایله کتابه
 طهارتسز ایکن کیمسسه، نک یاقلا شمامسنی تأمین ایدرلر . مسلمانلر ،
 کتانی کمال حرمتله اوقورلر . اونی اوپرلر، حربه کیسدرکن
 جیلرنده طاشیرلر ، سلاخلرینه آیتلر حک ایتدیرلر ، کتانی آلتونلر
 و محوهرلرله سوسلرلر، اونک بر غیر مؤمنک النده بولونمامسنی ایستلر .
 اسلام تربیه سک منبئی ، بو کتاب مبیندر . چو جوقلر ، اول باول

اونی او قومانی او کره نیرلر و از بر لرلر . حیاتک نورینی بولمق ایچون مسلمانلر کتاب مبینی تدقیق و تنبیع ایده لرلر . جامعلر واردر که اوراده قرآن کریم متمادیاً ختم اولنور . اون ایکی عصردن بری قرآن کریمک سسی ، میلیونلرجه مؤمنک قلب و روحنده متمادیاً و مستمراً عکسلر اویندیر مشدر . نیجه اسلام فقیهلری واردر که قرآنی یتمش بیئ کره ختم ایتمشلر در .

قرآن کریم الله ایمانی ، اراده السبیه تسلیمیتی ، اوامر السبیه اطاعتی ، بر و تقوایی ، اعتدالی ، اینچکیدن امتناعی ، مسامحینی ، دین اوغورنده اولنلره بر حرمت مخصوصه بسلامهینی امر ایده ر . فرائض عملیه کلنججه بونلر دین اسلامک نشر و تبلیغی ، بش وقت مازک اداسی ، رمضان آینده اوروجک طوتوماسی ، [۱] مالک قرقدہ برینک زکات اولارق اعطاسی در . زکات اولارق تفریق اولنان پاریدن حتی دشمنلره و حیوانانه بیله بر حصه تخصیص اولونابیلیر . [۲] بیقائمیق و تمیزله ممکه عائد اولان اوامر ، نمازه متقدمدر (Sale - Sale)

دیور کد : مسلمانلرک بو وظائفی ایفایه رعایتکار اولمالری ایچون حضرت محمد ، اعمالک طهارت اساسی اوزره قائم اولدیغنی ، طهارتک نصف ایمان و مفتاح صلات اولدیغنی بیان ایتمش ، طهارتکسز مازک قبول اولونمایا جغنی سویله مشدر . بو ایضا حاتک دها کوزمل آکلاشیلماسنی تأمین ایچون ، (غزالی) طهارتی درت قسمه آرییور . برنجیسی جسدک هر بیسلکدن و هر لوئدن تطهیری ؛ ایکنجیسی ، بوتون اعضا و جوارحک

[۱] اوروجک اوچ مرتبه سی واردر : (۱) معدوی و شهوانی لذتن (اجتناب ، ۲) کوز ، قولا ، دیل ، ال ، آیاق و سائر جوارحی کناهدن وقایه ، ۲) قلب و فکری مشاغل دنیویه دن صیانت .
[۲] نماز انسانلری جنت یولنه سوق ایدر . اوروج انساننی جنت قاپوسنه کوتورور . زکات انسانک جنته کیومه سنی تأمین ایدر .

خباثتدن وهر ظالمانه عملدن؛ او چنجیسی، قلبك هر درلو شایان مؤاخذه تمايلات و گناهکارانه نیاندن نزیهی در . غزالی وجوده کوره قلبك ظاهری بر ظرف ، اصل اوزك قلب اولدیغنی علاوه ایدر . بو سیدن دولایی غزالی ، یالکز ظاهری طهارته اهمیت ویره ناردن شکایت ایدر ، اساساً تمیز اولمایانلرك صورتلری کبی سیرتارینك کیرلی اولدیغنی بیان ایله اونلرك موضوع بحث ایدیله یه لایق اولما دقلرینی سویلر . بناءً علیه مسلمانلرك طهارته رعایت ایتمکله گناهلارندن آزاد اولدقلرینی ظن ایدنلر یا کیلیورلر .

فقط او امر قرآنیه دینی و اخلاقی وظائفه منحصر ده کلدر . کییون ، دیرکه : « بحر محیط آطالسی ساحلارندن غائره قدر ، قرآن یالکز آللهیاتك ده کل ، مدنی ، جزائی احکامك محله اساسیه سی عد اولونمقده ، انسانلرك بوتون حرکات و احوالی تنظیم ایدن قوانین ، اللهك غیر قبل اخلاص او امریله مؤید بولونمقده در . » تعبیر دیکرله قرآن ، مسلمانلرك دینی ، اجتماعی ، مدنی ، تجاری ، عسکری ، قضائی ، جنائی ، جزائی عمومی محله سیدر . قرآن هر شیئك ، وظائف دینیه دن وظائف یومیه یه ، روحك نجات و فلاحندن بدنك صحتنه ، عمومك حقوقندن فردك حقوقنه ، انسانك منافعنندن جمعیتك منافعنه ، اخلاقیات ساحه سندن جنائیات ساحه سنه ، حیات دنیویه نك عقوباتندن حیات اخروییه نك عقوباتنه قدر هر شیئك ناظمیدر .

بالنتیجه قرآن ، توراتدن آریلمقده در . (قومب) ك دیدیکی کبی تورات ، « بر آللهیات سیسته منی حائر ده کلدر ، تورات ، قصصدن ، وصفلردن ، تقوا پرورانه تهیجاندن ، بر برینه منطقی بر رابطه ایله باغلی اولما مقله برابر قوتلی بر اخلاقدن متشکلدر . » [قرآن کریم ، انجیل

کبی ده آنجق سالکلك افكاو دینه سنی، عبادت و اعمالی تنظیم ایدن
بر دستور دن عبارت ده کادر .

بلکه قرآن ، سیاسی بر سیستم در . چونکه دولت هر قانونی
اوکا مستند در . حیات و امواله عائد اولان هر شی اوناك حکمیه
حل اولونمقده در .

حضرت محمد ، سیاسی دولترده صنف رهبانك نه قدر تهلیکلی
بر عنصر اولدیغی ، بو صنفك هر حکومتی تردی به سوق ایتدیکی
بیایدیکندن بو مؤسسسه نك وجود بولماسنه امکان بیراقامش ، النده
قرآن بولونان هر مسلمانك کندینی ارشاد ایتمه سنی آزر و ایتشدیر .
حضرت عیساده عینی صورتله حرکت ایتمش ، اوده پاپاسسز و حسیات
قلیه به مستند بر دیانت تبلیغ ایتشدی . رونان دیر که : « حضرت عیسی
قدر پاپاسه بکزمه مین بر انسان یوقدی . اوناك قدر دینی حمایه نامی
آلنده دینی بوغان اشکاله بویوک بر دشمن کورولمه مشدی . رونان
دها صوکره دییور که : « عیسویتده روحانی بر سلسله مراتب یوقدی .
هر نصرانی دیگر نصرانی به برادر دییه جکدی . فقط عیسی ، فائق
بر عنوانه صاحب بولونیوردی . عیسی به افندی ، الهه ده « رب »
ده نیلیوردی »

بناء علیه مسلمانانقده پاپاسلق یوقدر . فقها ایله الهیانجیلر عینی
آدملر در . چونکه مأخذلری قرآندر . بونلرک وظیفه لری ،
روحانی ده کل ، قضائی ایدی . ثروتلری کلیسا وقفلرندن ، صدقلردن
متحصل ده کلدی ، دولتک تخصیص ایتدیکی معاشاندندی .

حضرت محمدك کتیردیکی عقائد ، شه دن ، ایکی بوزلیلمکدن آزاده
ایدی . قرآن کریم ، توحید عقیده سنك الشرفلی آبد سیدر ، بتلره ،
انسانلره ، سیارات و ثوابته برستنی منع ایدن حضرت محمد ،

بوتی، دوغان هر شيتك اوله چكى ، طلوع ايدن هر شيتك باتاجنى ،
فساده معروض اولان هر شيتك اضحاحاله اوغراياچنى اساس
معقولنه استناد ايتدیرمیشدی . حضرت محمدك ذوق عقابىسى ، زمان
و مكادن ، شكل و صورتدن منزله ، بى نظير و بى شريك، اك كيزلى
فكرلر مزه مطلع ، كندى ذاتيله قائم ، لايتناهى و ازلى بر موجودى
طانيور و تبجيل ايدیوردى . رسول اسلام طرفندن اعلان اولونان
بو عقائد ، بوتون آرقداشلىرى طرفندن اك صاغلام بر صورتده قبول
اولونمش ، قرآنك مفسرلىرى طرفندن ده رياضى بر قطعيتله تعريب
ايدیشدر . مؤمن بر قیلسوف عموم مسلمانلرك عقیدهسى قبول ایده .
بيلير .

خالق طبيعت ، وارلىق بوتون آثارينه ، قانونى قلب بشره
حك ايتمشدر . هر عصرده كن پیغمبرلرك وظيفهسى ، معرفه
اللهى احباو قانون الهىك رعایتنى تأمیندن عبارتدى . حضرت محمد،
بوتون اسلافى اولان پیغمبرلك نبوتى طانیمشدر . حضرت آدمدن ،
قرآنك اكلكه قدر وحى الهى انسانلرى ارشاد ایده گلشدر . حضرت محمد
مسلمانلره ، حضرت عيسايى توقير و تبجيل ایتمه بى او كرمشدر . [۱]
لاتین کلیسایى ، حضرت مریمك نفخ ايله حملی مسئلهسى قرآن
کریمدن اقتباس ایتك خصوصنده تردد ایتمه مشدر . [۲] خریستیانلر ،

[۱] بونك برچوق دلائلى واردر . بزىالكر شونى ذكر ایده چكز :
محمد رابعك دورنده صدر اعظم ۱۶۸۳ ده ويانه يه قدر ايلريله مش ، فقط
لهستان حكمدارى (ژون سوبیه سكى) طرفندن هریمته اوغرامشدى . بوسیره ده
خریستیان برپاپاس مسلمان اولمش ، مسلمانلغنى اثبات ایچون حضرت عیسی یه
عجوم ايله اونك ساخته كار اولدیغنى سویله مشدى . بوجركت مسلمانلرى او قدر
اغضب ایتمشدى كه پاپاس در حال دیوانه سوق اولمش و اعدامه محكوم ایدیشدى .
[۲] سهل طرفندن ترجمه اولونان قرآنه مراجعت ایدكز سن آمروز ايله

آتی یوز سنه ظرفنده دوغرو یولدن صایمشاردی. حضرت موسی ایله حضرت عیسی، آتیده کندیلرندن دها بویوک بر پیغمبر کله جگنی اعلان ایتشلردی. پاراقلیط، یاخود (روح قدس) ک ورودی رسل الهیهنک اک بویوکی و صوکنجیسی اولان حضرت محمدک شخصنده وبعثتنده تجلی ایتشدی.

قرآنک برنجی و اک اساسلی مادهسی، توحید باری عقیدهسی و حضرت محمدک رسالتیدر. قرآن حضرت محمدی، رسول الهی صفتیه یاد ایدر. پیغمبر اسلام، خریستیانلرک تثلیث عقیدهسی قبول ایتمکله خطایه دوشدکلرینی، جناب حقک حقیقی اظهار و تأییدایچون کندیسینی کوندردیکنی بیان ایدر. ۱] بوندن دولاییدرکه قرآن کریمده مسلمانلره «موحدلر» دینلمکده و بوتعبیره مشرکلر» مقابلنده قوللانمقدهدر. چونکه مشرکلر، پرستش ایتدکلری شیلری الله شریک اولارق قوشمقدهدرلر. قرآن کریمده دهنیلورکه: «ای اهل کتاب! (خرستیانلر و موسویلر) دینکیزده افراطه صایمايیکیز. اللهدن بحث ایدیورکن حقیقته مخالف بر شی سویله مییکیز. صریمک اوغلی مسیح اللهک بر پیغمبرندن باشقه بر شی ده کلدر. او حالده الله ایله پیغمبرلرینه اینانیکیز. تثلیثدن بحث ایتهمیکیز. الله

[۱] تثلیث عقیده سنک اساسی اولان اوچ شاهدک مشهورمتی، نیوتون، کیبون ویورسون کی ذواتک مساعیسی نتیجه مننده اویدورمه اولدینی تبیین ایتشدیر. بالذات (قلمهت) کتاب مقدسک اسکی نسخه لرنده بویله بر آیت بولونمادیغنی اعتراف ایدیور. حضرت عیسی وحدانیت الهیهی تعلیم ایتمش، فقط سن پول ایله افلاطونی اولان (حنا) افلاطونک تثلیثی قبول ایدرک عیسویتک توحیدینی وساده لیکنی اخلا ایلشلردر.

سن اوغوستین کی آبا کایسانک مشاهیرندن ایکی ذات بومشله اطرافنده اوقدر مستهجن مناقشه لرده بولونمشاردرکه ادب وحیا، بونلرک سوزلرندن برشی اقتباسنه مانهدر.

برادر . بوتون حمد و ثنا اوکا خاسدر . اونك اوغلی یوقدر .
 قرآنك البویوك هدفی ، او زمان شایع اولان اوچ دینی ، معرفه الله
 ایله عبادت خصوصنده برلشدیرمك ، هپسی معین قوانینه تابع قیلمق ،
 هپسی رسول الله اولان حضرت محمدك اطرافنده طوبیلا مقدر . حضرت
 محمد ، متعدد اخطارلردن ، دهها اول وقوع بولان متعدد وعد
 و وعیدلردن صوکره ریزنده دین الهی بی تأسیس ایچون کوندر یلشدی .
 او حالدہ قرآنك اك معظم عقیده سی توحید باریدر . و حضرت
 محمد ، بونی ایضاح ایچون کوندر یلشدر . حضرت محمد ،
 بو عقیده بی اك دوغرو و اك مکمل صورتده ایضاح ایتدی . بو
 صورتله بعض شرایع مخصوصه و یا مراسم مخصوصه نك ارشاد الهی یه
 توفیقاً تبدل ایده بیله چکی ، فقط اصل حقیقت ازلیه نك بر کونا تبدله
 معروض اولما یا جغی ، بالعکس عیناً دوام ایده چکی ، آکلا شلمش ، بو عقیده اساسیه
 اهماله اوغرا دیغی ، یا خود تردی یه دوچار اولدیغی زمان اونی احیا
 ایچون پیغمبر لر کوندر یلشدر که حضرت محمدك ظهورینه قدر بونلر
 اك ممتازی حضرت موسی و حضرت عیسی ایدی .
 حضرت محمد ، هیچ بروقت یکی بر دینك مؤسس اولدیغی سویله مه مشدر .
 بالعکس حضرت ابراهیم دینی احیا ایتدیکنی ، و بونك کنديسنه وحی
 اولوندیغی بیان ایدر . قرآنك یکانه هدفی ، موسویلرله خریستیانلر
 تحریف ایتدکلری الواح مقدسه بی تصحیح ایتمکدر . بو تحریفانك
 بریده حضرت محمدك رسالته عأددر . روایتیه کوره ،
 حضرت جبرائیل ، قرانی ، حضرت ابراهیم طرفندن کسیان
 قربانك دریسنه یازیلی اولارق کتیرمش ، دری آلتون و ایست
 و مجوهرات ایله سوسله نمشدی . فقط خریستیانلر جه قبول اولونان
 روایتیه کوره حضرت محمد قرآنی ، ایرانی بر یهودی ایله خریستیان

برپاسک یار دیمیلہ احضار ایتشدی۔ فقط بوفکر اوقادار اسکیدر کہ بالذات
حضرت محمدک بوفکر ایله مجادلہ ایتدیکنی واونی رد ایلدیکنی کوریورز۔
قرآن کریم الک صریح صورتده ازلی، ابدی اولان، طوغمایان،
طوغورمایان، بر شریک و نظیری اولمایان، هر شیئی یارادان، رحمن
و رحیم، کندیسنه باغلا نالنری حمایه ایدن، فنانق ایدوب پشیان اولانلری عفو
ایدن، قیامت کوننک صاحبی اولان، هر کی عملنه کوره محاکمه ایدن؛
ای-ملک یاپانلره، الله اوغریده اولنلره سعادت ابدیه بخش ایدن؛
خبیثلره جزا ویرن اللهک وارلغنی او کره تیر۔ قرآن ملکلرک
وارلغنی ده او کره نمکده در۔ فقط ملکلرک، پیغمبرلرک ده شایان پرستش
اومادقلرینی اکلایر۔ هر انسانی قوروپان و اعمالی مراقبه ایدن ایکی
ملک واردر۔ شیطانلر نوع بشرک دشمنیدرلر۔ مسلمانلر جنلرک
وارلغنده اینایرلر۔ حضرت محمدک رسالتنه ایمان ایده رلر۔

قرآن کریمک ایضاح ایتدیکی بو عقائد نه قدر ظالمانه تجاوزه اوغرا دیسه
قرآنک تعالیم اخلاقیه سی ده عینی صورتله تجاوزه اوغرا مشدر۔
حال بوکه اخلاق قرآنییه و فسق فجوری و هر درلو افراطی، ربایی،
خسقی، تکبری، هتان و افتراپی، حسدی، ربایی، دنیوی شیر
اوغورنده حریصانه قوشمه پی تقبیح؛ صدقه و برمه پی، ابوی سه و موی؛
اللهه شکرانی، عهده وفایی، صدق و اخلاصی، یتیماره شفقتی،
بر فرق کوزه دیلکسزین عدالتی، عفتی، حیایی، صبر و تحملی۔
خیر خواهلغنی، کوله لرک آزاد ایدمه سنی، فنانغه قارشى ایلکی،
فضیلتی، عفو و صفحی، بوتون بونلری بر مکافات بکله میهرک
و منحصرأ رضای باری پی کوزه ده رک ایفایی امر ایده ر۔

یوقاری ده سویله دیکمز کی قرآن بالکمز بر عجله دینییه دکادر۔
بوندن باشقه - یهودیلرک (یهواتوخ) ی کی - مسلمانلرک قوانین

مدنیہ سنی دہ احتوا ایدہر .

بناءً علیہ قرآن تعدد زوجانی تحدید، ازدواجی تعریف، زوجینک حقوقی ایضاح، والدہ لک مدت ارضاعی، دولارک حقوقی، مہر لک، طلاق لک کیفیت وقوعی تعریف ایلر، میراث، وصایا، ولایت، عقود قرآندہ ذکر اولونمقدہ در . نہایت، یالانجی شہادلک، سارقلرک، زانیلرک، چوجوقلرینی اولدیرہ نلرک، فجورک، ساختہ کارلغک وسائرہ نک جزاسی کوستریلیر . حضرت محمد بو اعتبار ایلہ یالکیز پیغمبر دہ کل، بردہ شارعدر . بوقوانین شرعیہ، ہجرتدن یعنی عقیدہ اسلامیہ خایلی کوکلند کدن صوکرہ تبلیغ اولونمش، بر قسمی مکہ مک فتحہ قادار اعلان اولونماشدی .

خریستیانلق عالمندہ کتاب مقدسہ قارشى نادراً تصادف ایدیلن یوکسک حرمتلہ قارشیلانان قرآن، بویلہ بر کتابدر .

خریستیانلق ایلہ مسلمانلق آراسشدہ کی فرق آ کلامق ایچون شوکا دقت ایتک لازمدر کہ خریستیانلغک اتباعی اوزرندہ حائز اولدینی نفوذ (دوغما) لرہ استناد ایتدیریلہرک دین ایلہ اخلاق بر بردن آیریلدینی حالہ مسلمانلقدہ دوغمالردہ کل، دینک عملی طرفی، اخلاق، اجتماعی حقوق، سیاسی فکرلر اوزرندہ اجرای تاثیر ایلکدہ وبو صورتلہ مسلمانک دماغندہ وطنپرورلک، حقوق، عنعنہ، قانون اساسی بر کلدہ اندماج ایتکدہ در . بو کلمہ «مسلمانلق» در .

مسلمانلغک افتخار ایدہ جکی بر چوق محاسن آراسندہ بالخاصہ ایکیمسی بک بارزددر . برنجیمسی الوہیتدن بحث ایدیورکن، بشری ضعیفلردن وحرصلردن تنزیہ ایتدیکی ذات کبرپائی الک تجلیلکار، الک خشیت آور سوزلرلہ افادہ ایتہسی؛ ایککنجیمسی دہ، قرآنک اخلاق و تربیہ منافی ہر فکرلہ، ہر حکایہ وسوزدن تمامیلہ آزادہ بولونماسیدر . حال بو کہ

موسویلرک کتاب مقدسی بو کی قصورلرله مالامالدر. قرآن ، دیگر کتابلر نامنه غیر قابل انکار اولان بو قصورلردن او قدر منزهدر که حیاکار بر انسان هیچ قیزارمادن باشندن صوکنه قادار او قویایلیر. الحاصل قرآن کریمک تأسیس ایتدیکی دین، محض توحیددر. قرآنک تعریف ایتدیکی الوهیت، مؤسس قوانین ایله کائناتی اداره ایدن، فقط غیر قابل تقرب بر احتشام ایچنده بر طرفده طوران فلسفی بر علت اولی ده کل، هر دم حاضر و ناظر ، هر دم فعال بر قدرتدر ، مسلمانلق دین اولق حیثیتله عقله تجاوز ایدمک اسرار آلود و نزاع انگیز هرشیدن اوزاقدیر . مسلمانلق انسانلری ساده و لایتغیر بر عبادتله مکلف ایدر. مسلمانلق ، انسانلری عزیزلره ، شهیدلره ، رسملره ، متروکانه ، اسرار آلود شیلره ، ، مابعد الطبیعی ایجه لکلره پرستشدن ؛ مناسترلرده انزوادن ، نفسی رنجیده اتمکدن منع ایدن ؛ ماهیت اشیاک اوزون و درین تأملندن ، او زمانکی اقوام جهانک احوال و شرائطی تقدیردن، عقل و دینک تألیفندن تولد ایدن بر نتیجهدر . بناءً علیه بویله بر دینک کعبه اطرافنده وقوع بولان بت پرستانه بوتون عبادتلری ، زردشتیلیکی، و صابئییلیکی احما ایتمه سی شایان حیرت ده کلدر.

آرتق قرآن کریمک تعریف ایتدیکی مسلمانلقدن بحث ایدم بیلیرز: مسلمانلق هیچ بر وقت هر هانکی دینک اساساتنه مداخله ایتمه مش، هیچ بر وقت بر انگیزسیون تأسیس ایتمه مش ، بر کیمسه یه دینی ده کیشدیرتمه یی استهداف ایلهمه مشدر . مسلمانلق ده کندیی تقدیم ایتدی ، فقط کیمسه یی جبر ایله تبدیل دینه سوق ایتدی .

قرآن دیر که : (لا اکراه فی الدین) یعنی « دینده جبر و تصدیق یوقدر » ، « مؤمنلردن ، موسویلردن ، صابئیلردن ، الله و آخرته ایمان ایدنلر نزد الهیده مأجور اولورلر و هیچ بر خوف و حزنه

اوغرامازلر .

مسلمانلارڭ قبولی، مفتوح مملکتلره و مغلوب ملتله حقوق متساویه تأمین ایدیور؛ اونلری، حضرت محمدك ظهورینه قدر هر فاتحك مغلوباره تحمیل ایتدیکی شرائطدن قورتاریور و بو اقوامه حریت بخش ایدیوردی. مسلمانانق او زمان حوالی مجاورده حکمران برعات اولان، چو جوقلری دیری دیری کومك رذالته ازاله ایتمش، کوله لکی الفا ایلهمش، یالکنز مسلمانلغی قبول ایدمه ناره ده کل، مفتوح ملتله ده عدالتی تشمیل ایلهمش، ویر کولری تخفیف، دولته ویر یله جك ویر کولری اوندن بره تنزیل ایتمش؛ نجارتی و قیدلردن آزاد ایلهمش، ادیان سائرەك سالكارینی کلیسالرینه و رهبانلرینه معین یاره ویرمکدن قورتارمش، دیانت حاکمیه بر اعانه ده بولمقدن خلاص ایتمشدر. دین اسلامی قبول ایدنلردن ایسته نیان شی بر جمله ك تکرارندن عبارتندی.

مسلمانلارڭ سرعت انتشارینه خدمت ابدن اسباب، بو کون بیله تمامیه قابل تحقیق دکلدرد.

مع مافیه بو اسبابك باشلیجلارندن بر قاجنی تعداد ایتك ممکندره بونارك برنجیسی، ماهیت الهیه و وظائف اخلاقیه دائر قرآنك کتیردیکی بو کسك و دوغرو مفهوملر؛ موسویلر و خریستیانلرله دوشوب قالقمقدن دولایی اسکی بت پرستلرینك خرافات آمیز عنقه لرینه قارشى رابطه لری کدوشسه بن ملتار اوزرنده بو مفهوممارك اجرا ایتدیکی تأثیر؛ صوکره عربسه ناده شایع اولان متعدد ادیانك تعالیم، عادات و عنصانك حسن امتزاجی، ثالثاً: تعالیم قرآنیه ك بوتون حقوقی ایشاری و حیاته متعلق وظائفه واسع بر صورتده شامل بولونماسی. بعض مؤلفار بو اسبابه، شهوانیاته مساعدیه ایدیله سیفی علاوه ایدیورلر.

فقط تعصب دین بری بر دماغ صاحبی، مسلمانانک انتشاری خصوصند بویله بر عاملک مؤثر اولدیغنه احتمال ویره مز. بونقطه خریستیانلق اساسیله، یاخود آوروپالیلرک عاداتیله محاکمه اولوناماز. تعدد زوجات عربستانده اساساً شایع اولان بر عادتدی. مسلمانلق تعدد زوجاته جواز ویرمکه برابر مسلمانلر، شرقلیلرک بو خصوصده کی حدسز حریتی تحدید ایتشلردر. مسلمانلک باربار ملتلر اراسنده زیاده سیله شایع اولان زنا و فجوری شدتله منع ایتمه سی، کهوشک و مساعداکار بر اخلاقیته دلالت ایتمز.

صمیمی بر مسلمان، نه پیکور طرفداری دکلدرد. نقوی ایله مشوعدر. قرآنی اوقویان بر انسان اولک اخلاق خصوصنده چوق دقتلی، چوق قوتلی اولدیغنی تسلیم ایدر. فی الحقیقه بر دین ویا مذهبک مؤسسی انسانلرک سفاهتنی ترویج ایتمکه دائمی بر موفقیت احراز ایدر. بناءً علیه مسلمانلرک اخلاقه فرط رعایتلری اسلامیتک اسباب انتشارندن بری اولارق قبول اولونا بیلیر. مسلمانلک عباداتی معلوم و معین اولدیغندن بونلری قبول واجرا ایدنلر اونلری ایفا ایتمک استلزام ایتدیکی وظائف اخلاقیه یی طائیرلر ویا پارلر. بو صورته صمیم فریضه سی، منتظم آبدستلر و نمازلرک ایفاسی، صدقلر و زکاتلر اعطاسی، مسکراتدن اجتناب کی قرآن کریم طرفندن امر اولونان تعالیم، مسلمانلر اراسنده بر دستور تعامل وجوده کتیرمش، مسلمانلرک کتاب مبینلرینه مستمر رعایت ایتملرینی تأمین ایتشدرد. مسلمانلرک اجرای تجارت ایتدکلری یرلرده قرآن کریمی نشره چالیشمالری انتشار اسلامی تأمین ایدن اسبابدن بری صایله بیلیر. چونکه شرقده اقامته کیدن مسلمانلر اوراده کی امرایه دینلرینی اوکره تمشلردی، مالابار ساحلیله مالاقاده مسلمانلرک مساعد برشکلده

قبول اولونمشلردی. تهرنت و تیدور حکمدارلریله سائر شرق امراسی، مسلمانلاری قبول ایتدیلر. موغوللارک، قندهار، قامبهی، کجرات و سائر مملکتلره حکمران اولدقلری زمان، مسلمانلاری نشره چالیشدقلری آکلاشیلور.

پورتکیزلر هندستانه کیردکلری زمان، هندو خرافاتی آراسنده، دیانت اسلامیه نیک تعالی ایتمکده اولدیغنی کورمشلردی. (قالیقوت) ده اقامت ایدن اسکی (زامورین) یعنی حکمدارک، بو پورتکیزلرک مواصلتندن آلتی یوز سنه مقدم مسلمانلری بویوک بر مهمانوازلقله قبول ایتدیکی، اولنره بر موقع اعتبار بخش ایتدیکی، نهایت مسلمان اولدیغنی قبول اولونمقده در. بو امرانک صوکنجیسی اولان (ساراما پایریمال) ر عرب کیمسیله (مکه) یه کیده رک صوک کونلرینی بیت اللهک جوارنده کچیرمشدر.

حضرت محمدک مسامحه کارانه بر خط حرکت تعقیب ایتمهدیکنه دائر سویله نهن سوزلر چوق مبالغه لیدر. فی الحقیقه بت پرستلره، یاخود بر دینه سالک اولمایانلره قارشى دین اسلامک، یاخود قیلجک حکمنی قبول تکلیف اونومشدی. اهل کتابه ایسه جزیه اعطاسی تکلیف ایدلمکده ایدی. [۱] مع مافیه مسلمانلر مسامحه کارلق حدودینی نادراً تجاوز ایتمشلر، غیر مسلمانلره ویردکلری سوزلری طوتمشلر، اسلام فاتحلری، روما و بیزانس فاتحلرینه نسبتله غایت معتدل و غایت مسامحه کار

[۱] جزیه نیک اعطاسی قبول اولوندقن صوکره اعالی حقوق سابقه لرینی کاملاً استرداد ایدیور، از جمله ایسته دکلری کبی دینلرینه رعایت ایلورلردی. بر حکمدار جزیه اعطاسنی قبول ایتدکن صوکره اراضیسنه صاحب اولورور، آنجق جزیه ویره ن امرانک معامله سنه تابع بولورلردی. (تألیفینستونک هندستان تاریخی عنوانلی اثرینه مراجعه ت)

داورائیشلردر . محض حقیقت اولمق اوزره شونی سـویلهیه بیلیرزکه شاید غرب امراسی، عربلرله تورکلرک موقعنده ، یعنی شرقده حاکم بولونسلر ، مسلمانلرک خریستیانلغه کوستردکلری مسامحه بی، مسلمانلره صورت قطعیه ده کوسترمزلردی . چونکه غرب امراسی ، کنندی دینلرینه منسوب اولدقاری حالده باشقه مذهبه سلوک ایده نلره اک ظالمانه اعتسافاتی روا کورمشلردی . ۱۰]

(ژوریو) دیورکه : « مسلمانلرک خریستیانلره قارشى خط حرکتی ایله پاپالغک حقیقی مؤمنلره قارشى روا کوردیکی اعتسافات هیچ بر وجهله قابل قیاس ده کلدر . (وودوا) لر علیهنده کی حربده ، یاخود (سن بارتلی) قتل عاملرنده او قادار قان دو کولدی که بالکیز بو قانلر مسلمانلرک دو کدکلری خریستیان قانندن پک چوق فضله در . مسلمانلغک ظالم بر دین اولدیغنه دائر بسله نن فکر متعصبانه دن انسانلری قورتارمق کر کدر . بونلرک فکرینه کوره کویا مسلمانلق ، یا اولوم ویا خریستیانلغی ترک تهیدیلله نشر اولومشدر . بونک اصل واساسی یوقدر . پاپالغک وحشت و یام یاملغه واران ظلم و اعتسافنه نظراً مسلمانلرک خط حرکتی اک حایم واک متواضع حرکتدی . »

حضرت محمدک دینی ، دیدکلری کبی ، روحانی ده کلسه ، هیچ اولمازسه تناقضدن آزاده ، عملی بر دیندر . بو دیانت ، خرافات وشهه لر باطالغنی اورته سنده یوکسه لن بر تمثال نراهدتی . حال بوکه خریستیانلق بو باطالغنه دوشمش ، اخلاقک یوزینی قیزارتاجق برحاله کلش ، اوقادارکه بوتون حیات تاریخیه لری اثاسنده مسلمانلر

۱ [جاتفیلد دیورکه « عربلر ، تورکلر ، و سائر مسلمانلر خریستیانلره قارشى ، غربلی ملتک مسلمانلره قارشى تعقیب ایتدکلری خط حرکتک عینى تعقیب ایتش اولسلر شرقده خریستیانلقدن اثر قالمزدی . »

خریستیانلغك متردی اولمایان بر مذهب ویا عقیده سیه ، ویا شایان احترام بر شكليله تماس ایتمه مشلردر .

حضرت موساك منحصر آبی اسرائیله کوندردلیدیك بك آشكاردر .
اونك رسالتی ، باشقه بر ملتله شامل دكادی . بر اجنبینك انای یعقوب
جماعتنه التحاق ایتمه سی مشكادی . انبیای بی اسرائیله عطف اولونان
کتابلره [۱] کوره بو انبیا بیلله یهودیلردن ماعداسنه تبلیغات اجرا
ایدوب ایتمه مك خصوصنده متردد ایدیلر . خریستیان مؤلفلرینك بیانیه
کوره خریستیانلق سرایه کیردکدن صوکره انجیللرده کورولن صفوت
وساده لیکنی خایلدن خایلی یه ضایع ایتدی . کبر و خست ، قان دعوالری ،
حزبلر خریستیانلغك مرشدلرینی تارمار ایلشدی هر طرفك محررلری
طرفدن صوکی کلهین بر حرب آچیلدی . (میلتون) دیرکه :
« (قسطنطین) نك دورندن چوق زمان مقدم خریستیانلرك هپسی ،
دیانت و تربیه لرینك صفوت اولیه سنی و تمامیتك بر چوغنی ضایع ایتمشلردی .
بالاخره (قسطنطین) کلیسای زنگینلشدیرنجه بونلر رتبه عشقنه ،
سطوت احرازینه مبتلا اولدیلر ، خریستیانلق ده تارمار اولدی . »

حال بوکه حضرت محمد آلتنجی عصر میلادیده ظهور ایدهرک
دینی تأسیس ایتمش ، آسیا ، آفریقا و مصرده ، وحدایت الهیه
معتقد اولان هریرده بت پرستلیکی احما ایلهمش ، خلقك مفکره سی
اونك مادی ، معنوی فیضیه سیراب اولمشدی . اونك دینه کیرمنلرك
اکثریسی ، وحی محمدینك قدسیته و دوغرولغنه ایمان ایدیوردی .

[۱] رومان ، (حیات یسوع) نامنده کی اثرنده دییورکه « اناجیل
اربعة دن هر بری ، یا حواریونك تاریخنده یا خود انجیلك تاریخنده معلوم اولان
بر شخصیتك نامی طاشیقده در . فقط بودرت شخصیتك هر بری انجیلك
محرری اولارق کوستریلیوب « منایه کوره ، لوقایه کوره ، مارقویه کوره
انجیل » دهنیهرك بونلرك اصل اولماقلری کوستریلشدره .

بصیرت صاحبی بر مشرکک نظر نده پیغمبرک سوزی ، الهی و بشری ماهینی ده حائر کورولیوردی . زردشتک دیندن دها صاف ، موسانک شریعتندن دها حریتپرور اولان دیانت محمدیه ، یدنجی عصر میلادیده انجیلک صفوتی شائبه دار ایدن اسرار و خرافاتدن متشکل عقیده دن فضله ، عقل ایله قابل تألیفدر .

دیانت محمدیه ک حائر اولدینی قوته اک بویوک واک قناعتبخش دلیل ، اونک سائرادیانک دوچار اولدینی بوتون نقائصه توارث ایده جک یعنی مخلوقی خالقک یرینه قویاجق درجه ده اوزون بر حیات سوردیکی حالد مسلمانلرک هدف عبادت و هدف محبتلرینی حواس و مخیله . بشریه ک سویه سنه ایندیرمه ملری ، تعصب و خرافاتدن اوزاق قالمالری ، الوهیت مفهوم عالیمسی عادی بر صنم اقامه سیله تلویث ایتمه ملریدر . بر معبود حقیقیه و اونک رسولی اولان محمد اینانیورم ، سوزی مسلمانلرک یگانه دستوریدر .

قرآن طرفندن تلقین اولونان آیاتک منحصر اقلیلجه نشر ایدلدیکنه ذاهب اولمق مدهش بر خطا در . چونکه تعصبدن آزاده اولانلرک کافه سی تسلیم ایدرلرکه الهلره انسان قانی دوکمک حرکته بدل ، عبادت و صدقه بی اقامه ایدن دیانت اسلامیه ، انسانلره خیر خواهلحق روحنی نفخ ایتمش ، فضائل اجتماعیه بی تقویه ایتمش ، و بو صورتله مدنیت اوزرینه مهم بر تأثیر اجرا ایدرک بوتون شرق عالمی ایچون بر نعمت اولمش ، بناء علیه حضرت موسا طرفندن کفاری احما ایچون احتیاط سزچه قوللانیلان قانلی سلاحلره محتاج اولما مشدر .

او حالد اعصار متعاقبه ده نوع بشرک اقلکار و عقانندی اوزرنده صلاحکار بر تأثیر اجرا ایتک اوزره طرف حقندن کوندریلن اک قوتلی واسطه بی ، اک معنده نه تعصب واک جاهلانیه تجاوزلرله قارشیا لمق قدر

باطل و کولونج بر حرکت تصور اولونا ماز .

الحاصل بومسئله، ایستربودیانتک خارق العاده ظهور و تعالیسی، ایسترب
 مؤسسی اولان شخص و یا بالذات کندی ماهیتی اعتباریه نظر دقتیه
 آلیسین، آنجق اک درین علاقہ بی اویاندریر. مسلمانلقه خریستیا-
 نلغک مزایاسنی مقایسه ایدنلر ایچنده، مسلمانلغک یالک-زخیره و حکیمیه
 مقاصده خدمت ایتدکن باشقه بویوک ایملکلره عامل اولدیغنی قبول
 وتسلیم ایتمینلر پک آذرر .

ایکنجی فصل

مسلمانلرک علم و عرفانه حرمتی - مسلمانلر ، بالخاصه اندلس مسلمانلری
فلسفه و فنونک ایلمک سائقلریدر - (موشیم) ک سوزلری - مسلمانلرک ترقیسی
یونانیلرله رومالیر کککندن دها سریمدی - علم و عرفانک بویوک حامیسی ، بغدادک
بانسیسی ابی جعفر منصور - هارون الرشید - یونان و روما ادبیاتی احیا ایدن
عرب آثاری - اسپانیاده کی عبدالرحمنلر - حضرت عمر اسکندر یه کتبخانه سنی
احراق ایتمه مشدر - اوروپانک مسلمانلره دین شکرانی - قاردینال (ا کزیمین) ک
واندالانی - به قون فلجعه سی مسلمانلردن آلمشدر - مسلمانلرک بری و بحری
فتوحاتی - مقایسه لر - هندستانده اسلام خاندانی - اسلام و خریستیان حا کیتنک
مقایسه سی - انگلیز حا کیتنک تضییق آمیز ماهیتی - لورد قلايو، واره ن هه ستینغس
(و میل) ک سوزلری - (اوده) مسئله سی - مستر (دونداس) ک نطقی -
رسمی بر جواب - مسلمانلرک دوغروانی و ناموسکارلنی - مسلمانلرک مسامحه
کارانی و خیر خواهلنی - مسلمانلرک حیواناته قارشى انسانیت پرورلیکلی .

کچن فصلده درمیان ایتدیکمز ملاحظاتک دوغروانی ، آئیده کی
وقایع و مطالعات ایله دها آشکار بر حاله کله جکدر .

علم و عرفان دعواسنه عربلرک حرمتندن دها درین حرمت
کوسترنه هیچ برملت کله مش کی در . بر عرب شاعری دیر که « عالم
بر آدم کورور کورمزه مان اونک قارشیسنده کیلیروخا کیانی اوپرم ! »
پیغمبرک بر چوق احادیثی علم و عرفانه اک صمیمی حرمتله مشبوعدر .
« علمانک مرکبی ، شهدانک قانندن افضلدر » ، « قلم و مرکب (یعنی
اثر) بیراقانلره جنت قابولری آچیقدر » . « دنیا دورت شیئه استناد
ایدر : عالمرک علمی ، بویوکلرک عدلی ، ایلرک عبادتی ، شجیعلرک
جسارتی ! » فقط مسلمانلرک دها مهم بر حالی ، ثروتی اهمیتسز برشی

طائمری ، واونك مقابلنده علمی اك كرانها شی عد ایتمه لیدر .
 حضرت محمد بو فیکری بوتون قوتیله ترویج ایتمش ، حضرت علی ،
 جاهلله مال ، فقط ارباب علمه عرفان بخشیدن مولانك لطیف تقدیرینه
 عرض شکران ایله مشدر . فلسفه و فنونك ایلك محییلری ، اسکی ویکی
 ادبیات آراسنده کی ارتباطك محافظلری آسیانك عباسیلر زماننده کی ،
 اندلسك امویلر دورنده کی مسلمانلردر . اوروپایه ، اساساً آسیادن کلن
 ادبیات ، ایکنجی دفعه مسلمانلرک دهاسیله ، حیات بولمشدی . عربلر و مسلمانلر
 آراسنده فنون و صنایع آلتی بوز سنه لك بر حیات تعالی امرارایتدیکی
 حالد او زمان بزم آرامزده اك قابا باربارلق حکمران اولدقدن باشقه
 ادبیات اك سونوك بر حالد بولونیوردی .

(موشیم = Mosheim) دیرکه « اك معتمد شاهدلرک اتفاق
 آرا ایله وقوعبولان بیاناتنه کوره اونجی عصر میلادیده غرب
 عالمده حکمران اولان مدهش و شایان تلهف قارا کلقدن دهادر
 برشی تصور اولوناماز . بو عصر فلسفه و عرفان نامنه ، هیچ اولمازسه
 لاینلرک ده میر دوری تسمیه اولونابیلیر ... لاینلرک فلسفه سی برفندن ،
 یعنی منطق ویا جدلیاتدن ایلری کیتمه مش ؛ بوفن ، اونلرک نظرنده
 بوتون حکمت بشریه نك محصله سی طاینمشدی . او زمان اسلام
 فیلسوفلری اسپانیا وایتالیاده متعدد مکتبلر تأسیس ایتمش ، ارباب
 عرفان بورالرده طویلانمش ، عرب فیلسوفلرک تعالیم وسیسته ملری
 آلارق اونلری خریستیان مکتبلرینه ادخال ایله مشلردی . « (موشیم)
 دهادر صوکره دیورکه : اونجی عصر دن اعتباراً اوروپاده انتشار ایدن
 حکمت ، هیئت ، فلسفه و ریاضیاتك عرب مکتبلرندن آیلندیغی ، بالخاصه
 اندلس مسلمانلرینك اوروپا فلسفه نك استادی اولدقلری محققدر .
 عصری اوروپا ، ایلك تخیلات شاعرانه سی وایلك رومانیتك

حرکتی عربلرہ مدیوندر . عربلرک اقوام سائرہ فی فتح ایتہ لرینک
خبرکار تاثیرلرینی تدقیق ایتدیکمز تقدیرده بونلرک چوق کچمہ دن
کندیلرینہ مخصوص برلسان وبر ادبیات وجودہ کتیردیکلرینی، بونی
متعاقب کندیلرینہ تقدم ایدن اقوامہ نسبتلہ شایان حیرت بر صورتده
سریع بر ترقی فیکری یہ مظهر اولدقلرینی کورورز . یونان ادبیاتی
سکیز عصرلق برزمانده وجودبولمشدی . روما، بویوک شاعرلر و محررلر
یتیشدیرمک ایچون بو قدر عصر کچیرمشدی . جنوبی فرانسه ده روما
حاکمیتک تأسسہنه بو قدر عصر کچدکن صوکرہ او ملت شایان
افتخار عد ایدیلہ جک بر ادبیانہ صاحب اولمشدی . حالبوکہ عجرت
محمدیہ دن یوز الی سنہ کچمہ دن عربلر ادبیات اعتباریلہ چوق متری بر
ملت اولدقلری کی اسکی فلسفہ، شعر و صنایعک محافظلری اولمشلردی .
کرک رومالیلر، کرک غوطلر، اسپانیایی تسخیر ایچون،
ایکی یوز سنہ یہ وارن بر زمان اوغراشمشلردی . حال بوکہ
عربلر شبہ جزیرہ یی یکر می سنہ ده فتح ایتمشلر، (پیرمنہ)
داغلرینی کچہرک فرانسه لک قلبکاهنہ ایلریلہ مشلردی . بونلرک علم و
وعرفان اعتباریلہ تاثیرلری، سلاحلرینک تاثیرندن داها آزا، داها
قوتسز ده کلدی .

پیغمبرک دامادی و خلفای راشدینک دردنجیسی (علی) ادبیاتی
حمایہ ایتمشدی . معاویہ لک دورنده عربلر، یونانلیلرک علومنی طویلادیلر .
دها صوکرہ عباسیلرک ایکنجی خلیفہ سی (ابو جعفر منصور) علم
وغرفانی حمایہ ایدنلرک رهبری اولمشدی . متعدد عصیانلر و مختشم
ظفرلر اورتاسنده (ابو جعفر منصور) صنایع نفیسہ یی تشویقہ وقت
بولویور، پارا ویریور و ذوق صیاحی اولدیغنی تجلی ایتسیرمک
احتشامیلہ بی نظیر بر مرکز حکومت تأسیس ایدیوردی . (بغداد) ده

تأسیس اولونان بو مرکز ، بش یوز سنه اسلام ایمپراطورلغک
مقر اداره سی اولمشدی . منصورک طورونی هارون الرشید جسارت
واقدا میله یونانیلرک کوزینی ییلدیرمش ، فقط آوروپاده بالخاصه ،
عرفانه محبتیله ، علمی تشویق ایتمه سیله ، صالح و مسالمته خدمتیله
احراز شهرت ایتمشدی . هارون ، شارلمک دوستی ایدی واونکجه
مخبره ایتمکده ایدی . هارون ، مدقق ، حریتپرور ، باربارملتلرهمفید
اختراعات میخاسیکه بی کوندره ن بر ذاتدی . فقط عربلرک حائر
اولدقلری شهرت ادبیه مک تملی آتان ذات ، هارونک اوغلی (المأمون) دی .
اونک سراینه ، ال یازیسیله محمول یوزلرجه دوه مک متباریاً اثر نقل
ایتمدیکی کورولوردی . سیویلدن اصفهانه قدر بوتون آثار ادبیه
سرعتله انتشار ایدیوردی . بغداد ، کوفه ، بصره ، قاهره ، فاس ،
مراکش ، قرطبه ، غرناطه ، بلنسیه ، سهویل ، آقاده میلرک
ومنبرلرک بلاغتنی چوقدن بری طویمشدی . فلسفه ، بالخاصه مسلمانلرک
معلم اول طاییدقلری آرسطونک فلسفه سی ، غربه دوغرو سرعتله
ایلریله یوردی . فنون تدریس اولونیور ، یونانستان وروما
ادبیاتی عربلرک آئاریده یکیدن جانلانیوردی . عرب مکتبلرینک
طقوزحجی عصردن اون دردنجی عصره قادار صاحبینی بارلاق ایشیقار
بو ماهیتده ایدی .

مسلمانلر آراسنده علم و عرفانک حمایه سیله معروف سائر ذوات ،
اندلسک (عبدالرحمن) لریدرکه اندلسده امویه خاندانی تأسیس ایدن
ذاتک اخلافیدر . بونلرک ، اک بویوکی اوچنجیسی اولمق اوزره ،
اوچی عینی نام ایله طانیایوردی . اوچنجی عبدالرحمنک دورنده داخلی
انقسامات ، اکشایان تلفه حالی آلمشدی . بوکارغما عبدالرحمن علم و عرفانی
حمایه یه وقت بولمشدی مشارالیهک اونجی عصره تصادف والی سنه امتداد ایدن

دور حا کمیٹی اور وپانک اک مدہش جہالتہ باطدینی بر زماندی . فقط بود و رده
چوق مترقی اولان اندلس ، اور وپانک ظلمت آباد اولان دماغنه بر حزمہ
نور ایشار ایتدی . بغداد ، بخارا ، بصرہ مکتبلری ، شہر تلرینہ
رغمآ آ وروپالیرک مراقنی تحریک ایدہ میہ جک درجہ دہ اوزا قدی لر .
عالی جناب بر حامی یہ تابع اولان اندلس دہ مدرسہ لرینک قابولرینی
آ وروپالیرہ آچامش اولسہ یددی ، عرب عرفانی ، پک ضعیف بر صورتہ
حسن ایدیلیر ، یا خود کاملاً ضایع اولوردی . عبدالرحمن صنایع
نفیسہ نک یکانہ بر حامی سیدی . سرایلرینک احتشامی ، باغچہ لرینک
کوزہ لاسکی ، کوشکلرینک معمار یسی اعتباریلہ عبدالرحمن شرقلی رقیبلرینہ
فائق دہ کلسہ دہ اولرلہ همیاردی . (قرطبہ) دن اوچ میل مسافہ دہ
اولان « زہرا » قصری و شہری یکر می بش سنہ لک سعیک محصولی
ایدی . بو سرایہ آلتی میلیون آلتون صرف اولونمشدی . عبدالرحمنک
سرایندہ آلتی بیگ کیشی یاشار . آوہ چیقہ دینی زمان کندیسنہ اون
ایکی بیگ سواریدن متشکل بر اردو رفاقت ایدردی .

بورادہ بر استطراد یاپارق حضرت عمرہ اسناد اولومان
اسکندریہ کتب خانہ سنی احراق بہتانی موضوع بحث ایتک ایسترز .
بو افترایہ کورہ حضرت عمر ۶۴۱ سنہ سنندہ (عمرو بن العاص) ہ اسکندریہ
کتب خانہ سنک جلدلرینی احراق ایتہ سنی ، بو کتب خانہ نک قیمتلی جلدلرینی
حام کلخانلرینہ آتماسنی امر ایلہ مش ! بو ، بالآخرہ اویدوریش
بر افترا در . چونکہ بطلمیوسلرک کتب خانہ سی درت یوز ، یا خود یدی یوز
بیگ جلد بلہ (ژول سہ زار) ک بر سفری اثناسندہ یاقیلدینی معلومدرہ
مورخلرک یکدیگرینی متعاقب نقل ایدہ کلدکلری بو ہتآنک اصل
واساسدن کاملاً عاری اولدینی ، مسلمانلرک حق فتح ایلہ الدہ ایتدکلری
موسوی و خریستیان کتب دینیہ سنی محافظہ ایتلری ، بونلری صورت

قطعیہ دہ تخریب ایتھملری؛ فن ، تاریخ ، شعر ، فلسفہ و سائر موضوع عارہ
عائد آناری محافظہ ایدرک بونلردن استفادہ ایلہ لرلیہ تابتدر . بوندن باشقہ
حضرت عمرک اسکندریہ کتب خانہ سنی احراق ایتدیکی روایتی درمیان
ایدن (ابوالفرج) بو موہوم وقعہ دن آلتی یوز سنہ صو کرہ
یاشامشدر . حال بو کہ داها اول کلن خریستیان و مصرلی مورخار
بو مسئلہ بی مسکوت کچمشلردر . اسکندریہ کتب خانہ لرلی حقندہ واقفانہ
بر اثر نشر ایدن (سن قرووا) بو افترانک بر خرافہ اولدیغنی؛ چونکہ
اسکندریہ دہ کی اک اسکی واک مهم کتب خانہ لرک دردنجی عصر میلاددن
فضله یاشامادیغنی بیان ایتمکده در .

عصری مورخلرک بو افسانہ بی تکرار ایتمکده اولدقلری شایان
حیرتدر . چونکہ (کیون) ، حادثہ نک غیر محتمل اولدیغنی ،
حادثہ نک زمان وقوعندہ یاشایان خریستیان و یا مسلمانلردن بر کیمسہ نک
اونی یاد ایتہ دیکنی سویلہ دکن صو کرہ . شاید اریوس طرفدارلریلہ
مونوفیسیتلر آراسندہ وقوع بولان جداللرہ عائد آتار ، عمومی
حاملرک کاخانلرنده احراق اولونمش ایسہ ، بو حادثہ نک قارشیسندہ
بر فیلسوف تبسم ایدرک ، بو واقعہ نک نفع بشرہ خادم اولدیغنی
سویلر . « دیور .

مع مافیہ عربلر اسکندریہ کتب خانہ سنی یاقدقلرینی دوغرو فرض
ایدہ لم ، عربلر طرفندن تاریخ ، طب ، زراعت و سائر علومہ دائر
یازیلان اثرلری (قرآن) نسخہ لریدر دیہ احراق ایدن قاردینال
(اکزیمین) ک حرکتدن تنفر ایتمینلر ، یاخود یاز سرائی تخریب
وچین ایمپراطورلرک آثار قدیمہ سنی و مکتوباتی و سائرہ بی احما
ایدنلر ناصل اولویورده بویله بر حرکتی بر تہمت اولارق ایلری
سودیورلر ؟ ..

صده کله . آوروپا بوگون بيله مسلمانلره مديوندر . اهل صليب محاربه لری ائناسنده وقوع بولان جدالريوزندن دره بکک کی مدهش بر سيسته می الغا ايتديکمی ، آريستوقراتلغک استبدادلرینی تخريب ايدهرک اونک انقاضي اوزرنده حريتمزی تأسيس ايلديکمی اوزون اوزادیيه موضوع بحث ايتيمه ، فقط اوروپايه شونی خاطر لایتمق لازمدرکه ، اسکی ، یکی ادبیاتی بربرینه ربط ایدن انسانلر اولمق ، غریده جهالت وقاراکل حکمران ایکن یونان فیلسوفلرینه عائد اثرلرک محافظی بولونمق ، علمک اک مهم شعبه لرینی ، فنون ، ریاضیات ، طب وسائرده انکشاف ايتديرمک اعتباريله اوروپا مسلمانلره مديوندر . اسپانيا ، قاسینو ، ساله رنوم ، اودورک منابع عرفانی ایدی . ابن سینا ، ابن رشد ، ابن بيطار وسائر ذواتک آناری ، باربارلقدن قورتولانلرک تدقیقاتنه ، نشاط واستقامت بخش ايتمشدر . مسلمانلرک جغرافیایه مراقلری اونلری کشفلرده بولونمغه ، آفریقالک چولدن عبارت اولان ساحه لرنده بيله مملکتلر قورمغه سوق ايتمشدر . مساماناق ، یالکیز اک پارلاق دورلرنده دکل ، ایلاک زمان ظهورنده بيله ، ادبیاته مظاهرت ايتمشدر . حضرت محمد « شان وشرف ، ثروتده دکل ، عرفانده در » مآلنده سوزلر سويله مش ، آرقداش لرینی دنیالک اک هجری کوشلرنده تحری عرفانه سوق ايله مشدر .

اسلام دولتلری عصر لرجه اک مقتدر ذوات طرفندن اداره اولونمش ، اختلافات دینه عادتاً اونوتولمشدی . مأمون شام مدرسه سنه بر خریستیان تعیین ايتدیکی زمان وقوع بولان اعتراضه جواباً شو سوزلری سويلمشدی : « بن بو آدمی دین ایشلرنده رهبرم اولمق اوزرد دکل ، فن معامی اولمق اوزره تعیین ایدیورم »

اندلسده اسلام دولتلک سقوطيله فروسیتک (شوالیه لکک) وقهر مانلغک

سوك بقیه سی یقیلدیغندن دولای کیم کدر ایتمه مشدر؟ دشمنلرینک مورخلری
بیله سکر عصرلق حاکمیتی اناسنده برنک ظلمنی قید ایتمدکلری او عالیجناب
ویوکسک ملتک حضورنده هانکی کوکس افتخار ایله قاپار مامشدر!؟
خریستیان پاپاسلغنک انسانلق او کردکلری، حمایه کوردکلری انسانلره
شیطانی بر ظام و تعصبه معامله ایتمه لرندن، (اکزیمین) کبی سیاسی
متعصبلرک یدی عصرلق مساعینک محصولی اولان فلسفی، ریاضی،
ادبی آثار ای احراق ایتمه لرندن هانکی یوز قیزار مامشدر؟

۱۲۱۴ ده تولد ایدن والسنه شرقیه یی او کره نن (فرایار به تون) ک
اثر لرندن عرب مؤلفرلیله واسع بر صورتده آشنا اولویورز. (فرایار
به تون)، (ثابت بن قره، کندی، ابوالفرج) دن اقتباساتده
بولونمقده، اونک عرب آثاری قدر یونان و لاتین قلاسیکلرینه آشنا اولدیغی،
بالخاصه «فلسفه نک رئیسی و امیری» صفتلرلیله یادایتدیکی (ابن سینا) یی
ای طاییدیغی اکلاشیلمقده در. بویوک لورد (به قون) ک مشهور
فلسفه تجریبه سنک ایلک پره نیسپلرینی سانی و آدشی (روجر به قون) دن
آلدیغی، هر کسجه معلومدر. بو حقیقت، (به قون) فلسفه سیدسته منک
مسلمانلردن آلیندیغی غیر قابل مناقشه بر صورتده ایضاح ایدیور.

مسلمانلرک فتوحات عسکریه سنه کلنجه، بونلرک تاریخک اک
شرفلی فتوحاتی اولدیغنده شهه یوقدر. جبل طارقدن هندستانه قدر
امتداد ایدن اسلام دوانندن ده حیرت آمیز بردولت وارمیدر؟..
بر طرفدن تورکلره، دیگر طرفدن تاتارلره باقیکنز و مسلمانلغک
عظمت و احتشامنی ناصل محافظه ایتدکلرینی کوریکنز!.. خریستیان
فاتحلری آراسنده قابلسه صلاح الدینلر، تیمورلنکلر،
مرادلر، بایزیدلر، فاتحلر و سلیمانلرله قابل قیاس بر قاچ آدم
بولیکنز! مسلمانلر، خریستیانلری پره نه داغلرینک آرقاسنه آتمادیلرمی؟

ایتالیایہ هجوم ایدرک فرانسه نك قبلكاهنه وارمادیلمی؟ توركلر فتوحاتلرینی
آلمانیا نك حدودینه ، وندیك كورفزینه قدر تمديد ایتمه دیلمی ؟
خریستیان دولترلرینك اتفاقلری ، اهل صلیبلری ، دالغهلری غربدن
شرقه آقان ، فقط معظم ومدھش اسلام قایاسنه چاریدلنجه قیریلان ،
چارچالانان بر ده كز کی ده كلی ؟

دها شایان حیرت برشی بوخارق العاده انسانلرک موفقیات بحریه سیدر .
حضرت محمدك زماننده عربلرک الكچوق قورق دینغی شی ، ده كزدی .
بر اسلام اولكه سیله دیگر بر اولكه آراسنده ده كز وارسه فریضه
حجی ایفا ایدمه مك ایچون قطعی بر معذرت تشکیل ایدردی . فقط
بر نسل صوكرامسلمانلرک دونامالری آق ده كزده مظفرانه جولان
ایدیور ، كرید ، آطهلر ده كزی فتح اولونیور ، سجلیا ، شمالی آفریقا
مسلمانلرک الله دوشویور ، قورسیقه ، ساردونیا آدلری ده اولر
كچوردی .

مسلمانلر آق دكزده اوزون بر زمان فائیت بحریلرینی محافظه
ایتمشلر و بولردن هم حرباً ، هم تجارة استفاده ایتمشلر ، بوراده
بویوك كیلر بولوندير مشلردر . ۹۷۰ سنه سنده اندلس حكمداری
عبدالرحمن ، بو حوالینك هر طرفنده كوریلن كیلردن دها بویوك
بر كمی انشا ایتدیرمش ، بو كمی بی شرقده صاتیلمق اوزره صاییسز
اشیا ایله طولدیرتمشدی . بو كمی حرکت ایتدكن صوكره سجلیا
امیری طرفندن (المعز لدین الله) كوندریلن بر كمی بی یاقالایارق
طاشیدینغی اشیا بی آلمش ، (المعز) بو حادثه دن خبردار اولونجه بردونا
انشا ایدرک چوق قیمتی اشیا ایله عودت ایتكده اولان عبدالرحمنك
كیمینی الله ایتمشدی .

عربلرک بویوك كیلر انشا ایتدكلرینه دائر چوق معلومات واردر .

ایکینچی (فیلیپ) ک دورنده « غیر قابل تسخیر آرمادا » کله لرله
توصیف اولونان اسپانیول کملرینک عرب کملرینی تقایداً پاش
اولدینی قوتله محتملدر . بو کملر انکلیز کملرندن دها بویوکدی .
هندستان تاریخنه دأثر یازی یازان محرر لر قدر اسلامیت حقنده
مغایر انصاف بر صورتده اداره کلام ایدن کیمسه یوقدر .
بونلر ، اون دردنجی عصرک موغول ایمپراطورلرینی اون طقوزنجی
عصرده ایلرلرین انکلیز اداوردسیله مقایسه ایدیورلر . حال بوکده بونلر حق
و حقیقت دائره سنده حرکت ایتک ایسته یورلرسه مسلمانلرک هندستان
فتیحی ایله نورمانلرک انکلیزده یی فتح ایتمه لرینی مقایسه ایتملری ایجاب ایدر . یعنی
اسلام حکمدار لرله معاصر لری اولان غرب حکمدار لری . مسلمانلرک
هندستانده وقوع بولان محاربه لرله بزم فرانسه ده وقوع بولان حربلر مرز ،
اسلام فتحک هندولر اوزرنده اجرا ایتدیکی تأثیر ایله نورمان فتحک
آنگلوساکسانلر اوزرنده اجرا ایتدیکی تأثیر مقایسه اولونمالیدر . اوصیره ده
بر آدمه « انکلیز » دیمک اک بویوک حقاقتدی . توزیع عدالته مأمور
اولان انسانلر صردر لوظلمی ارتکاب ایدر لر دی . وظیفه لری حق رعایت
اولان حاکملر ، اک انصاف منر خیر سیز لر دی . اعظمک یکانه دوشونجه سی
پاراطویلاق و بوم مقصدی تأمین ایچون هر جرمی ارتکاب ایتمکدی . اوزمان
فحش و فجور او درجه شایع دی که اسقوجیا قرا ایچه سی تعرضدن
قور تولق ایچون بر لباس دینی کیمکه مجبور اولمشدی .

۱۱ فلارک = Clark اهل صلیب محاربه لرندن بحث ایدرکن دیورکه :
« هر هانکی بر زمانده و هر هانکی بر ملت ایچنده هیچ بر اردو اهل صلیب
اردولری قدر فسق و فجورده المامشدر . اهل صلیب محاربه لری خلک خرافات پرور اکنه
ابدی بر داغ و ورمشدر . اهل صلیب تعصبک اک مدھش تجاوزاتی
اوتکاب ایتش ، بونلر دعا و عبادت یرینه انسان قانی دوکملک کناهلرندن
قور تولق ایسته مشلر دی . »

کویا هندستانده کی اسلام خاندانلرینک تاریخی، معاصر خریستانلرک
تاریخنده مثلنه تصادف اولونما یا جق ظلم و شدت مثاللریله دولو ایتمش !
حال بوکه ایلك اهل صلیب زماننده (غود فرنی دوبویون) ک
قومانداسی آلتنده حرکت ایدن عسکرلر ، قدسده کی (۴۰,۰۰۰)
کیشیدن متشکل قوت عسکریه یی بلا تفریق قلیجدن کچیرمش ؛
سلاحلر ، جسورلری ؛ تسلیمیت ، قورققلری قورتاراماش ؛ یاشه ،
جنسه ذره قدر رعایت اولوناماش ، چوجوقلر ، آنه لرینک قارنی
ده شهن سلاحلرله محالولومش لردی . قدسک جاده لری انسان جسدلرندن
متشکل بیغینلرله دولمش ، هر مسکندن قوپان اضطراب ویأس چیغلقلری
آفاقی ایکله تشدی . وقتا که مصر وسوریه سلطانی (صلاح الدین)
ایکینجی اهل صلیب زماننده قدسی استرداد ایتدی ، تسلیمیتی متعاقب
هیچ بر جان تلف اولمامش دی . سلطان مشارالیه خریستیان اسیرلرینه
هر درلو رقت و نزا کتی کوسترمش ، اسیرلرک ایچنده فقیر اولانلری
بلامقابل ، سربست بیراقشیدی . بوبیوک آدامک نامی و اخلاقی قارشیدینده
فرانسز فیلیپ و انکلیز ریشاردک بوتون دعوالری سر نیکون اولمقده در .
بر ذوق ادبی یی حائر اولدقندن باشقه صاحب عرفان بر آدام اولان
صلاح الدین ، دور فتوحاتنده هر یرده صنایع نفیسه یی حمایه ایتمش در .
بر زاهد قدر متقی اولان صلاح الدینک باشقه لرینه لطف و انعامک
پایانی یوقدی . عفو و صفح کی نیجه نیجه فضائل اونک شخصنده مفکورو
برکال احراز ایتمش ، او یله برسجیه ایله تمایز ایتمش کی که رقیبلری اون
تقلید ایتسه لر اک بویوک ایلیکی قازانمش اولورلردی . « سلطان
صلاح الدینک فوق العاده جسارت ، کیاست ، علوجناب صاحبی بر
انسان اولدیغنده شک و شبه یوقدر . شامده کی متار که یی متعاقب صلاح الدین
ارتحال ایتمش ، مسلمان ، یهودی ، خریستیان فرقی کوزه دیلمزین داغیلماقی

اوزره صدقه لر بیر اقمشدی. «شیمدی فرقه باقیگیز. خریستیان قهرمانی
برنجی ریشارد، عظمت و احتشامی، ظالمانه و سائلطه تبعه سندن
طوبلادیغی مددش مبالغره مدیوندی. خستی غیر قابل تطمیندی.
قید و شرطدن معرا شهوتپرستکی یوزندن ناوار قرالی (سانشو بک
قیزی اولان زوجاسی (به رینغاریا) بی اهل ایتدکن باشقه،
سویله مکدن اجتناب ایده جگمز کناهلرده ایشله مشدی. نهایت
زوالی بر راهب، ریشاردک متفور جرمنی، کندی سراینک ایچنده
یوزینه وورمش، اوکا قوم لوطک عاقبتی دوشونمه سنی اخطار
ایله مشدی. ۱]

اسلام خاندانک اکثریسی ایسه خارق العاده سحیه بی حائر
انسانلردی. محمود غزنوینک فعالیت و موفقیتلری، علم و عرفانی
حمایه سی، کون کبی آشکار بر شیدی. محمود، ارباب فضل و فضیله
اوقدر حرمت کوسترمشدی که پایتختی ارباب دهانک مجمعی اولمشدی.
باشقه بر آسیا حکمداری بوقدر فاضل انسانلری بر آرایه کتیره مه مشدی.
کرچه، محمود ادخار ثروته مثل ایدی؛ فقط او، ثروتی حسن استعمال ایتابی ده
بیان بر انساندی. محمودی تعقیب ایدزدورت خانی ده علم و ادبیاتک حامیلری
ایدیلر. خاق طرفندن عادل حکمدار اولارق طایفه مشلردی. عجب
عینی سوزلر بونلره معاصر اولان نورمنلی ویایام ایله ذریتی حقنده
سویله بیلیرمی؟

اون ایکینجی عصرده فرانسانک یدنجی (لوتی) سی (ویتری)
شهرینه حاکم اولدیغی زمان شهرک یاقیاماسنی امر ایتش، بالنتیجه
(۱۳۰۰) انسان، بوغیر انسانی أمرک قربانی اولمش و آله ولر ایچنده
کول اولمشدی. او زمان انکلترده قرال (استهفن) حکمراندی.

داخلی محاربه لر او قدر کسب شدت ایتشدی که اراضی ا کیلمه مش ، آلات زراعیه یا تخریب اولونمش و یا خود بر طرفه آتیامشدی . اون دردنجی عصرده فرانسه ایله وقوع بولان محاربه لریمز او قدر فحیص و او قدر تخریبکار بر ماهیتده ایدی که بشریت هیچ بر زمان بویله شی کورمه مشدی . کویا اسلام حکمدارلرینک ظلمی اونلرک خیرخواهاغندن ده قوتلی ایش ! بزم المزده بو مسلمان حکمدارلره معاصر اولان خریستیان حکمدارلرینک اعتسافانه دائر مبذول و ثائق وار . فقط خیر خواهاقلرینه دائر برشی وارمی ؟

اوچنجی فیروز شاه ۱۲۵۱ ده جلوس ایش ، نهرلز اوزرنده الی سده ، قرق جامع ، اوتوز مدرسه ، یوز کروانسرائی ، یوز خسته خانه ، یوز حمام ، یوز الی کوپرو انشاسیله تمایز ایش ، بوندن باشقه بر چوق مبانی ده وجوده کتیرمش ، از جمله جنبه شهرینی (هانس) و (هیس) ایله ربط ایدن بر دئال قازدیرمشدی .

موغول خانداننک برنجی حکمداری اولان (بابر) هندستانه حاکم اولانلرک اک اصیل سیالرندن بری ایدی . کندیسلی ساده ، فقط پک وقور بر ذاتدی . کنجلیکنی بعض قصورلر ایله شائبه دار ایدن بابر شاه بالاخره صفوت اخلاقیه سیله کسب شهرت ایش ، نفسنک بوتون تمایلاتی یکمش ، عفت و نراهتیله بنام اولمشدی . بابر ، اطاعتکار بر اولاددی . شفیق بر پدر و برادر ، عالیجناب بر دوست ، رحیم بر دشمندی . چوق محتشم بر آدم اولان (بابر) عینی زمانده چوق متواضعدی . مسرف دکلدی . هنروردی ، جسوردی ، صریحدی ، آچیق فیکرلی و آچیق الی ایدی . انتریقه پی سه و مزدی . ذوقی یوکسکدی . دماغی منوردی . معلوماتی واسعه دی . ایچنده طوغدینی و بویودیکی شرائط نظر دقته آلیرسه (بابر) ک حیاتی « اورمانلری اروا ایدن

فقط ارضك كولاكه لریله قاراردینی حالدہ سمانك صفوتی عكس ایتدیرمن
بر حیاتی «

بابرك اوغلی هایون ، شدتلی حرصلردن آزاده ، لیکه لیمه مش بر
سجیه بی حائردی . کندیمی بر افغان امیری اولان شیرشاه طرفندن
مملکتندن چیقاریلش و تختی اونك ید اشغالنه کچمشدی . شیرشاه بش
سنه حکمران اولدقدن صوکره تاجنی اوغلی عادل شاهه بیراقش ؛
(هایون) ایسه آنجق اون آلتی سنه امتداد ایدن بر دور اغترابدن
صوکره حقوقی استرداد ایده بیلیمشدی . غاصب شیرشاه ، یوکسک بر
اقتدار و شوکتی حائز برزاندی . قیصه دورینك قسم اعظمی حرب
صحنه لرنده کچیرمش اولماسنه رغماً مملکتی اک مکمل انتظامه مظهر
قیامش ، حکومتنده بر چوق تجددات باشاراییلمشدی . (شیرشاه)
بنغالدن باشلایان وسندده روتاسده ختام بولان درت آباق بر یول
آچش ؛ بونك هر مرحله سنده کروانسرایلو وجوده کتیرمش ، قویولر
قازدیرمش ، یول اوزرنده کی جامعلره اماملرو مؤذلر ، هندولرله مسلمانلرک
خدمتی درعهده ایده جک خدمتجیلر تعیین ایتمشدی . یولجیلرک کولاکده
بورومسنی تأمین ایچون یولک ایکی طرفنه آغا چلردیکلماش ، یولک انشاسندن
۸۲ سنه صوکره سیاحلر بووضعیتی کورمشلردی .

اکبر شاه کی سراینده و مجلسنده بویوک ، حرب صحنه سنده
بویوک ، علمیه مشهور ، مساحه کارنغیه ، حریتپرولکیله ، جسارتیه ،
عفو و صفحیه ، هنریله ، سطوتیه معروف بر ذاتک سجیه سی
هر ایضاحدن مستغنیدر . فقط حکومتلری بشریت ایچون بر نعمت
اولان اک یوکسک امرا ایچنده اکبر شاه سیاست داخلیه سی ایله تمایز
ایدر . اکبر شاه کیفی محاکمه لری منع ایتمش ، قیزلرک سن رشده
یالغ اولمادن ازدواجلرینه مانع اولمش ، هندولرک احکام دینه سنه رغماً

دوللارك ازدواجنه مساعده ايتمش؛ هندو دوللارك، آرزولرى خلافتنه احراق اولونمالرينه جواز ويرمه مش، مسلمانلرى استخدام ايتديكى درجه ده هندو تبعه سنى استخدام ايتمش، غير مسلمانلارك ويردكلرى جزيره لرى الغا ايتمش، حجاجك ويردكلرى ويركولرى قالديرمش، حربدن اسير آلينان انسانلارك كوله معامله سى كورمه لرينه قارشى كلشدى. بوندن باشقه اكبر شاه، شير شاهك باشلادىغى مالى اصلاحاتى اكان ايدرك حاكمك داخاندكى اراضى بى يكدن اولچيرمش، اراضيك محصولاتى تثبيت ايتديرمش، حكومهت ويريله جك حصه بى تعيين ايتمش، زراعى حكومت حصه سنى عينا ويا نقداً اعطا ايتك خصوصنده سربست بىراقش، حكومتك آلايغى برچوق آغير ويركيلرى قالديرمشدى.

بوندابيرلر نتيجه سى، خلقك رفاهيدي. اكبر شاهك تحصيلدارلرينه اصدار ايتديكى امرنامه لرا خلافة انتمال ايتمشدر. بونلردن آكلايورزكه اكبر شاه تبعه سنى سلامت ورفاهى، اداره سنى حريتپورانه برصورتده تطبيقى آرزو ايدردى. اكبر شاهك عدليه مأمورلرينه ويرديكى تعليمات، چوق رحيمانه وعادلانه ايدى. اونلره اعدام جزالرينى اعطادن ممكن مرتبه استنكاف ايتمه لرينى، تهلكه لى فتنه وفسادلر مستثنا اولق اوزره، حكمدارك تصويى اولمقسزىن اعدام جزاسنى انفاذ ايتمه لرينى توصيه وامر ايدىوردى. اكبر شاه اردوسنى يكدن تنظيم ايتمش، اردونك وارداتدن بر قسمنى تحصيل ايتمه سى يرينه استحقاقنى خزينه دن استيفاء ايتمه سنى تأمين ايتمشدى. تحكيمات وسائر مباني نافعهدن باشقه، اكبر شاه برچوق محتشم مؤسسه لر وجوده كتيرمش، بونلر يسقپوس (هيپر) ك سياحتنامه سنده الكستائيشكارانه سوزلرله ياد اولونمشدر. اكبر شاه اداره ك هر شعبه سنى انتظام و اصول ادخال ايتمش، بوتون انشاآتنده احتشام و انتظامى تجلى ايتديرمشدر.

مشهور ایتالیان سیاحی (پیه تروددل واله) اکبر شاهک اوغلی
 (جهانگیر) ک دور حاکمیتند هندستانی زیارت ایدرک ۱۶۲۳ دد
 سیاحتنامه سنی یازمش ، جهانگیرک سجیه سی ایله هندستان خالقنک طرز
 حیاتی ایضاح ایتش ، هندستان خالقنک یالکیزرفاه ویالکیز عظمت
 ایچنده ددکل ، امنیت تامه ایچندهده یاشادیغنی کورمش ، حکمدارک
 ساخته تهمترلرله خاقی تضیق ایتهدیکنی ، بالعکس خاقی رفاه، ثروت
 وسامان ایچنده کورمکدن محظوظ اولدیغنی یازمشدر . فقط اکبرک
 طورونی (شاه جهان) ک دوری هندستانک اک مسعود دوریدر .
 شاه جهانک بوتون مملکتی حضور واطمینان ایله حسن اداره ایچنده
 یاشایوردی . سیر (تومس روو) ۱۶۱۵ ده شاه جهانی اوتاغنده
 زیارت ایتدیکی زمان کوردیکی احتشامدن کوزلری قماشمش ،
 ایکی دونوم اراضینک اپک والتوندن دو قونش خالیر واورتولرایچنده
 بولوندیغنی ، بونلرک آلتون و مجوهرلرله سوسلو اولدیغنی کورمشدر .
 فقط (ناودرینه ر) دیورک طاووس تختی پادیران ، جلوس کونلرنده
 کندی آغیر اغنجه آلتون و مجوهرلر داغیدان حکمدار ، تبعه سنه
 بر قرال کی ددکل ، بر عائله بابایی کی حاکمدی . شاه جهان اداره
 داخلیه سنده ذره قدر تسیب کوسترمزدی . هندستانده هیچ بر حکمدار
 تبعه سی حقنده اولنک کوستردیکی دقت و اهتمامی اظهار ایدمه مشدر .
 بو معظم سلطانک دورنده ، (داهی) نک مشهور قانالی ، معمار
 (علی مراد خان) ک نظارتی آلتنده انشا اولوندی . خالقنک احتیاجاتی
 سنه لرجه تدقیق اولوندقن صوکره بو محتشم قانال داهی شهرینک
 ثروت و ذوقیله متناسب بر صورتده وجوده کتیریلشدی . قانالک
 اصل یاتاغندن بیک مجری آقیور ، و داهی شهرینک هر طرفنه مرمر
 فسقیه لر ، حماملر ، شادروانلر کی مختلف شکلرده آقیور . اک فقیر صنفلرک

اولرینه قدر وارییور ؛ هپسنگک صوسزلغنی تطمین، هپسنگک نظافت
دائرهسندہ یاشاماسنی تأمین ایدیوردی .

مسلمانلارک هندستان خلقندن انکایزلر کبی بر چوق شیلر غصب
ایتدکلری ادعا اولونیورسهده بو ادعا اثبات ایدیله میور. فقط مسلمانلارک
مدافعلری هیچ اولمازسه اولارک ، انکایزلرک خلافتنه ، آلدقلری هر
شیئه مستحق اولدیغنی قیمتی ویردکلرینی ، کوچوک بویوک هر کس
آراسنده عدالتی تمامیله تأمین ایلهدکلرینی ، تبارک یوزلرجه میللک مسافه
لره ماللرینی امنیت تامه دائرهسندہ نقل ایلهدکلرینی ، او زمان هندستان
خالقنک حضور و مصونیت ایچنده یاشادقلرینی بیان ایدیورلر. بونک
بویله اولدیغنی قاراران مرمرلر ، معطل مجرالر ، بایقوشلره مسکن
اولان کاشاهلر ، معبدلر ، یقیق ستونلر و کمرلر اثبات ایدیور .
فی الحقیقه هیچ بر کیمسه نک مخالفنه اوغرامایه جغمزی بیلهرک دیه
بیلیرزکه کندیلرینه (باربار) صفی و یریان بوپرنسلر منافع عامه اوغورنده ،
بو کونک اردولرینی اعاشه و تجهیز ایدجک قدر پاره خرج ایتشلردی .
شرق امراسنک پایدار مساعی ترقی پورانه لرله عینی وادیده غرب
مملکتلرنده وقوع بولان مساعی بی مقایسه ، فائده سز بر شی تلقی
اولوناماز . فقط مع الاسف ایکی لوحه بر بیله مقایسه اولونامیه جق
کبی در . چونکه بیلورزکه اودورلرده انکاتر ده برتک قانال یوقدی .
یوللرمز ، بر قاجی مستثنا اولمق اوزره ، هپ کچی یوللریدی . اک
بویوک شهرلر مزده برصو مخزن یوقدی . دلہی کبی معظم شهرلرک
محافظه سنه مأمور پولیسلردن بزم مملکت مزده بر اثر کورولم یوردی .
لوندرده چیقان بر یولجینک (های غت) . قدر سالمآ مواصلتنه
امکان متصور ده کلدی . حال بوکه (شاه جهان) ک اک وضع بر تبعه سی
پنجابدن دلہی یه ، دلہی دن الله آباده قدر امن و امان ایچنده

اولاشیلردی .

مستر (هولول) بنغاله نك كندی یرلی حکمدارینه تابع اولدیغی زمانکی وضعیتی حقه ده اولیه برطاقم معلومات ویریور که انسان بونلری افسانه ظن ایدر . حال بوکه (هولول) بونلرک آراسنده اوزون بر مدت اقامت ایتمش و مسئله یی بحق ایضاح ایله مشدر .

(هولول) دیور که : « بومسعود خلقه تجاوز ایتک ، ظامدر . چونکه بو حوالیده کوزه لاکک ، تمیز لاکک ، تقوانک ، انتظامک ، عدالتک ، الحاصل اسکی هندستان دولته مخصوص نراحتک بقیه سی یاشایور ، بوراده حق تصرف کی خلقک سر بستیسی ده غیر قابل اخلا لدر . بوراده خص-وصی ، عمومی خیر سیزلنک وقوع بولدیغی دیوولماز ، اللرنده تجارت بولونان ، یاخود بولونمایان سیاحلر حکومتک بلا مقابل تخصیص ایتدیکی محافظلرک حمایه سی آئنده بر قوناقدن برقوناغه کیدرلر ، جانلری ، ماللری محافظه ایدیلیر . یولجیلر برنجی قوناغی کچدیلر می محافظلر اولنلری ایکنجی قوناغک محافظرینه تسلیم ایدرلر ، یولجیلری تسلیم ایتدکلرینه دائر برسند آلیرلر ، بوسند برنجی قوناغک قوماندانه ویریلیر و دفترلره قید اولوندقدن صوکره راجیه بیلدیریلیر .

« بویه جه یولجیلر بوتون مملکتی دولاشیرلر ، یوله اشیلرینی نقل ایچون وسائط نقلیه و آرابا مصرفی ویرمه دکن باشقه ایسته دکلری مواد غذائییه بی ده استحصال ایدرلر . بریرده اوچ کون اقامت ایدرلر سه عینی منافعدن مستفید اولورلر ، خسته لغه ویاخود غیر قابل اجتناب بر قضایه اوغرارلر سه بومدت تمید ایدیلیر . شاید سیاحت ایدیورکن انسانک پارا چانطه سی ، یاخود قیمتی بر شیئی ضایع اولورسه اونی بولان انسان یولک اوزرنده کی آغاجه آصار ، واک یاقین محافظلره اخبار کیفیت ایدر ، محافظلرده در حال بکچیلر وداوولجیلرله اعلان

کیفیت ایدرلر. « ۱]

شیمدی مقایسه مزی یایمق ایچون « خریستیان و منور » انکلتردنك عینی صیره لرده و بواسلام و شرقلی حکمدارلرک دورلرینه مصادف اولان زمانده نه حالده اولدیغنی کوستردلم .

۱۳۸۱ ده (وات تایلر) عصیانى ظهور ایدرک بو عصیانک بارونلر طرفندن باصیلماسی اوزرینه ا کثریسی محاکمه ایدیلمه ن (۱۵۰۰) عاصی صلب اولونمشدی .

۱۳۹۴ ده مجدد (وبقایف) تضییقه اوغرامشدی .

۱۳۹۸ ده ایکنجی ریشاردک جبارانه حاکمیتی باشلامشدی . ایرلاندا ده وقوع بولان عصیان باصدیریلش ، فقط ایرلاندا لی قادینلرله نه وله نمک ، ایرلاندا البسه سی ا کتسا ایتک ، ایرلاندا عاداتی قبول ایلهمک « خیانت وطنیه » عد اولونمش و بو خیانتی ارتکاب ایدنلرک املا کی مصادره اولوناجنی اعلان ایدیلمشدی . ایرلاندا لیلری مناسترلرله قبول ایتک ، اونلرک ساز شاعرلرینه برا کرامده بولونمق برجرمدی . ۱۳۹۹ ده (بولینغبروق) ایکنجی ریشاردی تاج و تختنی ترکه مجبور ایتدکن صوکره اونى اولدیرمش ، و دردنجی هانری عنوانیه اونک تختنی غصب ایدرک وارثلرینی حبس ایتمشدی .

۱۴۱۰ ده (ژون بادبی) اعتزال تهمتیه ، بالا آخره بشنجی هانری عنوانی احراز ایدن ولی عهدک حضورنده احراق اولونمشدی . دردنجی هانری طرفندن خلقه شو صورتله اشکنجه ایدیلیوردی . « ارکک ویا قادین حبسه آتیلیر ، یرک آلتنده قارا کلک بر یره سوق اولونور ، اوراده چیریل چییلاق اولارق قورو طوپراق اوزرینه یاتیریلردی . بونلرک آلتنده برشی بولونمادیکی کبی اوستنده ده برشی بولونمازدی . صیرتلرینک

اوستنه یاتمه محکوم اولان آچیق باشلی بیچاره لرك آیاقلریله بر الاری بر ایپله اودانك بر گوشه سینه ، دیگر الاری اوته کی گوشه یه باغلانیر ، وجودلرینك اوزرینه تحمللری درجه سنده طاش ودمیر قونولور ، ایرتسی کونی کندیلرینه اوچ لقمه آرپه اککی ویریلیر ، فقط هیچ صوویر یلمزدی . ایرتسی کون اوچ جرعه صوویریلیر ، فقط اکک ویر یلمزدی . بونلر اولونجه یه قدر بوصورتله یاشاتیایلریدی . « بو مدھش اشکنجه اوچنجی جورجك زمانه قدر مشروع کورولمشدی . صولک دفعه اولارک بو اشکنجه نك نه زمان تطبیق اولوندیغی معلوم ده کلسده محبوسلرك ایکنجی جورج زمانده یعنی ۱۷۴۱ ده بو طرز معامله یی کوردکلرینی مستر (بارینگتون) قید ایتمکده در .

۱۷۶۸ دن اعتباراً اکثریتله اشکنجه لر تطبیق اولونیوردی . بونلرك بر چوغی حبس خانه دفترلرنده مقید بولوندیغی کبی بونلره عائد مذکره لرك بر قاقی حالا محفوظ بولونیور ، ۱۶۴۰ ده بر تیر انداز ، سرپسقبوس (لود) ک سراینه اغتشاش آمیز بر تعرضده بولونمقله اتهام اولونارک اعترافده بولونمق ایچون یوقاربده ایضاح ایتدیکنز معامله یه دوچار اولمشدی . بواشکنجه نك تطبیقنی امر ایدن مذکره اوراق رسمیه آراسنده محفوظ بولونمقده در . ایکنجی زده س ، اسقوچیاده بولوندیغی زمان اشکنجه نك اثنای تطبیقنده بالذات حاضر بولونمشدی .

۱۷۱۳ ده اعتزال آمیز حرکاتی احیا ایچون قانونلر نشر اولونمشدی .

۱۷۱۵ ده (ژون قله یدون) ایله (ریشارد نورمان) اعتزال تهمتیه

احراق اولونمشلردی .

۱۷۴۱ ده ایلینور قوبهام ، غلاوسه ستر دوشه سی ، هیئت شناس

روجر بولینغبروق ، قانون ساوثوئل ، مار جری ژورد این ، ژون

هوم سحر باز قله اتهام اولونمشلر ، دوشس نفی ، بولینغبروق صلب ،

زور داین احراق اولونمش ، ساوئومل مجبسه اولمش ، هوم عفو ایدیلشدی .

۱۴۴۵ ده قیرمزی کلی شعار اتخاذایدن لانتقاسترلرایله بیاض کلی شعار یاپان یورقلیلر آراسنده وقوع بولان و کلر محاربه سی تسمیه اولونان داخلی حرب باشلامشدی . بو محاربه لر ۱۴۸۵ ده ختام بولمش ، خاندانه منسوب ۱۲ پرنس ، ۲۰۰۰ اصیلزاده ، ۱۰۰۰،۰۰۰ آدم تلف اولمش ، بوتون مملکت انسانمز قالمش ، آریستوقرانلر محو اولمشدی . ۱۴۷۸ ده ساحره لر محکوم اولمش و اعدام ایدیلشلردی .

۱۴۸۳ ده ریشارد تختی غصب ایدرک یکنی بشنجی هودواردی اولدیرمش و دیگر لوردلری قتل ایتمشدی .

۱۴۸۵ ده یدنجی هازی تخته جلوس ایتمش ، تضیق و مصادره ایله طوپلادیغی پارا ایله پارلامانتودن مستغنی قالمش ، مومی الیه « خیری ویرکیلر » کی مستهزیانه برنام ایله معروف کیفی ویرکیلری طرح ایله مشدی . ۱۵۰۹ ده یدنجی هازی تخته اوتورمش . بو وحشی ، « غضبندن بر ارکک ، شهوتندن بر قادین قورتولماش » اولمقله افتخار ایدردی . بو دورده حکمداره اک بویوک عنوانر ویریش ، ینه بودورده اولجه دو یولماش خیانتلر وقوع بولمشدی .

۱۵۳۲ ده یدی کیشی بی زهرله مکله مظنون بر آدم قاینار صوده اولدیریلشدی .

۱۵۳۴ ده « کهنتک مقدس قیزی » اعدام ایدیلش ، اعتزال تهمتیله اسمبغیلده ایکی آدم دیری دیری یاقیلماشدی .

۱۵۳۵ ده طقوز پاپاس (هازی) نک نفوذ روحانیسی قبول ایتمه دکاری ایچون صلب اولونمشلر ، سر پستیپوس فیشه رایله سیر (طوماس مور) ک عینی سبیدن دولایی کله لری ووریش ؛ بو مظالم

بوتون آوروپائی تدهیش ایتشدی .

۱۵۳۶ ده (آزبواين) ك كهسى وورمش ، هاى (ژدن سهيمور) له

ازدواج ایتشدی .

۱۵۳۷ ده ۱۹۳ مناسترك (۲,۶۵۳,۰۰۰) لیرایه بالغ اولان

وارداتی قرال طرفندن مصادره ، کلیسالرہ عائد اراضی (خاری) نك

بندکانی طرفندن تقسیم اولونمشدی .

۱۵۳۸ ده ایکی پاپاس اعتزال تهمتيله احراق اولونمشلردر .

۱۵۳۹ ده رددینغ ، غلاستونبهری ، وقولسته ستر پاپاسلری قرالی

طایمادقلری ایچون آسیامشلردی . استوچیاده کی دین مجددلری

اعتسافه اوغرامشله بونلرك یدیسى احراق اولونمشار ، پارلامانتو

قرال طرفندن سویله ن سوزلرك قانون ماهیتندہ اولدیغی اعلان

ایله مش ، انکلتره وغالده کی ۶۲۳ مناستر ، ۹۰ قوله ژ ، ۲۳۷۴ کلیسا

و ۱۰۰۰ خسته خانه کاملاً سد اولونمش ، بورالرده بولونانلر سرسری

اولمشلر ، بورالرده یاشایان فقیرلرك هپسی بیکس قلمشلردی .

۱۵۴۰ ده سالیسبوری قونتسی کی محترم برقادین ، مارغریت ،

جورجك قیزی ، قلاردنس دوقه سی ، پلانتاجنت خاندانك صوکنجیسی

اعدام اولونمشلردی . قادین ، بر جانی کی اعدام اولونمق

ایسته میهرک مقاومت کوسترمش ، نهایت جلاد طرفندن قوللری و بویوی

یارالاندقن صوکره کله سی اورولمشدی .

۱۵۴۲ ده ماری استوارث اعدام اولونمشدر .

۱۵۴۳ ده هنری آلتنجی دفعه اولمق اوزره قاترین پار ایله

أوله نمشدر .

۱۵۴۶ ده اعتزال تهمتيله (آن اسقیو) اشکنجهیه اوغراتلقدن

صوکره اعدام اولونمش ، کندیسيله برلکده اوچ آدم احراق ایدیلشدی .

۱۵۴۷ ده یدنجی هاری ۲۸ کابول اولده ۵۶۰ یاشنده اولمش، هیچ برانگلیز حکمداری بونک قدر ظلم واستبداد کوسترمه مش، کندیسنی متعاقب یدنجی نه دوارد جلوس ایتشد.

۱۵۴۹ ده انگلتره نك هر طرفنده سفالت و دیله نچیلک انتشار ایتمش، اك شدتلی قانونلر نشر اولونمشدی. سرسریلر حقنده اخبار آتده بولونانلر اونلری ایکی سنه مدته کوله اولارق قوللانیورلردی. (نور فولق) ده مدهش بر عصیان وقوع بولمشدی.

۱۵۵۳ ده ماری جلوس ایتمش و پاپالغی یکیدن تأسیس ایتمشدی. ۱۵۵۴ ده له وی ژدن غره دی ایله لورد غیلدفورد اعدام اولونمشلردی. ۱۵۵۵ ده پروتستانلر تضییقاته اوغرایه رق پستقپوس (ریدله ی) و (لاتیهر) اوقسفورده احراق اولونمشلردی. جنایتلر تزايد ایدرك قطاع طریقلر چوغالمش، اوقسفورده بر چیرپی ده الی جانی اعدام اولونمش، رتبه صاحبی آدمیر خیرسز لغه سلوك ایتشلردی.

۱۵۵۸ ده قرالیچه ماری اولمش، بو قرالیچه نك بش سنه دوام ایدن مدت حکومتی ظرفنده ۲۸۵ آدم دیری دیری یاقیلمش، بونلرک آراسنده بر پستقپوس، ۲۱ پاپاس، ۶۵ قادین و ۴ چوجوق بولونمشدی. بیکلرچه انسان عقیده وجداییه سی یوزندن حریت، سحت و مالندن محروم اولمشدی.

قرالیچه (هلزابت) ك زماننده قاتولیکلر پاپاك قرالیچه نی خلع ایتك صلاحیتنی طانیذقبری ایچون هر اعتسافه اوغرامش، دیری دیری یاقیلمشلردی.

۱۵۸۶ ده استقوجیا قرالیچه سی ماری، هلزابت علینده کی سوء قصده اشتراك تهمتیه محاکمه اولونمش، ۱۸ سنه محبوسیت یوزندن بوقادین، قانلی جانلی بر قادین ایکن ضعیف و عاجز برحاله دوشمشدی.

۱۵۸۷ ده قرالیه مارینک کلهسی وورو لمشدی . او زمان
قرالیه ۴۴ یاشنده بولونیوردی .

۱۵۸۸ ده ایرلاندالی قاتولیکاره قرشی اک مدهش مظالم تطبیق
اولونمشدی .

۱۶۰۱ ده قرالیه نه ایزابت ۲۴ مارتده ۷۰ یاشنه بالغ اولدی
حالدده وفات ایتمش، برنجی ژهمس تخته چکش، مساحه دینه علمهنده
اراده چیقمش، پوریتانلر آمریکایه هجرت ایتشلردر .

۱۶۰۲ ده ژهمس طرفندن پرسپیتانلر تضیق اولونارک بونلرک
رؤسانندن ۱۰ ی حبس اولومش، (۳۰۰) پاپاس طرد ایدیمش، بونی
دیگر تضیقات تعقیب ایلمش، سحر بازلق و سحر علمهنده قانونلر
نشر اولونمشدر .

۱۶۰۳ ده ژهمس جنلر و جنجیلک حقنده کی اثرینک اوچنچی
طبعی میداهه چیقارمش، ارواح خبیثه ک نه یابدقیرینی، سحر بازلرک
نه ایتسلر کوردکلرینی، بونلرک نه صورته جزا کورماسی ایجاب
ایتدیکنی ایضاح ایتشدر . [۱]

اوصیرهده پارلامنتو بواژه توفیقاً قانونلر نشر ایتمش و بونلرکال
شدتله تطبیق ایدیمشدی اون یدنجی عصرک نهایتنه قدر انکاترده
۳۱۹۲ کیشی سحر بازلق، بویوجیلک تهمتیه محکوم اولمشلر و اعدام
ایدیمشردی . [۲] بوزوالیلر آراسنده دشمنلری طرفندن اوچ چوغه

[۱] او زمانک قانتربوری پستقوسی بو اثرک روح التهمینک یاردیمیه
یازیلدغی سوبله شدی .

[۲] ماقینوس، تاریخ مدنیت عنوانی اثرنده دیرکه: «او زمان سحر بازلق
تهمتی ایلری سوردهلر اسقوجیا قرالی آلتنجی ژهمس، اونجی ابنوسان،
اشپرنغه، بودینوس و ماتیواسته قنس ایدیلر.» بو صیره لرده پورتکیزده کی
انکیزسیون، اوگردنکی بعض حرکاتی یاپان بر آتی، شیطانک تأثیری
آلتنده عد ایدهرک اعدامه محکوم ایتشدی .

سحر یابدقلمری ادعا اولونان ایکی دول قادین واردی که محکمه مک حضورینه چیقهمیه جق درجه ده خسته بولونیور ، فقط ایرتسی کون حضور حاکمه چیقهرق اعدام حکمنی تبلیغ ایدیورلرد .

۱۶۲۵ ده برنجی ژهمس ۶۹ یاشنده اولارق وفات ایتمش ؛ برینه اوغلی برنجی شارل کچمشدی . مجبوری استقراضلر عقدی ، کیفی ویرکبلر ، کیفی حبسلر اک مدهش عدم ممنونیتی تولید ایتشدی .

۱۶۲۹ ده «محکمه عدالت» تسمیه اولونان ظلم اوجاغنک ماهیتنی آکلامق ایچون شودرت مثال کفایت ایدر : پراین نامنده بر آووقات ایکی قولاغنک کیسایمه سنه ، ۵۰۰۰ لیرا جزای نقدی اعطاسنه ، ومؤبد کوره که محکوم اولمشدی .

میرالای (لیلبورن) تحریک آمیز بعض رسالهلر نشر تهمتبله محاکمه یه دعوت اولونمش ، فقط صورولان سؤالره علمینده ده اولسه جواب ویرمه سی ایچون یمین ایتهمی رد ایتشدی . بونک اوزرینه قیرباجلانمغه وحبسه محکوم اولمش ، میرالای قیرباج آلتنده ایکه یورکن حکومتک ظالم اولدیغنی سویله دیکندن محکمه اونک دیانی کسمکه قرار ویرمشدی .

قانتربوری پسقپوسی (لود) ک هدف خصومتی اولان لینقولان پسقپوسی ویلیامس محضا بوخصومت یوزندن (۱۰,۰۰۰) لیرا جزای نقدی یه محکوم اولمش ، حبس ایدیش ووظائف روحانیه سنی ایفادن منع اولونمشدی . بوندن باشقه بو آدمک اشیا وکتابلری ضبط اولونیورکن برمکتب معالمنه یازدیغی مکتوبلر بولوندیغندن (۸۰۰۰) لیرا جزای نقدی یه ده محکوم اولمش ، قولاقلمری دیره کلره میخلانمشدی .

۱۶۴۱ ده ایرلانداده عصیان وقوع بولمش ، (۴۰,۰۰۰)

بروتستان قتل عامه اوغرامشدی .

۱۶۴۲ ده داخلی محاربه لر باشلامشدی .

۱۶۴۹ ده « جبار ، خائن ، قاتل ، ملت دشمنی » اولارق اعلان اولونان شارل ۳۰ کانون تانیده اعدام اولونمشدی .

۱۶۵۹ ده (قرومودل) ۲۶ حزیرانده (حمایه کار لورد) صفتیه وه ستمینه ستری کشاد ایتمش ، اداره سنک شدتیه تمایز ایتمش ، بو دوردده انسانلر محاکمه ولونمادن اعدام اولونمشلر ، حرب اسیرلری حکومته مخالف الی ذات ایله رلکده (باربادوس) ه کوندریله رک اوراده کوله اولارق صاتیلمشلردی . قراللق طرفدارلری احما ارلونیورکن قراله سوز ویره نلرک هپسی ده محواولمشلردی . بوتون مملکت عسکری منطقه لره تقسیم اولونمش ، هر منطقه قوماندانه هر شبهه ایتدیکی و تهاکلی کوردیکی انسانلری دردست و حبس ایتمه سی ایچون صلاحیت ویریلشدی . ده ایاقین زمانلره کچه رک هندستانده احراز اقتدار ایتدکن صوکره تعقیب ایتدیکنر خط حرکته برنظر عطف ایدلم :

میر قاسمی بنغاله حکومتندن عزل ایتدکن صوکره وقوع بولان حادثاتدن بحث ایدرکن (قلابو) دیورکه : « بویه را آنارشی و انحطاط منظره سنک بنغاله دن باشقه بر ممالک تده کورولمه دیکنی ، طویولمادیغنی سویلیه بیلیم . بنغاله نک متشکل اولدیغنی اوچ ولایت اولان بنغاله ، بهار وادریسا ، که اوچ میلیون لیرا وارداتی واردر ، انکلیز قومپانیاسنک مستخدمینی طرفندن اداره اولونیوردی . بونلرک عسکری و سیویل مأمورلری هر کسدن ، نوآبدن اک فقیر اراضی صاحبنه قدر هر انساندن ویرکیلر آلیورلردی . تجارت ، انکلیز قومپانیاسنک مستخدمینه تابع تجارتلر طرفندن اجرا اولونیور ، قومپانیانک مستخدمینی اسم و صفتلری قوللانا رق انکلیز نامنی لکه له ین و هر مسلمان و هر هندی بی انجیده ن جرائمی ارتکاب ایتمشلردی . انکلیز مستخدمینی نوابک وارداتنه مداخله

ایتمشدر، حکومتہ ایستہ دکلرینی آلمشدر، هر آدمی باشقہ لرینہ ترجیح
ایچون رشوتلر طرح ایتمشدردی.

بوسوء اداره بی شدتلی برقیطلق تعقیب ایتمشدی. بوقیطلق یوزندن
والیٰ عمومی لورد (قورناوالیس) یکرمی سنه صو کره بنغالہ نک خرابی یه
سوروکله ندیکنی یازیوردی. مومی الیه دیورکه: «سنه لردن ی
تجارت وزراعتک متمادی انحطاطه اوغرا دیغنی سویله مکله متأثرم. حال
حاضرده بویوک شهرلرده اقامت ایدن (شیف) و (بانیان) صنفلی
مستثنا اولق اوزره بو ولایت اهالیسی عمومی برفقر و سفالته دوچار
اولمقده درلر. قومپانیانک اراضیسی داخلنده کی ملک صاحبلی ده عینی
حالده درلر. بو وضعیت بونلرک تنبله کینه و اسرافانه عطف اولونا بیلیر سده ده،
واسع بر مقیاسده سابق اداره نک قصورلرینہ عطف ایدیلہ بیلیر.»
سوء اداره دن متأثر اولان حوالی یالکیز، بزم اداره مزه تابع اولانلر
ده کلدی. متفق لرمزک اداره سننده کی اراضی ده عینی حالده ایدی.
(اوده) نوابیلہ تماسه کلدی کمز کوندن بری بو مملکت انکلیزلرک
اوزرینہ قوندیغنی رلش حالنه کلدی. (ههستینگس) هندستانه حکمران
اولدیغنی صیرالرده دیوردی که: «تجاوزکار روحزک ال عنود بر صورتده
تظاهر ایتدیکندن هندستانده کی بوتون قوتلرک بزمله اتفاقدن اوزاقلا-
شمانه، سلاحلر مزدن قورقدیغنی قدر بزمله رلش مکدن قورقماسنه سببیت
ویرمشدر. بر طرفدن بوتجاوزکار روح، دیگر طرفدن افرادک قیدسز، بلکه
تشویق کوردهن اخلاقسزلغی، شهرت مایه مزه، سلاحلر مزو قوتلرک ایراث
ایتدیکی ضرردن دها مدھش بر ضرر ایراث ایتمشدر. هندستانده
هر کس بزمله تماسدن تحاشی ایدیور، چونکه بزمله تماس ایدنلرک
اولدیریحی بر ذلته اوغرا دکلرینی کورو یورلردی.» ههستینگس بونی اثبات
ایچون (اوده) ده یابدقلمز اشارت ایدیور.

مورخ میل دیورکه :

«بو ایشلر باشلامدن اول (اوده) اولککسی یوکسک بر رفاهه مظهر بولونیوردی . خاق بر تضیقه اوغرامادن حکومت ۳ میلونلق واردات تأمین ایدیوردی . فقط بو اولککیه عسکری بر اوردودن باشمه سیویل مأمورلردن متشکل بر اردو کوندرمه مز یوزیدن (اوده) نوابی الک آجی فلا کته اوغرامش . خاق فقر وسفالتہ دوچار اولمشدر . اوقدرکه نواب برقاج سنه تحمل ایتد کدن صو کره ایرادینک نصفه ایندیکنی کورمشدی . طقوز سنه ظرفنده بوولایتدن غیر محق حرکات نتیجه سنده سنوی (۳۴۰,۰۰۰) انکلین لیراسنه وارن پارا تحصیل اولوسیوردی . مأمورلرک چوقای . معاشرینک یوکسکلیکی ، مأمورینک حائر ولدقیری نفوذک بویوکلیکی ، بوندن باشقه تقاعدلر ، قومپانیانک احتلاسانی ؛ عسکری ، مالیکی ادارهک مصارفی ، غیر قبل نحمد بر حاله گمشدر . و مستر (ههستینغس) ک دیدیکی کبی بو وضعیت انکلینلرک بوتون ممکنکده دشمن تلقی ایدیللمسینی استاج ایتمشدی . قورقارم که بویله نه صفت و نه صلاحیتله ویز کو طرح ایتدیگمزی صوراجق اولورسهم کیمسه بو سؤالی آنکلایه مبه جق ، هله نوابی محافظه ایچون مصارفی تأدیه ایددمیه جکی و ایسته مدیکی بر اردویی نیچون کندیسنه کوندردیگمزی صوراجق اولورسهم بو-والک معناسنی آنکلایه جق اولاندر یک آزاو لاجقدر . بزدیورز که : «سز واردویی ایسته میورسکیز ، فقط اونک مصارفی تأدیهیه مجبورسکیز !»

مستر ههستینغس زمان اداره سنده وقوع بولان بو فناءقلری شهرزدن چکینمه یور . کرچه کندیسنی بولک ایسته مدیکی . فقط مصارفی تأدیهیه مجبور اولدیعی اردولک بر قسمی چکمش ، فقط (ههستینغسک) خلفی ورد (قورنوالیس) بولک جدی وصیممی اعتراضه رغماً اردولک

مقدارینی تزئید ایله مشدی . لورد (تیغماوٹ) انکلیزلرک مطالبی سنوی (۲۵۰) بیک لیرادن (۷۰۰ , ۰۰۰) لیرایه یو کساتدیکندن عسکرلرک عددینی زیاده لشدر مشدی . (ورله سلی) ۱۸۰۱ ده بوتون مملکتی ضبط ایده جکینی سویله یهرک نوابک ۱,۳۰۰,۰۰۰ لیرا قیمتندە اولان اراضیسنک یاریسینی طلب ایتمشدی . ایش بونکله ده قلمامش ، ۱۸۱۵ له ۱۸۲۵ آراسنده استقراض نامیله درت میلیون لیرا آلینمش ، والی عمومی لورد (بنتینک) یو پارلک قرال نامنه طاب اولوندیغی و آنجق انکلیز قوتندن قورقوله رق ویرلدیکنی بیان ایتمشدر .

انکلیزلرک اوراده کی ظلمی اکمال ایتمک یچون شوی علاودایتمی بزه لورد (دالھوسی) ۱۸۳۷ ده عقد اولونان معاهده مک احکامی اخلال ایله (اوده) بی الحاق ایتمش ، معاهده مک کان لم بکن ولدیغی ، چونکه مدیران محکمه سی طرفندن قبول اولونمادیغی بیان ایتمشدی . حال بوکه بومعاهده والی عمومی لورد (اوقلاند) ک امضاسی حامل اولدقدن باشقه والی عمومی ایله (اوده) حکمداری آراسنده وقوع بولان مخارائده مرعی اولدیغی بیان اولونمش ، ۱۸۴۵ ده حکومت امریله نشر اولونان برکتابه درج ایدیلشدی .

بو دعوی ، ۱۸۵۷ ده مشهور حقوق جیلردن دو قطور (تراودرس نویس) ه تقدیم اولونمش ، بو متبحر ذات ده شو مطالعه بی درمیان ایتمشدی :

« بوتون حقائق درپیش ایتدکن صو کرده هندستان والی عمومی سنک ۱۸۳۷ معاهده سنی غیر مرعی طانیغه حق اولمادیغی نتیجه سنه دسترس اولدم . »

فقط بوقدر صلاحیتدار بر ذلک بو مآلده مطالعه درمیان ایتمه سنه رغماً ، دیگر بر محرر بواشقیالغی ، بو چته جیلا کی ترویجه چاره آریور :

مستر (قہر) دیپورکھ : « انکاترہ ایمپراطور لغنہ الحاق اولو باحق
بر ولایت دھا بولونویوردی . لورد (دالہوسی) ک دورندہ الحاق
ایجاب ایدن بو ولایت فتح اولونمایا جقدی . چونکہ حکمداری
دوستمزدی ، ختی اردومزہ کیرمشلردی . اسلام حکمدارینک بری
اولونجہ اوغلی ویافاردهشی یرینہ چدیکندن بورادہ کی تختک بروارتی
بولونمادیغنی ایلمری سورہ رک الہ کچرہ مزدک . بالعکس بورادہ بر حکمدار
زادہ اولان بر حکمدار واردی . بوراسی هندستانک معظم براولکھسی
اولان « اودہ » در .

«رضیعت محلیسی رمنابع طبیعیہ سنک مشہور سونی ابدہ بوراسی
ہوقدہ بری عرصہ می نمیک ایدپوردی .»

اوقوییکیز ! ای (غروتیوس ، بوندورف و واتل) ک محترم
کولکھلری ! و دیکھیکیز ، ای هندستانک آدی مستقل امراسی !
دیکھیکیز ، ودوشونیکیز !

لورد (قوروالیس) ، شہسز عادل برآمدی . لورد (تیغماوٹ)
دینداردی . لورد (ودلہسلی) بویوکدی . فقط بونلرک بیچارہ متفقہلری
اولان اودہ حکمدارینہ روا کوردکلری معاملہ ذرہ قدر عدالت ،
کیاست ، ذرہ قدر بویوکک ویا دیانتپورلک یوقدی !

بالاخرہ لورد (ملویل) نامیلہ یاد اولونان میستردونداس ،
هندستانک برلی امراسنہ قارشی روا کوردیکمز معاملہ لر حقدہ بوکا
مماثل بر شہادتدہ بولونیور . کنڈیسی ۱۷۸۲ سنہ سنک ۱۵ نیسانندہ
عوام قمارہ سندہ ایراد ایتدیکی نطقندہ دیپورکھ :

«هندستاندہ باشلیجہ درت قوت بولونیوردی : ماہراتا حکومتلری ،
حیدر علی ممالکتی ، دکن نظامنک اراضیسی ، برار مہراجہ سنک
اراضیسی . بونلردن باشقہ او درجہ مہم اولمایان قوتندہ وردی .

تاجور راجاسی ، آرقوت نوابی کی . فقط بوبویوک دوت قوت کاملاً
 علیهمزده بولویوردی . ایکسیله حرب ایدیوردق . دیگر ایکسی ده
 بزه فارشی حربجویانه حسیات ایله متحسسی . بومبای والیسی ماهرانا
 حکومتنه صاحب اولدیغنی ادعا ایدن (راغوبا) نامنده بر آدمله
 مذاکراته کریشمش و کندیسنه بعض اراضی بی قومپانییه دور
 اتمک شرطیله بو دولتک ریاستنه کچرمه بی وعد ایتشدی . بو معاهده
 عقد اولوندقن صوکره حربه کیریشیلدی . چوق کچمه دن بنغاله
 والیسی ، رده مہراجہ سی اولان (مودیحی بنسالا) ایله بر معاهده
 عقد ایتدی و اوکا بعض اراضینک اعطاسی مقابلنده مہرانا حکومتک
 ریاستنی وعد ایتدی . بو ایکی یوزلی سیاست میدانہ چتدیغندن (برار)
 راجاسی اونک خائنانه و دساسانه اولدیغنی سویله یهرک منفعل اولدی .
 دکن نظامنه کلنجہ اونک اراضیسی بزم اراضیمزک شمالنده بولویوردی .
 نظامک اراضیسی اراضیمزہ ملاصق اولدیغندن اوکا فارشی معاملہ مزده
 چوق دقتلی داورانیلماسی ایجاب ایدیوردی . نظام قومپانیاه بعض
 اراضی ویردی . بونک مقابلنده نظامہ سنوی بر ویرکی ویریلہ جکدی .
 بو ویرکی ویریلہ دی . نظامده انگیزلرک سوزینہ اینانیلماز ، شرف
 و حیثیت کی مفہوملرہ باغلانماز ، عدالتہ اہمیت ویرمز بر ملت
 اولدقلمی اعلان ایدہرک (حیدر علی) نک قوتی بزه قارشی دعوت
 ایتدی . چونکہ ہندستان اراضیسندہ بر نک انگیز بولوندقجہ ہیچ
 بر ہندلی انیت حس ایتہ یوردی ! »

انگلز لرک ہندستانده کی سوء بنت و سوء اداره لرینہ دائر بالذات
 انگیزلرک اعترافاتی قید ایتدکن صوکرہ تورکیہ انک باش و کیلی
 طرفندن انگلترہ سفیری سیر (روبہرت آنسلی) یہ ویردیکی آتیدہ کی
 رسمی جوانی اوکورسہق حیرت ایتہ ملی و اوئی علیہدارانہ عد

ایله ملی یز . بو رسمی وثیقه انکلیر مبعوثانندن مستر غره ی طرفندن ۱۷۹۲ سنه سنک ۲۹ شباطنده عوام قارمسنده روسیه نك تسلیحاتی موضوع بحث اولویورکن قرائت اولونمش، متعاقباً میستر غره ی شو سوزلری سویله مشدی :

رسمی جواب

«کندیلرینه مظاهرت اینمکده اولدیغمیزی سوبه دیکمز حالدہ بالا خره کندیلرینه خیانت ایتدیکمز تورک متفقلمیز، خط حرکتیمیزی نفرت واستحقار ایله قارشیلادقلرینی کورستیورلر. عجباسیزی شایان مؤاخذه و یا شایان اسهزامی کوریورسکمز، بیلمه یورم. فقط بو موضوعه دائر الک موثوق معلوماتی عرض ایتمش بولونیورم، صدراعظمک سفیریمز سیر (رورت آنسلی) یه ویردیکی رسمی جوابک بر نسخه - نی الده ایدرک سزه ایراد ایدیورم . بو رسمی جواب بروجہ آتیدر :

«سلطان کندی نامنه اعلان حرب ایدر و صلح عقد ایلر. کوله لرینه ، بنده لرینه ، و تبعه سنه اعتماد بسلر. اونلرک ایمان صاحبی اولدقلرینه واقف بولوندیغی کبی مزیتلرینی تجربه ایتمش و صداقتلرینه کودنه چکنی آکلامشدر . بو فضیلت ، چوقدن بری آوروپادن طرد اولونمشدر . شاید بوتون خریستیانلر دوغروی سویله یورلرسه ، انکاتره، انسانلری آلوب صاندیغندن اوکاهیچ اعتماد ایتمه مک لازمدر . تورک حکمدارینک سزک حکمداریکمزله، سزک مملکتیکمزله بر متاسبی اولمادیغی کبی هیچ بروقت سزک نصیحتیکیزی، توسطیکیزی، دوستاغیکیزی طلب ایتمه مش ، سزه براییچی ، بر مأمور کوندرمه مش ، سزکله هیچ بر مخابره ده بولونمامشدر . او حالده بزمله روسیه آراسنده متوسط تکلفنده بولونما کزک سبی ندر ؟ سزک دوستاغیکمز ، باردیمکمز،

توسط یکزه طالب ده کلز. یو کسک برلسانه موضوع بحث ایتدی که کلز ناظر یکز مطابقا بر حبله دوشو نمکده، سزک یالکیز پارایه پرستش ایتدی که خبر آدیغمز ملتیکزی اکلندیر مک ایچون بر دولاب چه ویرمکده در. آدیغمز معلوماته کورد سزک صفت فارقه کز خستدر. سز اللهیکزی صانار و آلیرسکیز. معبود کز پارادر. ناظر لریکیز و ملتیکزک نظر ند هوشی تجارتدر. او حلد بزی ده روسیه یه می صاتمق ایسته یورسکیز؟ خایر، بز بازار لغمزی کندیمز یاپارز.. تورکلر حبله، خدعه، بیلمز لر. شیطاناق، دسیسه کارلق خریستیان اخلاقیدر. بز دولت ایشلرنده ناموسلی، مستقیم، صریح، و وفا کار اولمقدن چکینمه بز. حرب ایتدی که بز زمان مقدراته تسلیم کریبان ایدرز. اوزون بر زمان عظمت و احتشام ایچنده یاشامش، دیانک برنجی دولتی اولمش، عصر لرجه خریستیانلرک هر درلو رذیلت وریا ایله آلوده کفر و فسادینه احراز غلبه ایتش بولونیورز. بز جناب حقه ورسول مکرمه ایمان ایدیورز. سز ایسه پرستشکاری اولدیغیکزی سوبله دیککیز اللهده ایمان ایتز، کندیسنه هم الوهیت، هم نبوت عطف ایتدی که کلز، او غنده اینانمازسکیز. او حلد سزک کی ضال و مضل بر مانک نه سنه کودنیه بیایر؟ بر بریکزله وقوع بولان بوتون معاملاتکیزده فضیلت کی دوغروانی ده آتیورسکیز. بر لرله حرب ایدن بوتون خریستیان قرالرینک، حکمدارلرینک، پیرا صورلرینک، شکایتدر، مواخذلر، پروتستولرله مالامال تراجم احوالی اوقوییکیز؛ هپسنکده یالانچی، مفسد، ظالم، سوزینه کودنیامز آملر اولدقلرینی کورورسکیز. حال بوکه تورک هیچ وعدینه، سوزینه، ترفنه مخالف ایتشمیدر؛ اصلا! بوکا مقابل هیچ بر خریستیان دولتی، منفعت و حرصی استلزم ایتدی کی زماندن

باشقه هیچ بر سوزنی طومش، هیچ بر تعهدی ایفا ایله مشعبد ؟
 خایر! او حالده سزك کی فاسق برادارده، هر فضیلتدن محروم بر حکومت
 تابع سزك کی بر ملته ناصیل اعتماد ایدم؟ پادشاهك سزك سیرایکیزله
 بر مناسبتی یوقدر. و بر مناسبت تأسیسی ایسته مه مکده در. شاید
 سز بوراده بر جاسوس کی، یا خود ادعا کیز وجهله بر سفیر صفتیله
 بولونمق ایسته یورسه کیز دیگر خریستیاندزله برابر اقامت ایدر، فقط
 حسن حال ایله حرکت ایلر سکز. فقط بر سزك بری ویا بحری
 یاردیمکیزه، یا خود توسطکیزه طالب ده کاز. تکلیف واقعکیزدن
 دولایی سزه تشکره مأذون اولمادیغمی، چونکه دیوانمزك حرکت
 واقعه کیزی بالابق تاقی ایتدکینی، بودن باشقه معاونت بحربه کیز
 ایچون وقوع بولان تکلیفی ده تشکرله قرشیلایامیه جمعیزی، چونکه
 دوام کیزی هیچ بر وقت ده کیزلریمز قبول ایتیه جگمیزی بیان ایدرم. سزك
 روسیه ایله نه یا پاچغکیزی بیلمه یورزو بیامك ده ایسته میورزو. روسیه ایله ایشلر
 مزی مناسب بر صورتده، قوانین سیاستمزه موافق بر شکله حل ایده جگیز.
 شاید سز، ده نیلدیکی کی دنیاك الك الحاق خریستیان ماتی ده کلسه کیز
 اك جراً تکار واك ساخته کار ملتی اولدیغکیز محققدر. سز. سزك کی
 بر قاج خریستیان ملتله برلشدیکیزی کنیدیکیزی امر ویرمهک صلاحیتدار
 ظن ایدیور سکز. بزونی آکلا یورزو. بناء علیه سزك جراً تکار لغکیز،
 منفور بر دیققاتورلك درجه منه یوکسلور که سزك بو حرکتکیز داخلی
 ایشلر کیزده شایان استحقاق، خارجده کی سوزلریکیزی هر قیمتدن،
 و هر هانکی بر دولت طرفندن نظردقته آلینمق حیثیتدن محروم
 ایتمکده در. نروده قلدی که باب عالی بونلره اهمیت ویرسین. وزرای
 عظام سزی دیکله دیکه سوزلر کیزده یافنا بر مقصد کشف ایتمشلر،
 یا خود اونلرک اثر جهالت اولدیغنی ا کلامشاردر.

ذات شاهانه ، رعایاسنه (یعنی مستملکاتندکی اهایسنه) قارشى بودرجه ظالم اولان بردولته قارشى ایجاب ایدن تداییری اھمال ایتمز . موثوقاً خیر آلدیغمزہ کورہ ، سزک آراکزده عقد ایتدیگکز صلیحار ، ارتشایہ مستنددر . عثمانلی وزیراسی اوروپالیلرک سوزلرینی چوق دیگلمشار ، فقط دائماً خیانت کورمشار ، صاتیلمشار ، ویا اغفال ایدیلمشاردر . بناءً علیہ روسیہ ایله باب عالی آراسنده وقوع بولاجق توسطکزه لزوم یوقدر . سزک هدفیکز بوتون بشریتی بربرینہ دوشورمک ، صوکرہ استفادہ اتمکدر . سزک تجارتکزی طلب اتمہ یورز . اوکا محتاج بولونمایورز . سزک مضاعف قازالمجلیکز بزم تاجرلریمزى اضرار اتمشدر . سزک دینکز ، پارا قازانمقدر . معبودکز ، خستدر . قبول ایتدیگکزی سویله دیگکز خریستیانلق ، ریاکارلغیکزک برماسکے سندن باشقه برشی ده کلدر . سزدن جواب ایسته میورز . جواب ویرمه مکزی امر ایدیورز!

عقائد قرآنیہ نك اهل اسلام اوزرنده نه قدر قوتلی ونه قدر خیرکار برتأثیر اجرا ایتدیکنی کوسترمک ایچون «بو کونکی تورکیه» عنوانیله ۱۸۵۵ده موسیو (ا. اویسینی) طرفندن یازیلان اثردن بعض پارچه لر اقتباسیله بوفصله نهایت ویره جکز :

«دورغورلی و نامرطارلی»

«تورکیه ده کی بوتون اقوام و بوتون صنایعک مشهری اولان بویوک چارشیلرک منظره سی ، تورکلرک فیز یونومیسنه بعضی خصلر علاوه ایدیور . بوراده تورک ، ارمنی ویا روم قوموشوسنك یاننده اوطورور ، کلن ، کچن مشتریلره دقت ایدر ، آرہ صیره «بویوروک چلی!» دیر . تورکک دکانی اوکنده توقف ایدرک برشیئک فیئاتی صورارسه کز . سزه الای ویا یوز غروش، دیر . شاید بورانک

عادانه آشنا ده کله کز بازارلغه باشلار سگیز، اولك سزه ویره جکی جواب، بازارلنی قبول اتمه مک و چپوعنی توندیرمکه باشلامقدر. نه قدر اصرار ایدرسه کز ایدیگز، تورک بر پارا ایندیرمز. خریستیانلرله یهودیلر بام باشمقدر. یوز غروشدن، سکسانه، آلمشه، قرقه، حتی دهها آشانی اینرلر.

«بر قاعده اولارق ارمنی یه ایسته دیکی پارانك یاریسنی، رومه اوچده بریی، یهودی یه درنده بریی ویریگز. فقط مسلمانله آلیش ویریش ایتدیگزمی، ایسته دیکی فیأتدن امین اولوگیز و ایسته دیکی ویریگز.

«تورک ویردیکی برسوزده قطعاً مخالفت اتمه دیکندن باشقه لرینك ده سوزینه اینانیر. بر شینك دوغرو اولدیغنه یمین ایدیگز. تورک اوکا مطلقاً اینانیر. بر دفعه بر فرانمز ضابطی بر قماش پارچاسی آلمق ایچون چارشی یه کیمش، بر کون اول بر آرقداشك آلدینی پارچك عیننی باشقه بر تجاردن ایسته مش، فقط او تجارده بولاماشدی. بر دیکری دهها یوکسك بر فیأت ایسته مش، نهایت ضابط آرقداشك معامله ایتدیکی تاجره مراجعت اتمش، اوده دهها یوکسك بر فیأت طلب اتمش. نهایت ضابط آرقداشك آلدینی فیأتی ایلری سورومتس، تاجر اوکا یمین اتمه سنی تکلیف اتمش، بو تکلیفدن حیرته دوشن ضابط نتیجه نك نه اولاجغنی آکلامق ایچون یمین اتمش، تاجرده درحال عینی فیآتله قماش پارچه سنی ویرمشدی.»

موسیو (اوبوسینی) دیرکه: «اعتراف ایدرم که بر انسانك سوزینه کوستریان بواعتماد، یوحشیت آمیز معامله بنی ممنون اتمشدر. بزم ممالکتمزده بایعك نیچون مشتری یه نظراً مادون تالق اولوندیغنی بیامه یورم. تورکیه ده بویله برفرق یوقدر. صاتیجی کنیدی اوزمز.

بوكون قومشوسى موفق اولدىسه اوده يارين موفق اولماي امید ايدر . مؤذك سىسى بوكسلىدىمى تورك ، دكانك ايجند، نمازنى ايفالايدىر، ياخود مغازه سنى آچىق بىراقهرق وامنىت عمومىيه كونهرك مجاور جامعه كيدر .

« استانبول كى معظم بر مقرر حكومتده تاجرلر معين وقتلرده مغازه لرنده بولونماقلىرى ، كيجه لىن اولر اهميتسىز سور كولرله محافظه اولوندىغى حالده بوتون سنه ظرفنده اوچ درت خىرسىزلىك وقوع بولدىغى دويمازسكىز . حال بوكه خرىستىيانلرله مسكون اولان غلظه و بك اوغلى طرفنده شركون متعدد سرقىلر و جنايتىر وقوع بولور . »
 عنى باموسكارلق ملكىتك هر طرفنده كورولور . انكلىز سياحى ،
 (ده لى نيوز) غزته سنه اخيراً سوسوزلرى يازمىتدر :

« دون بر بولغارك آراباسنى كىرالادم . آرابايه بنمله ارقداشلىرىمك چانطالردن ، باووللردن ، خالىلردن ، كوركلىردن و شاللردن متشكل اشيا من يوكله جكدى . كيجه لىن اوزرىنه اوزانمق اچون بر مقدار قورو اوت آلمق ايسته دىكمز اچون يانمزه تربيه لى بر تورك آلمىشق . بولغار كويلىسى كيجه لىن آرابه سنك او كوزلرى بويوندورقلىرىدن چىقارهرق آلدى . كوتوردى . و آرابه يى يابه يالىكنز بىراقدى . كندىسنه آرابا ايله بىرلىكده بر آدامك براقىلماسنى و او آدامك اشيا يى محافظه اتمه سنى اخطار ايتدم . تورك جواب ويرهرك ديدى كه » نەلزومى وار افندم . اشيا كنز بوراده هفته لرجه قالسه ، كيمسه اوكا ال سورمز . « بنده قبول ايتدم . ايرتسى كون دوندىكمز زمان هر شى يرلى يرنده ايدى . دوشونىكنز ، بوتون كيجه بورادن تورك عسكەرلى كچيوردى . فقط هيچ برى آرابايه ال اوزاتماي خاطر بدن كچيرمه مىتدر . بونى لوندرك انك بويوك مىنبردن

خربستیانلره سـویله یـکـیز . سـزك رؤیا کوردیکـکـیزی ظن ایدرلر .
باری بونلر اویانسه لر ... »

تور کیده کی جمالرك ناموسکارلنی بزمکیلرك ناموسندن بالانردر .
غاطه دن کیلره هر درلو اشـیائی کوتوردنلر بونلردر . فقط هیچ بر
وقت بوراده برشی ضایع اولمایور . بوتون ملتک ضرب مثل حکمنده کی
ناموسکارلنی بونی تسهیل ایتمکده در .

بردفعه برتجار النده بشلیکلردن متشکل ایکی بیت غروشلاق
بر کیسه ایله غاطه دن استانبوله کیدیوردی . طوپخانه دن چیقیورکن
کیسه پاتلامش ، ایچنده کی پارالر داغیلامشدی . بر مقداریده ده کوزه
دوشمشدی . خالق درحال پارایی طوپلامش ، بعضیلری ده کوزه
آتیله رق اورایه دوشنلری کتیرمش ، تبارک کیسه سـنه یرلشـدیـر مشـلر ،
صو کره بر جمال کیسه یی صـیرتـلایـه رق تبارک اوینه کوتورمشدی .
تجار اونده پاراسنی صایدیغی زمان تاس تمام بولمشدی .

مساحکاران و ضیـرفـواقلان

بزم (غربلیلرك) اوامر دینه مزه قارشـی کـوسـتردیـکـمز رعایتـسـزك ،
دینـزك لازم غیر مفارقی اولان بعضی احباب انسانیـیی اهلـمز ، اك
سفیل سائقلره بونلری فدا ایدیورمه مز ، تورکلرك نظرنده بزم دینـزك
دلائل بطلانـسـندر . بونـز دولایـیدر که تورکلر اوروپایه « دیار کفر »
دیرلر ؛ بـزی « مـاحـد » و « کـافـر » صفتلریله یاد ایدرلر .

فقط بو استحقار ، هیچ بر وقت اعتسافه سائق اولما مقده در .
باشقه یرلرده بر چوق مثاللره کوسـتردیـکـم وجهله تورکلرك عاينده ،
هرکسه دیننی تبدیل ایتدیرمک و اعتسافکارانه حرکاتده بولونمق کی
وقوع بولان اتهامات ، یالکیز اساس اعتباریله ده کل ، دائمی معامله
اعتباریله ده حق و حقیقه مخالفدر . ناصل دنیاده هیچ بر قوت ،

توركه ديننى تبديل ايتديره مزسه توركده هيچ بر كيمسه يه ديننى تبديل ايتديرمه يه تشبث ايتمز . توركى ممنون ايتديككز زمان سزه يودعاده بولونور: « جناب حق عافيتكى خبره تبديل ايتسين! » اسلام علماسى « قلمره هدايت احسان ايدن ، جناب حقدرديرلر . اسلام علماسنك كوزدل برسوزى واردرد: هر كسه ايلك ايت ، جاهلارله جدال ايمه . » توركيده هيچ بروقت تضديقات دينيه وقوع بولماش ، بالعكس توركيه ، خريستيان تعصبنك قرانلرينه التجا كاه اولمشدر . تاريخه باييكز ، ۱۵ نجى عصرده اسپانيا و پورتوكيزدن قوغولان بيكار جه موسى توركيه يه التجا ايتمشلر ، اوراده و آنجق اوراده درت عصر حضور و سكينت اچنده ياشايابيلمشدر . حال بوكه بوكه قادار آينه ده ميلاد عيسى يورطيسنده يهوديلر سواقدرده كز مكه جسارت ايتزلر ، توركيده ايسه ارمنى و روملك تجاوزلرينه معروض قالان يهوديلر دولت طرفندن حمايه اولونورلر .

توركيه دولتمده بوتون اقوام و اديانه منسوب انسانلر واردرد . توركيده جامعلر ، بلكه كليسا و حاورالردن دها چوقدر ؛ فقط جامعلر ، كليسالر و سائر معبدلره تعرض ايتزلر . ازميرده واستانبولده قاتوليكلك پارس و ليون ده كندن دها سربستدر . هيچ بر قانون اونلرك آينلرينه تعرض ايمه مكددر . اولولر دفن اولونيوركن بر آلاي راهبيلر ، موم طاشيان و مزامير اوقويان پاپاسلر طرفندن تشييع اولونورلر . بوتون يورطيلر بوتون كليسالر طرفندن تسعيد ايديلر . دييورلر كه شرقك قاتوليكلريني فرانسه ، اورتودوقسليخ روسيه حمايه ايدنيور . عجبا يهوديلريني كيم حمايه ايدنيور ؟ درت بش سنه مقدم ، رسول اسلامه تجاوز تهمة يله مزنون بر يهودى موصلك تورك واليسنه كتيريلش ، بوتون خلق بو حر كتن متأثر اولمشدى .

تورك پاشاسى مظلونك افاده سنه مطاع اولديغى زمان شوسوزلرى سويله مشدى :
 « بر آدم بو كى تفوها تده بولونديسه در حال غضب الهى يه اوغرا دى . بناء عليه
 بو آدمك بويله سوزلر سويله ديكنه اينانما يورم . اللهم عذابنه اوغرا ما يان
 بر آدمه بن جزا ويرم ! »

مسامحه كارلنك بونه كوزل بر مثالدر ! بوكا مقابل توركيه ده
 « خريستيان كوپكارك » هر كون اشكنجه يه اوغرا دقلرندن ، يا خود
 هر كون قادينلر ك چو والدره قونه رق قونا قلردن ده كوزه آتيلد قلرينه
 اينانما يان قاچ كيشى واردر ؟ ..

توركيه حكومتى ، آتحق آوروپالى ميسونه رلر ك تورك مسامحه -
 كارلغندن استفاده ايدرك تجاوز كار بر خط حركت تعقيب ايتدكلري ،
 خلقك وجدانى مضطرب و دولتك ايشلرينى مشوش بر حاله كتيب -
 دكلرينى كوردىكى زمان وضعبتنى تعديله لزوم كورمشر .

توركيه ده ايلك دفعه اولارق ۱۷۸۱ ده كورون لازاريسلر ،
 حكومت طرفندن هيچ بر مانعه يه تصادف اتمه مشلر ، بالعكس خيركار
 بر مقصد تعقيب ايتدكلرى كورولديكى زمان تشويق كورمشرلدى .
 توركيه حكومتك اركانندن برى اولان حسيب افندى ۱۸۴۴ ده
 خير پرور همشيرلر ك مكتبنى زيارت ايتدكن صوكره مكتبك فقير
 چو قو قلرينه محشم مكافاتلر كوندرمشدى .

توركلر نظرنده ايلك ياقمق ، اك برنجى وجيبه در . تورك شاعرى
 ناي اوغلنه يازديغى نصيحتنامه ده « قاپوسنى فقير و محتاجلره آچايى » توصيه
 ايتمكده در . بونى ياقمق ، جامع انشا ايتمكدن ، مستمراً اوروج
 طوتمكدن ، متعدد دفعه لر مكيه كيتمكدن خيرليدر . خير پرورلك ،
 دياشپرورلكدن آرى بر شى دكلدر .

زكاتى ويرمه ين بر آدم ، بر مسلمان اولمق حقيقتيله يالكنز وظيفه سنى اينايى

اهال ايتمش اولماز، بلكه بالذات مسلمانلغى اهل ايتمش اولور. چونكه زكات، نماز، اوروج، حج وشهادتين كى اركان اسلاميه دن بريد، دها باشقه بريدده بو خير پرورلكدن بحث ايتشدم. خير پرورلك حدسز؛ دين، عقیده فرقى كوزه ديله دن، شخصى خصوصتلى نظر اعتباره آينمادن ياپيلان برشيدر.

موسيو (اوبسیتی) استانبولك كوپكارندن بحث ايدىيوركن دىيوركه: «اوروپاليلرك متماذياً اولامقده اولدقلى كوپكار شهرك اك اوجرا طرفلرينه التجايه مجبور اولمشلردر. شهرك بو حواليسنده كوپكار كنديلرينه باقاجق، ياورولرينى اولومدن قوروياجق، صوك دمنده اولنره برشى تبرع ايدى جك شفيق وحميتلى انسانلر بولويورلر. كوپكك طوموز كى توركلر نظرنده تمیز تاقى ايديله ديكي دوعرودر. بناءً عليه كوپكلر نولرك ايچنه آينازلر. فقط توركلر كنديلرينى، كوپك كى حيوانات اهليه نك حاميلرى عد ايدرلر.

«پيغمبر اسلام، شفقتى امر ايتمش، بونك باشليجه فضائلك برى اولديغى، بوتون حيواناته مرحمتك تشميل اولونماسى امر ايتشدر.»
«الحاصل كله نك حقيقى معاسيله، بوكونه قدر باربار معامله سى كوسترديككز توركلر قدر انسانيت پرور بر ملت كورمه دم.» ۱۰

۱۱. بوكونكى توركيه عنوانلى اثرنده ميس (پاردو) دىيوركه: «توركلر، حيوانات اهليه اك عظيم شفقتى كوستريرلر. بوندن دولاييدر كه سوت نمن قوزولرى كسزلر. بر دفعه بر انكلز سپورجيسى بر قايقلا كزىيوركن باشنده اوچان بر مارطى ي وورمش، بر آدم اولديرمش قدر قايقچيلر طرفندن مؤاخذه اولونمشدى.»

اوريجى قسم

بەتائىزك ردى

بهتانك ردی

بر فصل

حضرت محمد علمپنده کی بهتانلر دوت اساسه ارجاع اولونابیلیر :
 « ۱ — حضرت محمد کندی اثری اولان بر دینی، وحی الہی ادعاسیله
 نشر ایتشدیر .

« ۲ — محمد دیننی قلنجله نشر ایتشدیر .

« ۳ — محمد ؛ قرآنده مادی ، حظوظ آور بر جنت تصویر ایتشدیر .

« ۴ — محمد تعدد زوجاته جواز ویرمشدیر .

ایشته بز المزدن کلدیکی قدر بو بهتانلری رده چالیشه جغز :

۱

مسلمانلر بر دین الہیدر

حضرت محمدك هر درلو حرصدن آزاده اولدیغنی حیاتنك بوتون
 شرائطی اثبات ایتکده در. بو حقیقت بالخاصه شونکله ثابتدر که حضرت
 محمد دینك کوکله شدیکی کوردیکی ونا محدود بر قوتی حائر بولوندیغنی
 حالده کندینی بویولتمك ایچون بوندن استفاده ایتمه مش ، اصل
 ساده لکینی ذره قدر فدا ایتمه مشدر. شهوات نفسانیه بی تطمین ایتمك بحثنه

کأنجه حضرت محمدك زمانده حدسيز، پايانسر تعداد زوجات عادتى شايعدى .
 بناء عليه شهوات نفسانيهك تظمينى آرزو اولونيورسه تعداد زوجات
 تحديد ايديلمز ، بالعكس اونك حدسيز ايكندن استفاده اولونوردى .

حضرت محمدك حياتندن بحث ايدر كن بونقطهيه دائر سويله دكاريمز
 شونى علاوه ايده لم كه پيغمبر هيچ بر وقت فوق البشر اولديغنى ادعا
 يتمه مش ، بالعكس « بن سرك كى بر انسانم » ديمشدر . هم پيغمبر ،
 هم حكمدار اولان حضرت (داود) ايسه « اللهمك الهامنه كوره
 توفيق حركت ايدن » و « ديان معبدينك اوزرنده كى قارلر قدر تميز »
 انساندى . توراتك بياننه كوره : (صول) ك ايكنجى قيزى (ميكال) ،
 داوودك بر محبى زوجه سيدى . داوودك دور منكويتى انساننده بوزوجه سى
 كندندن آليشمشدى . بونى متعاقب حضرت داوود متعدد قادينلرله
 اوله نمش ، و ايلك زوجه سنى ايسته مكده اصرار اتمشدر . فقط (ميكال)
 كنديسنه اعاده اولونمادن ، وارمى اولديغى ديكر بر آدمدن حبرا
 آليشمش ، ميكالى چوق سهون بو آدم ، بر چوجوق كى آغلاليارق
 زوجه سنى تعقيب اتمشدى . ۱]

خريستيان محررلر حضرت محمد هجوم ايدييور كن صيرچه دن
 بر او ايچنده اوتوردقلىرى اونو تماسه لر ده اى اولماز مى ؟
 حضرت محمد احراز اقتدار خصوصنده آنجق حضرت موسانك
 خط حركتنى تعقيب اتمشدر . حضرت موسى بر رئيس ، بر رهبر ،
 بر شارع صفتى حائز اولماسه بنى اسرائيلى مصر دن چيقارامازدى .
 بو يوزدن بر كيمسه حضرت موسايى بو خط حركتى تعقيب ايتديكندن
 دولايى حرص ايله اتهام اتمه يي دوشونمه مشدر . چونكه حضرت
 موسى اواقتدار دن محروم اولسه ، يهودانك كنديسنه توديع ايتديكى

رسنالتی ایفا ایدمهزدی . عربستانده وضعیت بوکا مشابهدی .
عربستان یکدیگریله محاربه ایتمکده اولان مختلف قبیله لرله مسکوندی .
بونلری برلشدیرمک و بر « کل » حالنه کتیرمک ایچون حضرت محمدک
بونلرک ریاستنی درعهده ایتمه سی ، بونلره مسلمانلغی تاقین ایتمه سی
لازم دی . بو حرکت ، حرص شخصی کی بر بهمتدن تمایله
آزاده در .

حضرت محمده واونک عقائدینه مبدولاً عطف اولونان ساخته لک
تهمتنه کلنجه ، رسول اسلامک ، حضرت عیسی کی ، « توحیدباری ،
عقیده سی تعالیم ایتمه سی ، بو اتهامک حقسنز لخنه ک قوتلی شاهد در .
مع مافیہ ساخته لک ، اونک نبوت ادعاسنه : رشی در میان اولونیورسه ،
بوکاده امکان یوقدر . بت پرستیکی احما ایدرک وحدانیت الهیه یی
تعالیم ایتمک رسالت الهیه ایله یاپیله بیله جک بر ایش اولدینی هر کسجه
مسلمدر . حضرت محمدایسه عربستانده توحیدباری عقیده سی اوقادار صاعلام
بر صورتده تأسیس ایتیش واورادن بت پرستکی اوقدر مونر برشکلده
الغا ایتشدرکه بر دها بت پرستک هر هانکی شکلده اوراده ظهور
ایتمه مشدر . حال بوکه اقوام خریستیانیه آراسنده بت پرستک یکیدن
ظهور ایدنجه دیکر لرینه فائق اولان خریستیانلر ، بتلری قبول ایتمین
خریستیانلری دینسز تاقی ایدمه جک درجه ده ایلری کیتمشلردی . ۱
حضرت محمدک تعالیمی ، انسانلرک بر برینه قارشى تعقیب ایدمه جکلری
خط حرکتی تنظیم ایدن وظائف اخلاقیه یی تعالیم ایدر . قرآن کریم ،
بو وظائفی شایان حیرت بر بلاغت و اصرار ایله افاده ایلر . بونی
اسلامیتک اک مدهش دشمنلری بیله اعتراف ایدیورلر .

۱ [بیزانس امپراطوریمچه سی (ایرین) اوغلی (قسطنطین) ک کوزلرینی
چیقارتدقن صوکره تخته چیقمش ، ۷۸۷ ده ایرنیک قونفرانسی طوبلا دی ردرق
اصنام وهیا کله عبادتی احیا ایله مشدر .

بعض خریستیان محررلرینک استهزا ایله یاد ایندکلی بر مسئله ،
 أسرا حادثه-سیدر . بو محررلر ابلیسک حضرت عیسانی
 بیابانلرده دولاشدیردیغنه اینانیورلرده یوکا یچون اینانمایورلر ؟
 «تی انجیلانک دردنجی اصحابنده بیان اولوندیغنه کوره » ابلیس
 یسوعی آلارق چوق یوکسک بر داغه چیقارمش ، جهانک بوتون
 مملکتلری و شرفلری کوسترمشدر . « أسرا حادثه سنک مجازی اولدیغنی
 سویلرسهک اونک غیر قابل ایضاح بر نقطه سی بولونمادیغنی آکلاشیلیر .
 مثلاً « براق » برقدن دهها سریع بر صورتده حرکت ایدن « فمکر » در ،
 رسول اسلام ایله حضرت جبریلک یوکسلدیکی « نور مردیوه نی » ،
 بوتون سماواتی کچهرک عرش الوهینه یوکسان « تأمل » در . اوتوشی
 ذات کبریایی خوشنود ایدن قوشک سسی ؛ مؤمنلرک عبادتیدر . .
 بوتون خریستیان الهیاتجیلری مشغول اولدقلری مسائلی حل ایچون
 مجازواستعارهیه کووه نیورکن مسلمانلری یچون بو حقدن محروم ایتک
 ایسته یورلر ؟ خریستیان الهیاتجیلری اله حقیقی تمثیل ایدن بر پیغمبرک
 (آخاب) ی آدامق ایچون یالانجی بر روح ایله استشاره ایتمه سی کی
 ابلهفریبانه بر شیئی تأویل ایدیورلر . توراتک (ملوک اول عنوانلی
 سفرینک یکر می ایکنجی اصحابنه کوره » رب دیدی که : آخابک (راموت
 جلعاده) کیدوب اورایه آتیلماسنی کیم تأمین ایدر ؟ بری شوپله ،
 دیکری بویله جواب ویردی . بونک اوزرینه بر روح کلدی ، ربک
 اوکنده طوردی . بن اونی الداتیرم ، دیدی . رب ، ناصل ؟ دیدی .
 اوده چیقارم ، بوتون پیغمبرلرک آغزنده یالانجی بر روح اولورم .
 دیدی . رب ، الداتبایلرسک ، ومقتدر اولورسک دیدی . کیت یاپ .
 سلیمانک بوتون ترنماتی ، حضرت عیسانک کلیساسنه اولان محبتی
 افاده ایدن بر مجاز تلقی اولونمایورمی ؟ عهد جدیدده عینی شی تطبیق

اولونیور. چونکہ حضرت عیسیٰ کنندن بحث ایدیورکن، اوزوم، یول، قابوکلہ لری قوالانیور، اکمک و شرابک کندی بدنی و کندی قانی اولدینی سویلہ یور. بونک مجازی بر صورتده قبول اولونماسی یوزندن خریستیانلر آراسنده عیسانک اکمک و شرابی بدنہ وقانہ تحویل ایتک کی بت پرستانہ بر آینک وجود بولماسنه سبیت ویرمشد. مع مافیہ مسلمانلقد بوکی شیرہ، برپاسک سویلہ دیکی سوزلرله شراب و اکمک قانہ و آتہ تحویل ایتہ سی کی جاهلانہ، حماقتکارانہ هیچ برشی یوقدر.

حضرت محمدک یکی بر دین کتیرمہ دیکنی، بالعکس لاهک ابراہیم و اسماعیلہ وحی ایتدیکی دینی احیایہ کلدیکنی سویلہ دیکی حالده حقیقت حالده یکی و مصنع بر دین تعالیم ایتدیکی ده سویلہ نیلمکده در. فقط اکر بو دین اسکیلردن، هدف عبادت، و او کردتیکی وظائف اخلاقیہ ایلہ آریلیورسه او حالده موسانک، عیسانک و محمدک دینلری ده یکی بر دین ده کلدی. حضرت موسانک دینی، آدم، نوح، ابراہیم، اسحق، یعقوب و اسماعیلک دینی احیا ایدیور، وحدانیت الہیہ بی تقریر ایدیور، اللہہ محبت و اطاعتی توصیه ایدیور، ارادہ الہیہ و جمعیت بشریہک تحمیل ایتدیکی وظائف اخلاقیہک ایفاسی تعالیم ایلہ یوردی. حضرت عیسیٰ هر شیک فوقنده الہی سہومہ مزی، کندیمزی سہودیکمز قدر قومشولرمزد محبت کوسترمہ مزی او کرہ. تیوردی کہ بو بوتون انیانک تبلیغ ایتدیکی احکامک عینی در. بناء علیہ عیسانک عقیدہ سی ده یکی بر شی ده کل، حضرت موسی طرفندن تبلیغ اولونان عقیدہک عینی ایدی. شو فرق ایلہ بر بریمزه قارشی ایفا ایدہ جکمز وظائف اخلاقیہ اسکیسندن دها قوتلی بر صورتده امر اولونمشدی. «کندینہ ناصل معاملہ اولونماسی ایستہ یورسہک باشقہ. لری نہ ده اولیلہ جه معاملہ ایت» قاعدہ الہیہ سی انسانلرک اجاهلہ قدر هر کسک

رعایت ایده‌جکی اساسات اخلاقیه‌بی تلقین ایدیوردی .
 حضرت عیساك زمان ظهورنده یهودیلرك اخلاقی مدھش برتردی به
 او غرامشدی . خودپرستلك چوقدن بری جایانه برماهیت آلمشدی .
 صنوف روحایه ایله خلق ایچنده شایع اولان اخلاق ، خست ، غصب
 وغارت ، ظلم وتضییق ایدی . دین نامنه منحصرأ بر طاقم مراسم
 وآینلره رعایت ، محض استقامت عد اولوندیغدن قیصه بر زمانده
 بونلر حقیقی معنایینی ضایع اتمشدی . حضرت عیساك رسالتی بوفناالقرنك
 او كنه كچمه‌بی استهداف ایدیوردی . بوده حضرت عیساك اساس
 اعتباریله موسویلكی احیا اتمه‌بی استهداف ایتدیكنی كوسترد . حضرت
 محمدك وظیفه‌سی ، یالکیز عقائد اخلاقیه‌بی او كرمك دهكل ، بوندن
 باشقه ، الله عبادتی تأسیس اتمكندی . چونكه ایچنده ظهور ایتدیكى
 خلق ، عقائد دینی ووظائف اخلاقیه اعتباریله صامشدی . بو اعتبار
 ایله حضرت محمد ، حضرت ابراهیمك دینی احیا ایتمش ، ودین
 ابراهیمی بی احیا اتمه‌بی استهداف ایتدیكنی سویله‌دیكى زمان آنحق
 حقیقی افاده ایله مشدی .

مملكتنده بویوك ودواملی تجردلر وجوده كتیرهرك وحدانیت
 الهیه‌بی تأسیس ، متردی وقورقونج بت پرستلكی احیا ؛ چوجوقلری
 دیری دیری كومك عادتی افنا ؛ ایچكى وقار كی تردی اخلاقینك
 منعی اولان فناالقلری منع ؛ حدسز ، پائانسز تعدد زوجاتی اصغری
 درجه‌یه تنزیل ایدن بویوك بر مجددك ساخته‌كار وریاكارعداولونماسنه
 امکان وارمیدر؟ بو رسالت الهیمك مصنع اولدیغنه قائل اولایابرمی بزه ؟
 اصلاً ! حضرت محمد آنحق حقیقه صمیمی بر شعور ایله بو قدر
 ثباتكارانه و مقدماته حرکت ایدمیلیر و ذره قدر صارصلمادن ،
 خدیجیه افشای راز ایتدیكى كوندن عایشه‌نك قوللارنده ترك حیات

ایتدیکی کونه قدر چالیشه بیلیردی .
 انسانلرک وجدان و حرکاتنده بویوک بر انقلاب یاپایان بر انسان ،
 محقق که ، خالقنه قارشى ایمان تام ایله متحسس صمیمی و صادق
 بر انساندر . بو انسان دوغرودن دوغرویه ذات کبریالک ید تقدیرنده
 اولدیغی کبی رسالت الهیه بی ده حائزدر .

حضرت محمد رسالتنه صورت قطعیه ده قالدی . بو قناعت
 اساسمنز ده کلدی . هر درلو استهزا و حقارت ایله قارشیلانان رسول
 اسلام ، یولندن قیل قدر آیریلادی . تهیدلر ، اشکنجه لر اوئی توحیدباری
 عقیده سنی تاقیندن ، زماننده شایع اولان اخلاقدن چوق یوکسک
 بر اخلاقی تعلیمدن آلیقویما مشدر . حضرت محمد ، سلطنت پشیده
 قوشمادی ، ریاست روحانیه احرازینه اوغراشمادی . مسامحه ایسته دی ،
 انسانلری اقناع ایدرک حق یولنه دعوت ایچون حریت ایسته دی .
 انسانلرک عدالتنه رعایت ایتمه لرینه چالیشدی ، مرحتی سودیرمه یه اوغراشدی .
 حضور باریده تواضعی او کره تدی . بوتون بونلرک مؤیده سی اولارق انسانلرک
 حشر ونشر اولونا جغنی و روز قیامتده محاکمه اولونا جقلرینی سویله دی .
 محمد ، « حق کلدی ، باطل زوال بولدی » آیتلرینی او قویارق کعبه نك
 (۳۶۰) بتی خرد و خاش ایتدی . یو وظیفه سنی اکمال ایتد کدن سو کره
 باشقه لری کبی (مکه) ده تختی قورمادی . بت پرستلکدن قورتاردیغی
 کعبه نك یاننده بر سرای انشا ایتدیرمه دی . بالعکس آبا واجدادینک
 شهرینی ، ملتک مرکزینی ، دینک حرمنی ترک ایدرک محنت و مشقت
 زماننده کندیسنه یار اولانلرک آراسنده کی متواضع خانه سینه عودت
 ایتدی .

۲

مسلمانلر قلیجه انتشار ایتدیرمه

مسلمانلرک قلیجه انتشار ایتدیکی تهمتک بر درجه یه قدر دوغرو

اولدیغنی فرض ایدرک بت پرستلردن بر مقدارینک وحدانیت الهیهی طایماق اوغورنده اولدکلربی فرض ایدلم ، فقط بوکا جوابآدیرز که جناب حق طرفندن امر اولونان بر شی ، هیچ بر وقت ظلم تلقی ایدیلهمز . خریستیانلر جناب حقک ، بت پرست کنعانایلری ، بت پرست اولدقلرندن دولایی بی اسرائیل طرفندن احما اولونمالربی امر ایتدیکنه ، حتی (یا هووا) نک بوامری انفاذ ایتدیرمک ایچون بر معجزه ایشله دیکنه ، (یوشع) ک بوتون دشمنلری افنا ایتمسنی تأمین ایچون شمس ایله قری رلی رنده دور دور دیغنه معتقددرلر . مادام که خریستیانلر بو اعتقادی پرورده ایدیورلر ، محمدک عینی وساططی قوللانماسنه اعتراض ایتمه ملیدرلر . یوقسه محمدک زماننده کی بت پرستلک ، موسانک زماننده احما اولونان بت پرستلکدن دهافضله نزد الهیده مقبول اولدیغنی ادعا ایتمک کی بر تناقضه دوشرلر .

حضرت محمدک حربلره کیریشدیکی محققدردر . فقط اونک حربلری موسانک حربلری کی احما حربلری ده کلدی . حضرت محمدک شایان تقدیر هدفی عربستانی برلشدیرمک ، بر دولت وجوده کتیرمک ، اونلره هر شیئک خالق اولان بر اللهه عبادت ایتمه بی اوکرمه تمکدی .

حضرت محمد مسلمانلغی قبول ایدناری عالیجنابانه بر صورتده قبول ایتمش ، اونلره قوللربی آچمش ، فقط متجاوزلری تنکیل ایتدیسه ده معصوم قادینلرک ، قیزلرک و چوجوقلرک قانی قورومشدی . خلاصه ، حضرت محمد ، مسلمانلغی قبول ایدهنلره ادنی بر تجاوزده بولونلامسنی امر ایتمش ، اونلره قاردهش معامله سنک تطبیقنی طلب ایله مشدی . موسی ایسه بالعکس ، قطعاً مرحمت کوسترمیه رک اقوامی استیصال ایله مشدی . حضرت محمد طرفندن بویله بر شی یاپیلما مش ،

یالکیز خریستیانلر ، باخا صه اسپانیولار (پەرو) ایله مکسیقانک فتیحی
اشناسنده بو خط حر کتی تعقیب ایتمشلردی . ۱ قرآن کریمک هیچ بریرنده ،
بوتون انسانلغک قبول ایتمدیکی عدالت و مر حمت مضکوره لرینه منافی برتک امر
کورولمز . حال بو که بو کون األرده کزن کتاب مقدس ده شو امرلر واردر :

« موسی ، دیدی ، رب امر ایدیور ، هر آدمک یانی باشنه قیلیجی قوییکز .
صو کره اوتاغک ایچمه کیریگز ، چیقکیز ، هر آدمی وقرده شنی ، هر آدمی
وآرقاداشنی ، هر آدمی وقومشوسنی اولدیریگز » ۲ [

« یشوع اسرائیلک ربی طرفندن ویریلن امره توفیقاً بوتون مملکتی
قیردی کچردی ، بوتون حکمدارلری اولدیردی ، کریده برشی بیراقدی .
هرذی حیاتی احما ابتد . ۳ » [

« صموئیل شاوله دبدی که کیت ، عمالفه بی وور ، نه لری وارسه احما
ایت ، هیچ برینی قوروما ، ارکک ، قادین ، چوجوق ، امزیکلی یاورو ، اینک ،
کچی ، دوه ، اشک هپسنی کس » ۴ [

« ربنک سکا میراث ویردیکی بوتون بلده لرك اها لیسندن نفس آلان
هیچ برینی قوروما ، هیتیتلری ، اموریلری ، کنعانیلری ، حویلری ، یوسیلری ،
ربنک امرینه توفیقاً احما ایت » ۵ [

صو کره حضرت عیسا طرفندن جبیده ایراد اولونان و منحصرآ
مر حمت تنفس ایدن موعظه سنک نره سنده ، بالا آخره اونک نامنه
ارتکاب اولونان اعتسافاتی تأیید ، یا خود اونلرک ایقاعنی ترویج ایدن رتبی

۲ [اسپانیولار ۱۲ میلیون هندلی بی افنا ایدیورکن حرکتلرینک کتاب
مقدسک تصویبنی حائز اولدیغنی ظن ایدیور ، بنی اسرائیلک کنعانه یایدق لرینی
اورنک اتخا ذ ایدیورلردی . (لاس قاساس) دیور که : « (سنی دومینقو) و (ژامایقا)
آدالرنده اون اوچ حوارینک شرفنه اون اوچر هندلی بی بردن اعدام ایدن
سپهالر اقامه اولوندیغنی بالذات کوردم . » ده صو کره عینی محرر دیور که :
« کوپکلر طرفندن پارچه لانغی اوزره دیری دیری چوجو فلرک آتیلدیغنی ده
کوردم . »

۱ [کتاب الخروج ۳ [یشوع ۱۰ ، ۴۲ ، ۴] صموئیل اول ۱۵ ، ۳

۵ [کتاب تثئیه .

وارد در؟ بوتون بواعث اسافات کیم، عطف اولو بایلیر؟ بو سؤالک حوایی قولایدیر. بونلر یا کلس یرده بویوک عنوایی طاشییان (قسطنطین) عانددر.

حضرت عیسانک ارتحالندن سو کره اونک عقانیدی بر بری متعاقب ایکی آری شکله تاویل اولونمش و بونلره خریستیانلق نامی ویریلشیدی. بونلرک برنجیسی پول، حنا کبی حواریونک حائر اولدقلری صلاحیتله ایلری سورولمش، ایکنجیسی (قسطنطین) طرفندن وقوع بولمشدر.

صرف سیاسی سائقلرله خریستیانلقی قبول ایدن، فقط ارتکاب ایتدیکی ظلملردن دولایی کندیسنه بحق ایکنجی (نهرون) عنوایی ویریلن (قسطنطین) ۳۲۴ ده اجتماع ایدن (ایزنیق) قونفرانسده ریاست ایتمش، ایلاک دفعه بو قونفرانسده عیسانک الوهیتی قبول ایدیلشیدی.

آردی آراسی کسپامهین، قانی، فقط فائدهسز مجادلات دینه ده بیکلرجه خریستیانک اک مدهش اشکنجه ایله قان دو کولمش، بر بری قاردهش و دوست تالق ایده جک انسانلرک بو حالنی کوردهن، (یوافتهر) یسقیوسی و آباء کلیسانک اسکیلرندن بری اولان (سن هیلهر) دردنجی عصر میلادیده بو وضعیتنی شوسوزلرله تقبیح ایتمشدی :

« بونه شایان تاللف بر حال و نه تهلاکلی وضعیتدرکه انسانلرک دوشونجه لری صایسنجه مذهب لری، آرزو لری مقدارنجه عقیده لری، خطا و قصور لری عددنجه ضلالتلری وار. بونک سبی بزم مذهب لری میز کبی بر صورتده وجوده کتیر مکلکمز، وینه کبی صورتده ایضاح ایتمکلکمزدر.. هر سینه، خایر هر آی، یکی مذهب لری وجوده کتیره رک کوزده کورونمهین اسراری کشفه تصدی ایدیوروز. یادیغمزده بشپان اولویوروز. بشپان

اولانلری مدافعه ایدیوروز . مدافعه ایتدکلریمیزی تابعین ایدیوروز .
یاخود باشقه لرینک عقیده لرینی تقبیح ایتمکه کندی عقیده لریمیزی تقبیح ایتمش
اولوروز . یاخود کندی عقیده میزی تقبیح ایتمکه باشقه لرینک عقیده سی
چوروتیوروز . بربریمیزی نارمار ایتدیکمزدن بربریمزك خرابیسنه سباب
اولویوروز . ۱۰]

ایزنیق محلمده قسطنطین ۲] پاپاسلره اك مصیبت انکیز نتیجه لری
تولید ایدن نفوذ و اقتداری بخش ایتشدی . بو حادته نك سببیت ویردیکی
فلا کتلك خلاصه سی بوجه آتیدر : غیر متجاوز مسلمانلره و تورکاره
قرشی طقوز اهل صایب حربنك تخریبات و قتل عاملری . بویوزدن
ایکی یوز سنه ظرفنده میامونلرجه انسان محو اولمشدی ، انا پاپیستلر
قتل عام ایدیش ، لوتهر مذهبنك سالککریله پاپیستلر احما اولومش ،
سکیزنجی هانری ایله قیزی ماری طرفدن قتل عاملر امر ایدیش ،
سن بارتلمی ۳] قتل عامی وقوع بولمش ، برنجی فرانسیس ایله دردنجی

۱] (کیبون) ک رومانك اضحلال و سقوطی عنوانلی اثرندن
۲] قسطنطین زوجیه سی قاینار ص - و ایچنده بوغمش ، کندی اوغلی
(قریسپوس) ی اعدام ایتمش ، همشیرلری قونستانیا ایله اناسطاسیانک
قوجالرینی اولدیرمش ، قاین پدری (ماقسیمیلیان هر قول) ی قتل ایتمش ،
همشیره سی قونستانیانک اون ایکی یاشنده کی اوغلیله ده باشقه لرخی اولدیرمشدر .
بونلرک آرسنده سوپاتور . نامنده بت پرست بر راهب واردرکه (قسطنطین) ی
قاین پدری اولدیرمک کناهندن آزاد ایتمه دیکی ایچون اولدیریلشدی . ایلاک
خریستیان ایمراطور بوماهیتمده برآدمدی ! ...

۳] یالکیز پارسده (۵۰۰) موقع صاحبی انسان ایله (۱۰۰۰۰۰)
کیشی محو اولدقدن باشقه ولایتلردهده بیکارجه انسان اولدیریلشدی . بویوز
نجی غریغوری ، صرتکبلری عفوایتدکدن باشقه بو حادثاتک تبعید اولونماسی
طاب ایتمش ، بلاء غایه چوق محترم آیدلر بایلامشدی . کندینی حضرت
عیسانک خلیفه سی عدایدن بو آدم اوفدر حیاسزاق کوسترمشدرکه بو حادثه
دولایسیله بر مادالیه نك ضربی بیله امر ایتمش ، مادالیه نك بر طرفنه کندی
صورتی ، دیگر طرفنه تخریبکار ملک رسچی باصیلیمش ، آلتنه « هوغوونلرک
قتلی » کله لری حک اولومشدی .

هانری لك دورلری آراسنده کی قرق سنه ظرفنده متعدد قتل عاملر دوام
ایتمش، انکیز یسیونلرک قتل عاملری ۱] مجادلات دینه اناسنده وقوع
بولان قتالار، یکریمی سنه پاپالر پاپالره، یسقیوسلر یسقیوسلره،
دو کوشمشلر؛ انسان زهرله مک، کیزلیجه آدم اولدیرمک کی جرملر
شایع اولمش، هر بری نهرونلری، قالیغولالری کزیده براقان اون
ایکیدن فضله مدعی پاپالر هر دورلو ۲] جرمی، جنایتی، خباتی
ارتکاب ایتمشلر، یکی دنیا اهلایسندن اون ایکی میلیون انسان احیا
ایدیلشدر !

اعتراف ایتملی یز، اون درت عصر دوام ایدن بو قدر قورقوج
و فاصله سز محاربات دینه سلسله سی آنجق اقوام خریستیانییه آراسنده
کورولمشدر. «بت پرست» کلمه سبله تحقیر اولونان ملتلردن هیچ ری
برطاقم جملیات اوغورنده بر دامله قان دوکولمشدر.

«ژوریو» دپرکه حقیقی سربستهجه سویله ملی یز. فرانسه قراللری
فریونلرله ساقسونلرک مالکیتنده خریستیانیلی جبرایله تأیس ایتمشلردر.
شمالدهده عینی خط حرکت تعقیب اولونمشدر. پاپالری تقبیجه جرأت
ایدن واله نسلر، ایله آلییجه نسلر آراسنده، وبکی دنیاده عینی شکله حرکت
اولونمشدر. بوندن ده آکلایشیلورکه حضرت محمدرک دینی قوتله نشر
ایتمه سی شایان مواخذ، کورمه مزه محل یوقدر. چونکه قوت استعمالی

۱] (لورونت) ک حسابنه کوره ۱۴۸۱ ایله ۱۸۰۸ آراسنده انکیز یسیونلر
طرفندن احراق اولونانلرک عددی (۳۴۰۲۴) ه بالغدر.

۲] ۱۶۲۷ ده پاپا (اوربان) نشر ایتمدیکی بر امرنامه ایله پاپادن مساعده
آلمادن وبرکی طرح ایدن امرایی، تورکلرله ویا کلیسادن آیریلنلرله معاهده
عقد ایدنلری، روما محکمه سنک احکامنه اعتراض ایدنلری، کاملاً تلغین ایتمشدی.
عجبا حضرت محمد، یاخود اونک دینه منسوب بر کیسه هیچ بروقت
کندیسنه بو قدر صلاحیتلر ویرمشمیدر ..؟

فنا برشی ایسه بزمده بوندن استفاده ایتمه من کر کدی . حال بوکه بز
 دردنجی عصر میلادیدن عصر حضره قدر اوندن استفاده ایتدک .
 بوکا رغماً خط حرکتیزک الحق شایان تحسین اولدیغنی سویله یورز .
 مادام که بویله در . بو خط حرکتک ، بوو سائطک مشروع اولدیغنی
 اعتراف اولونمالیدر . یوقسه برنجی عصرده جنائی عد اولونان برشیئک
 دردنجی عصرده مشروع طاینمامی ، یاخود دردنجی عصرده مشروع
 اولان برشیئک برنجی عصرده مشروع کورولمامسی عین حماقتدر .
 دردنجی عصرده جناب حق یکی بر شریعت کوندرسهیدی بونی ادعایه
 امکان تصور اولووردی . خریستیانلر الحق وعظایله مأمور اولدقلری
 حالده ، کندی دینلرینه منسوب اولمایانلری آتش وقیلجله احما
 ایتملردر . »

مشهور مورخ (کیون) مسلمانلرک مسامحه کارلغیله خریستیانلرک
 تعصب واعتساف کارلغنی شویله جه کوستریور : « مسلمانلر طرفندن
 وقوع بولان حربلر ، حضرت محمدک تصویبیه وقوع بولویوردی .
 مع مافیله حضرت محمدک خلفاسی ، اوزک حیات وسیرنندن الدقلری
 درسلدن ، غیر مؤمنلرک مقاومتی کندیا کسندن قیره حق مسامحه کارلغنی
 انتخاب ایتملردر حضرت ابراهیم ، حضرت موسی و حضرت عیسا ک
 اتباعی حضرت محمدک دینی قبوله دعوت اولونمشلر ، معتدل جزیه نک
 تأدیه سی قبول ایتدکلری تقدیرده کندی دینلری اوزره قالمق حریتی
 احراز ایتملردی . »

حضرت محمدک مسامحه کارلغنی حقنده ایراد اولونان بویاناتی تأیید
 ایچون (میث) یسقیوسی طرفندن « شرق ایله سائر مملکتلرک وصفی »
 عنوانلی اثر دن ، رسول اسلامک سینا راهبرلیله عمومیتله خریستیانلره
 ویردیگی براتی نقل ایدیورز . مؤلفک تقوا پرورلیکی ، استقامت
 ووقوفی وثیقه نک صحنه شاهددر . وثیقه بروجه آتیدر :

حضرت محمد طرفینہ سینا راہبیلد عموم عزبتیاندره ربیلو برات

حضرت محمد طرفندن ویریان براتک ماده لری شونلردر :

۱ — هر کیم بوعهدنامه نك احکامنه مخالفت ایدر سه عهد الهی به مخالفت ایتمش اولور ، و کیم اولور سه اولسون لغته مستحق اولور .
۲ — راهبیلردن هر هانکیسی سیاحت ایدرک برداغ ، تپه ، کوی ، دکنز ویا چولده ، ویا بر مناستر ، کلیسا ویا معبدده یراشیر سه حمایه اولونا جق ، کندیسنه هر درلو تسمیلات کوستریله جک ، مالی و جانی محافظه ایدیله جکدر .

۳ — بونلردن بر کونا ویر کو ویا جزیه آلینمایا جق ، بویله برشی اعطاسنه اجبار ایدیله جکدردر .

۴ — بونلرک حاکمیری ، والیلری ده کیشدیر یلیله جک ، بو مأمورلر مأموریتلردن عزل ایدیله جکدردر .

۵ — سیاحت اثناسنده بونلر بر کونا تجاوزه اوغرامایه جقلردر .

۶ — بونلر ، کندیلرینه عائد کلیسالردن اخراج ایدیله جکدردر .

۷ — بونلرک حاکمیری ، والیلری ، زاهدلری ، مریدلری ،

خدمتجیلری ، هر هانکی ویر کویه تابع اولمایا جقلردر .

۸ — بوعهدده تجاوز ایدنلر امر الهی به تجاوز ایتمش اولورلر .

۹ — داغ باشلرنده منزویانه بر حیات امرار ایدنلر ویرکی واعشاره

تابع ده کلدرلر .

۱۰ — محصولاتک بر کتلی زمانلرنده خاق بونلره بر حصه

ویرمه لیدرلر .

۱۱ — حرب زمانلرنده بونلر اقامتگاهلرندن اخراج ایدیلمیه جکلر،
حربه اشتراکه اجبار ایدیلمیه جکلر، و کندیلرندن برشی طلب
اولونمایا جقدر.

بومادهلر راهبلره متعلق هر شیئی متضمن اولدیغی کبی مواد
آتییه بوتون خریستیانلره عائد خصوصاتی ایضاح ایتمکده در.

۱۲ — مقیم اولان خریستیانلر، تجارت و ثروت صاحبی
اولانلر ویرکی اعطا ایدرلر.

۱۳ — خریستیانلردن باشقه برشی آلیماز.

۱۴ — شاید برخریستیان قادین بر مسلمانله ازدواج ایده جک
اولورسه زوجی اونی کلیسایه کیدوب عقیده سنه کوره ایفای عبادتن
منع ایتیه جکدر.

۱۵ — خریستیانلر کلیسالرینی تعمیر ایتمکدن منع اولونمایا جقدر.

۱۶ — بوشرائطه رعایت ایتمینلر او امر المیهیه مخالفت
ایتمش صایایلرلر.

۱۷ — بونلرک علیهنده بر کیمسه سلاح طاشیمیه جق، بالعکس
مسلمانلر اونلری مدافعه ایده جکلردر.

۱۸ — مسلمانلر بو عهدنامه نك احکامنه علی الدوام رعایت
ایده جکلردر.

بو عهدنامهیه اصحاب کزین شاهد اولارق امضالری قویمشدر.
بوتون بو ایضاحات حضرت محمد علیهنده وقوع بولان ایکنجی
اتهامکده اصل واساسدن عاری اولدیغی کوستر.

۳

قرآنك تعریف ایتدیکی هنت

حضرت محمدك علیهنده درمیان اولونان دیگر بر تهمتده اونك

کثیردیگی سربسته توفیق حرکت ایدنار و اولنک تعالیه کوردیاشایانلارده موجود
اولان جنتک حظوظات مادیه ایله مالامال اولماسیدر . فقط بونی ده
تأمل ایتدیگمیز تقدیرده خریستیانلرک ایللرجه بانه تصور اتمک ناممکن
اولدیغنی کوروروز . قیامت کوننده وجودیمزک فوق التصور بر شکل
اکتساب ایددجکته ، و حواسمزدن هر برینک اک بویوک اذواق
ادراک ایددجک درجهده خارق العاده نشاط و فعالیت احراز ایلده جکته
ایناندقدن صوکره بونده اکلاشیلمایاجق برشی قالماز . چونکه
بوملکاتک فعالیتنی سلب ایدر ، اولنرک ایفاسیله متلذذ اولاجقار
وظائف ایفا ایتدیره مزسهک اولنرک عادتآزده بلا مقصد بخش ایدیلدیکنی ،
بلکه زنی تمام یا منکسر و متألیمک ایچون ویریلدیکنی کوسترمش اولور .
ما-ام که قیامت کوننده بزه بدنمز و حواسمزدده اعاده اولونا جقدر ،
او حالده حواسمزک اورادده نائل اولاجنی شیردن متذوق اولمایاجنی کیم
سویله بیایر و بویکی اذواقدن متلذذ اولمق ناصل بر کنه ، بر جرم
ویا تردی تصور اولونا بیایر ؛ بالخاصه تقییح اولونان ذوق جامعییه
کلنجه بوذوقی دنیاده ظهور ایدن اک مکمل مخلوق اولان انسانه
جناب حق بخش ایتمه مشمیدر ؟ ذت کبریا انسانلره حیاتک ادامه سینه
لازم اولان هر شیئی لطف ایتدیکی کبی نسل بشری نی توالی ایتدیرمک
وظیفه سنی دهذوق آور برحس ایله مشبوع قیلمشدر .

قرآنک مؤمنلره قادینلر ، کوزدل باغچه لر و سائر حسی ذوقلر
بخش ایتدیکی دوغوردر . فقط سعادت اخرویتهک بوشیلرده اولدیغنی
ظن اتمک دوغورده کلدرد . چونکه روح بدنن ده اصل اولدیغنی
ایچون بدنه اذواقی بخش اولونمش ، فقط روحده اذواق علویه سی تأمین
ایدلمشدر . بونک اک بویوک رؤیه اللهدر . بوذوق اعلی جنتک
سائر اذواقنی اونوتدیره جقدر ، جنتده باغچه لر ، کاشاهلر ، نعمتلر ، و سائر شیرله

اكتفا اولانلر ، اهل جنتك اك پست سويە سنده درلر . اك يوكسك مرتبه يى احراز ايدنلر هر كون رؤية الله ايله بكام اولانلر در . بناء عليه جنتك منحصر آذواق حسيه ايله مالا مال اولديغنى سويە لك دوغرو اولماديغى كى مسلمانلرده اذواق اخرويه نك منحصر آ مادي اولماديغنه قانعدرلر . برچوق اسلام علماسى ، مادي اذواقى تصوير ايدن كنانك تمثيلى بر صورتده اذواق روحانيه يى تصوير ايتديكى سويە يورلر .

مشهور (هايد) دير كه : « مسلمانلرك برچونى جنت اذواقنك قابل ادراك اولمق اچون مجازى بر صورتده تصوير اولونديغنى ، ناصل كه كتاب مقدسده ده بوكا مماثل شيلر بولونديغنى سويلرلر . فاس سفيرنه بر مکتوب بازيوركن بباغچه نك جنت كى اولديغنى سويە ديكم زمان بكا ويردىكى جواده دنيا ده جنتله قابل قياس برشى بولونماديغى ، جنتده كوزك كورمه ديكى ، قولاغك ايشيتمه ديكى ، عقتك تصور ايدمه ديكى شيلر بولونديغنى يازمشدى . » بوكا برده مشهور (ههربلو) نك (بيليو تيقا اوريه نتايس) ده مسلمانلر جه اك بويوك ذوقك رؤية الله اولديغنى بيان ايتدكن صوكره يازديغى شوجهلرى علاوه ايدم بيايرز : « مسلمانلرك مخالفلى طرفندن سويە نلديكى وجهله اولنرك آخرتده حواسى ممنون ايدن اذواقدن باشقه ذوق طائىمادقلى دوغرو ده كلدر . » بوايضاحندن ، ديانت اسلاميه نك شهوانى ماهيتنه دائر سويە ن سوزلرك منصفانه اولماديغى اكلا شيلير . مجرد خريستيانى بر نقطه نظر دن ، شرق ملتلى نك بعض اعتياداتى اوروپا ليلرك نظر نده بويوك قصور و بويوك كناه اولارق تالق اولونيور . حال بوكه بونلر ده منصفانه بر صورتده تدقيق اولونور سه ايش ده كيشير . هر حالده مكلفيات اجتماعيه نك و منشأ ، اقليم ضرورتلىرى نظر دفته آمالى ز . حضرت محمد طرفندن توصيه اولونان جنتك اونك سجيە سنى

عکس ایتدیردیکنی سویله یئرلر یا کیلیورلر، بایککه پک ظالمانه تجاوزانده بولونوبورلر . چونکه حضرت محمد، بالعکس، فقیر، فعال، عوام ناسک هدف مساعی عد ایتدکلری شیلره اهمیت ویرمز برانساندی .

۴

تعدد زوجات مسند سی

تعدد زوجات ، شرقده متعمم اولان بر عادتدر . حضرت ابراهیم زماننده بیله بو عادت حکمرانندی . کتاب مقدسک برقاچنک اقتباس ایده جکمز صحیفه لری تعدد زوجاتک اوزمانکی دهاتمیز بشریت طرفندن برکناه تلقی ایدیلهدیکنی کوستریور .

تعدد زوجات اسکی یونانیلرجه مقبولدی . (پلوتارق) بونی یاد ایدیور . اورپیدیس ایله افلاطون تعدد زوجاتی مدافعه ایتمشلردی . اسکی رومالیلر تعدد زوجاتدن استفاده ایتهدیلر سده اونی منع ایتمه مشلردر . (مارق آنتونی) ، ایلاک دفعه ایکی زوجه آلان ذات اولارق تعریف اولونیور . اوندن صوکره بو عادت ثودوسوس، هونوریوس، وارقادیوسک زماننه قدر شیوع بولمش، آرقادیوس ۳۹۳ده اونی منع ایتمشدی . دها صوکره ایمپراطور (والهنتیهن) نشر ایتدیکی برامرنامه ایله بوتون تبعه سنک آرزو ایتدکلری تقدیرده متعدد زوجه لر آلابیله جکلرینی اعلان ایتمشدی . او زمانک کلیسا تاریخی تدقیق ایتدی کمز تقدیرده یسقیوسلرک تعدد زوجاته قارشى براعتراض درمیان ایتدکلرینی کورمه یورز . بویوک (قسطنطین) ک اوغلی (والهنتیانوس قونستانتیوس) ک متعدد زوجه لری واردی . فرانسه قرالی (قلوته ر) ک اوغللری هریبارتوس ایله (هیبه ریقوس) ده تعدد زوجاتدن استفاده ایتمشلردی . بونلره (پاپین) ایله شارلمانی، لوتر ایله اوغلی، (۸۸۸) ده آلمانیا ایمپراطوری اولان یدنجی ارنو افوس ، فرهدریک بارباروسا ،

وفرانسه قرالى فيليپ تئوداتوسى علاوه ايدى بيليرز . فرانسى قراللىرىنىڭ ايدىكلرى آراسىدە (غونتران ، قارىبىرت ، سىجىرت وچىلبەرىك) نى متعدد زوجەلىرى بولوندىغى كوروپورز . (غونتران) ك وەنراندە ، مەرقارود ، اوسترىجىلد نامىدە اوچ مشرۇع زوجەسى باردى . (قارىبىرت) نامىدەكى حكىمدار ك (مەرفىلدە ، مارقونەزا ، تئودوجىلدە) نامىدە اوچ زوجەسى بولونىوردى .

(دانىەل) ، فرانسىز قراللىرىنىڭ تعددزوجاتىدىن استفادە ايتىدىكلىرىنى اعتراف ايدىيور ، برنجى (داغوبىرت) ك اوچ زوجەسى بولوندىغى انكار اتمەد كىن باشقە (تئودوبىرت) ك ذات الزوج بر قادىن اولان (دىنتارى) نى ، ارلى اولدىغى و (وىزىجىلد) نامىدە بر قارىسى بولوندىغى حالە آلدىغى تقرير ايدىيور . (داغوبىرت) ك بو خط حر كىتلە عمجەسى (قلوئەرى) نى تقلىد ايتىدىكى ، قلوئەرك اوچ زوجەسى بولوندىغى حالە (قىرىبۇدومىر) ك دول قالان زوجەسى آلدىغى علاوه ايدىيور . تعددزوجاتىك فىسيولوژىك اسبابىدىن بىر ايدىيور كىن (مونىسكىو) سىجاق مملەكتەردە قادىنلار ك سىكىز ، طقوز ، اون ياشلىرىدە اولمىك چاغىنە وارد قلىرىنى ، يكرمى ياشىدە عادتا اختيار لاد قلىرىنى ، عقللىرىنىڭ كوزەللىكلىرىلە برلىكدە نشوونما بولمايدىغى ، بىنەئ عليه بومملەكتەردە تعددزوجاتىك پىك طبعىي اولدىغى بىان ايتىمكدەدر .

معتدل مملەكتەردە ، قادىنلاردا يوكسىك بىرىشىدە تكمىل ايتىدىكلىرى واولەندىكلرى اىچون زوجىلە برابىر اختيار لايورلر . واولەندىكلرى زمان عقللا و عىرفانا خاىلى ايلرىلە مش بولونىورلر ، بىنەئ عليه بوناردە بر زوجە ايلە ا كتفا اتمىك قانونى تولد ايدىيور . ار كىكلرى عقل وقوت بىدئە ايلە تمىز ايدىن طبعىت ، اونارى بو عقل و بو قوتدىن باشقە بر شىلە تقىيد اتمەمشىد . طبعىت قادىنلارە حسن و فسون بخش اتمىش ، ار كىكلر

اوزرنده کی نفوذلرینی بو حسن و فسونک دوامیله تأمین ایله مشدر .
عیجاق ممالکتارده ایسه حسن و فسون حیاتک مبادیسنده کورولور ،
اوندن سوکره زوال بولور .

بوندن دولاییدرکه آنجق برقادینه اولمهی ایجاب ایدن قانون
اوروپا ایچون موافق اولدیغی حالده آسیاتک اقلیمه موافق ده کادر .
وینه بوندن دولاییدرکه مسلمانلق آسیاده سهولته انتشار ایتدیکی
حالده آوروپاده مشکلاقله انتشار ایتمش . خریستیانلق ایسه آوروپاده
تأسس ایتدیکی حالده آسیاده طوتونامامشدر . مسلمانلغک چین ده انتشار
ایتدیکی حالده خریستیانلغک انتشار ایدمه مسنک ده سبی بودر .

(سهزار) دن اکلایشیلدیغنه کوره اجدادیمز (انکلیزلر) تعدد
ازواجدن استفاده ایتشار ، یعنی اون ، اون ایکی زوج بر تک قادینه
یاشامشاردر . قاتولیک میسیونره لر ی بو ابتدائی انسانلرک آراسنه
کلدکلری زمان رهبانیتی تشویق ایتشار ، بر انسانک ردول ایل اولمهنسک
تعدد زوجات اولدیغی ، بونک ایسه دیناً موجب مجازات اولدیغی
سویله مشلر ، نهایت وحدت زوجه اساسی قبول اولونمشدی . اسکی
المانلرکده وحدت زوجه اساسنه رعایتکار اولدقاری اکلایشیلور .

تعدد زوجاتک مشروعیته کلنجه کتاب مقدسک آتیده کی اسفارینه
مراجعت اولوندیغی تقدیرده اونک (یاهووا) طرفدن هم تصویب ،
همده تقدیس اولوندیغی کورورز :

کتاب التکوین ۳۰ نجی باب . کتاب الخروج ۲۱ نجی باب ،
کتاب تثیه ۱۷ نجی باب ، صموئیل اول ، صموئیل ثانی ، وسائر
(سن قریسوستوم) ابراهیم ایله هاجردن بحث ایدرکن دیرکده :
« بوکی شیلر منع اولونمامشدی . » (سن اوغوستین) ده دیرکده
« بر انسانک بر زوجهدن فضل برقادینه ازدواج ایتمه سی کی شایان

مؤاخذہ اولمایان بر عادت شایع بولونیوردی . بوعادت بر فریضہ
سمتیلہ ایفا ایدیلیردی . انسالک تکثیری ایچون تعدد زوجاتدن
استفاده بی منع ایدن بر قانون یوقدی ! »

۷۲۶ سنه سنده آلمان رؤسای دینه سندن (بونیفاس) پاپا
(غریغوری) دن بر آدمک ایکی قادینله نه زمان ازدواج ایدیله سنه
مساعده اولونا جغنی صورمش ، پاپا غریغوری ، عینی سنه نك ۲۲ تشرین
ثانیسنده شو جوابی ویرمشدی : « شاید بر زوجه ، وظائف زوجیه نك
ایفاسنه مانع بر خسته لغه طوطولور سه زوج دیگر بر قادینله ازدواج ایده بیلیر .
شو شرطله که خسته زوجه سنه ده ایجاب ایدن هر معاوتی ایفا ایتمه لیدر . »
خریستیان محرر لر آراسنده ده تعدد زوجاتی مدافعه ایدن لر ظهور
ایتمشدر . بر تاردو اوشینوس ، اون آلتنجی عصرک اورنالر نده محاوروی
بر اثر نشر ایدرک تعدد زوجات لهنده اولدیغی کو سترمش ، عینی
صیره لرده بوموضوعه دائر دیگر بر رساله انتشار ایتش ایسه ده
محرری اولان (لیساروس) ، (توفیلوس آلوتهس) نام مستعارینی
قوللانمشدی .

(سه لهن) ، تعدد زوجاتک یالکیز یهودیلر آراسنده ده کل ، سائر
بوتون اقوامک آراسنده ده مباح اولدیغی اثبات ایتمکده در .
فقط تعدد زوجاتک اک ممتاز مدافعی مشهور (ژون میلتون) در
میلتون « عقیده خریستانیه حقنده رساله » عنوانلی رساله سنده تعدد
زوجاته دائر کتاب مقدسه کی متعدد سوزلری نقل ایتدکن صوکره
دیورکه : « رب » ، مجازی بر مثله کندینی ایکی زوجه آلمش ، (اهو له)
(اهو لیته) ایله اوله نمش کو سترمکده در . طبیعی بوعادت منفور
ویا شبهه آور اولسه (یا هووا) ولو تمثیلی بر صورتده بونی موضوع بحث
ایتمزدی . او حالده کرک تورات ، کرک انجیلده هیچ بر کیسه ایچون

ممنوع اولمایان برشی ، نیچون حجاب آور، یاخود ناموس شکن عسده
اولونیور ؟ ! « مسئله یی باشقه بر نقطه نظر دن ده محاکمه ایدیه بیلیرز .
تعدد زوجات ، یانکاحدر ، یاخود زنادر . حرمت ایتدیگمز بونجه
انییا متعدد زوجه لر آلمش اولدقلرندن اونلره زنا اسنادینه امکان یوقدر .
اوحالده تعدد زوجات « نکاح » در . نکاح ایسه مشروع و شرفایدر .
بناءً علیه حضرت محمد ، جناب حقلک اسکی شریعتلرده مشروع
کوردیکی برشیی آنجق تنظیم ایتشددر . اوکا تعدد زوجات دن دولایی
بر کونا هجومده بولونمغه محل یه قدر .

تعدد زوجات علینده کی باشلیجه دلائل ، اونک حیات عائله ده
جنسین آراسنده کی مساواتی احایدن بر استبداد وجوده کتیردیکی ،
اونک حقیقی محبت و دوستلغی ییقدینی ، حسد و عائی اختلافی تولید ایتدیکی در .
متعدد زوجه لره صاحب اولانلرک اولرنده مستبدانه : مطامعت
حکمفرما اولدیغنی ظن ایدنلر ، آسیایلرک عاداتنه آکاد اولمایانلرک
جاهلانہ خطاسنه صاپورلر . شرقلرک عاداتی تصویر ایدن ، فقط
شرق محررلری طرفندن یازیلان اثرلری او قویانلر ، قادینک او طرفلرده
محکوم اولدیغنی ظن ایدنلر باطل بر ذهابه صاپورلر . (اتکینسون) ،
ایران قادینلری حقنده یازدیغنی ائرده دیپورکه « انکلترده شرق
قادینلری حقنده بیلینن یکانه شی ، اونلرک جبارار ککلرینه جاریه لک ایتدکلریدن .
حرملرده محبوس اولدقلرندن عبارتدر . « اتکینسون بو ذهابک باطل
اولدیغنی بیان ایدرک شرقده قادینلرک ، بالخاصه اسلام قادینلرینک جائز
اولدقلاری حقوق و منافی ایضاح ایتکده در . حرم بر محبس ده کل ،
بر مأوای حریتدر . زوج حرمه کیردیکی زمان ، آرتیق افندی
اولدیغنی اونو تور ، هر کسک نظری اوک خانمنه توجه ایدر . آلتش یتمش سنه
مقدم انکلتزه یی زیارت ایدن ابو طالب خان ، انکلتزه عائله حیانه

دقت ایتش اوکا دائر انکلزجه یه ترجمه اولونان برأثر قلمه آلمشدی .
 مومی الیه اسلام قادینلرینک ، اوروپالیلردن دها قوتلی حقوق وحریته
 صاحب اولدقلرینی بیان ایتمکده ، تعدد زوجاتک حیات عائله ده مطلقیت
 تأسیس ایتدیکنی شو ملاحظه ایله رد ایتمکده در : « بنم اکلادیغمه
 کوره ایکی دیشی قاپلانله یاشامق ، ایکی قادینله یاشامقدن اهورندر .
 مشهور سیاح (نایبوهر) ده عینی فکرده در . مومی الیه دییورکه
 » اوروپالیلر شرقده ازدواجک ، غربده کی ازدواجدن بام باشقه
 اولدیغنی ظن ایتمکله خطا ایدیورلر . بن عربستانده بویله برفرق
 کورمه دم . بوملکیتک قادینلری ، اوروپاده کیار کی سربست و مسعود
 کورونیور . کرچه مسلمانلر آراسینده تعدد زوجات عادتق شایع
 بولونیور ، بوایه آوروپالی قادینلری متدهش ایدیورسه ده ، عربلر
 درت زوجه آلمق حقندن نادراً استفاده ایدیورلر . آنجق زنکینلر
 تعدد زوجاتدن استفاده ایتمکده ، فقط بونلر عموم طرفندن خوش
 کورولمه مکده درلر . عقلای آدملر ، بوجوازی ، موجب ممنونیت کورمه یور ،
 بالعکس اونک اضطراب آور اولدیغنی سویله یورلر . چونکه برزوج
 زوجه لری آراسنده مساوات وعدالت تامه دائره سنده حرکت ایتمکه
 شرعاً مجبوردر ، فقط بووظیفه یی ایفا ایتک او قدر مشکلددر که عربلر
 اوندن نادراً استفاده ایدیورلر .

تعدد زوجاتک حقیقی محبت ومودتی احما ایتدیکنه کلنجه اوروپانک
 یوکسکجه صنفلری آراسنده تعدد زوجاتدن استفاده ایتک امکانی اولسه
 شبهه سز ، اوندن استفاده ایدنار پک محدود اولور وایکنجی ازدواجلر
 برنجیسندن دها آز مرغوب اولوردی . ازدواج معامله لرینک بارد
 مراسمی ، آیری آراهلر ، ویوکسکجه صنفلر آراسنده معلوم اولان
 سائر ترتیبات ، تمیز وصاف محبتی تخریب ایده جک ماهیتده در . غربده

مودایه تابع اولان قادن ، تعدد زوجاتی مباح طائیان مملکتاردن
فضله ، آلینوب صاتیلمقدهدر .

تعددزوجاتک محبتی اطفا ایتدیکنه دائر درمیان اولونان فکر ،
اسکی انکاترهک یگانه حریت و مسعودیت مملکتی اولدیغنه دائرایاری
سورولمش متعصبانه مطالعاتدن تولد ایتمکدهدر . شاید تعدد زوجات ،
دهنیلدیکی قدر فناایسه ، دنیاایک بو قدر بویوک برقسمنده شیوع بولمازدی .

در دجی قسم

معالی قرآن

معالي قرآنه

ب- فصل

زکات و صدقات ايله مکافاتى - حقيقى مؤمنلرک جنتده مسعودىنى - حلفت عالم - شریکى و نظیرى اولمايان ذات کبریا - بوتون مخلوقات ذات اجل و اعلاىی تقدیس و تنزیه ایلر - خالقک یدنجی کونده استراحت ایتدیکی بهتانى رد - عرش الہى - جناب حقک هر یرده حاضر و ناظر اولدینى - ذات کبریآنک اوغللاری یوقدر - جناب حقک کفران کوسترنلرک سفلتی - محشر کوننک شدائی - بر ذره آغیرلغنجہ خیر و بر ذره آغیرلغنجہ شر - روح، کناهلرینى نه صورتلہ و نه کبی شرائط آلتنده طانیہ جق - حیواناتہ قارشى شفقت - چوجوق اولدیرمک - ابوینه حرمت و اطاعت - الفرقان (حاشیه) - طاهر اولمايانلر قرآنہ ال سورہ منزل - دوغرو اولچمک - قرآن طرف کبریادن کوندریلن بر وحى الہى در - جناب حقک حضرت عمى صیاتی - ایچکی وقار ممنوعیتی - والدینہ حرمت (حاشیه) - ایتامہ قارشى بر و شفقت - حقیق تقوى - نمازلر - مفتریلرک جزاسى - ارواح ناصل محافظه اولونور ، ناصل محو اولور - قادینلر .

زکات و صدقات

﴿ فاتقوا الله ما استطعتم واسمعوا واطيعوا وانفقوا خيراً لانفسکم ومن یوق شیخ نفسه فاولئک هم المفلحون ﴾
سورۃ تغابن ۱۶
«قدرتکز یتدیکی قدر جناب حقق قارشى وظائفکزى ایفا ایدیکز .
دیکه یتکز و اطاعت ایدیکز . کندى نفسکزک خیر و سعادتى ایچون
ماللریکزدن انفاق ایدیکز . نفسلرینک خست و امسا کندن قور تولانلر
یوقى ، ایشته فلاحه ایره نلر اولردر .»

«الذين ينفقون اموالهم بالليل والنهار سرا و علانية فلهم اجرهم عند ربهم ولا خوف عليهم ولا هم يحزنون .» سورة بقره ۲۷۵
 «اونلر كه كيجه، كوندوز ؛ كيزلي، آشكار ماللريني انفاق ايدرلر ،
 اجر ومكافاتلري نزد الهيده مهيا در . اونلر ايچون هيچ بر خوف
 و كدر يوقدر .»

«ان تبدوا الصدقات فنعما هي و ان تحفوها وتؤتوها الفقراء فهو
 خير لكم ويكفر عنكم من سيئاتكم والله بما تعملون خبير .» سورة بقره ۲۷۱
 «صدقه لريكزي آشكار ويريرسه كز بو كوزهل برشيدر . فقط
 اونلري كيزلرده فقرايه ويريرسه كز بوسزك ايچون دها خيرليدر ،
 سزك كنها لريكزي محو ايدر . جناب حق هر يابديغمزي بيلير .»

«ان تقرضوا الله قرضاً حسناً يضاعفه لكم ويغفر لكم .» سورة تغابن ۱۷
 ماللريكزي خلوص قبله امر اولونديغمكز يولده صرف ايدرسه كز
 جناب حق بونك اجريني مضاعف ايدر وسزي مغفرتنه نائل ايلر .»

مؤمنلر

«ونزعنا ما في صدورهم بما كنتم تعملون» سورة اعراف ۴۲
 «اصحاب جنتك قابليدن هر درلو بغض وحسدي چيقاردق .
 اونلر مسكنلرينك آلتدن ايرماقار آقار . اونلر ديرلر كه : الله
 تعالايه حمد و ثنا اولسون كه بزي بونعمت و مقامه ايرديردى .
 بزه بويولى كوستر مه سیدی بز كنديلكمزدن طريق حقه ايره مزدك .
 محقق ربمك پيغمبرلري حقله كلديلردى . اصحاب جنته دنيله جك كه
 ايشته سزه عمللريكزدن دولايي ويريلن جنت بودر ! .»

«و بشر الذين آمنوا وهم فيها خالدون» سورة بقره ۲۴
 «ايمان ايدوب اعمال صالحه ايشله يناره تبشير ايت كه اونلره ايچنده

ایر مقلر آقان جنتلر ویریله جکدر . اونلرک میوه لرندن رزقله ندجه
بو بزم اولجه نائل اولدیغمزه بکزه یور ، دییه جکلر . چونکه
اونک مشایهی الله ایده جکلردر . اونلرک اوراده طاهر زوجهلری
واردر . و اوراده ابدیاً قالا جکلردر . »

ملکت

« الله الذی رفع السموات بغير عمد ترونها تو قنونه » سورة رعد ۲
« الله او اللهدر که کوکلری کوردیکیز هیئتده دیر کسز رفع ایلدی .
صوکره عرش اوزرینه طوردی . کونش و قمری (مصالح عبادایچون)
تسخیر ایلدی که بونلرک هر بری معین بر زمان کندی یولنی دور
ایدر . جناب حق هر شیئی تدبیر ایدر ، آیاتی توضیح ایلر ، تا که
هیکیز اللهکیزه ملاقی اولاجغکیزه یقیناً امین اولاسکیز . »

« وهوالذی خلق السموات و الارض بالحق تعالی عما یشرکون ... » سورة نحل ۳
« او اللهدر که کوکلری و یری حق ایلله یاراتدی . ذات کبریایی
هر شریکدن منز و تعالیدر . »

« الله لا اله الا هو الحی القيوم وهوالعلی العظیم . » سورة بقره
« الله او اللهدر که اوندن باشقه بر اله یوقدر . باقیدر . هر آن
بوتون خلقت اوزرنده حاکم و قائمدر . نه اویوقلار ، نه اویور ،
کوکلرده و یرده نه وارسه هپسی اونکدر . کیم تصور اولو بابیلیر که
قالقسینده اذنی اولمقسزین نزد الهیسنده شفاعت ایده بیلسین ؟ ..
مخلوقاتنک ایشله دکلرینی ، ایشله جکلرینی بیلیر . مخلوقات ایسه علم
الهیسندن یالکیز اونک دیله دیککی قاورایه بیلیر ، باشقه بر شی بیله مز .
علمی بوتون کوکلری ، یری قوجاقلار و بونلرک نکهبانلغی کندیسنه

آغیر کلز. یوکسک، بویوک یالکیز اونک ذات کبریاسیدر .»

«سبح لله ما فی السماوات . . . وهو علیم بذات الصدور» سورة حدید
 «کوکلرده ویرده نه وارسه هپسی ذات کبریایی تقدیس» تنزیه
 ایلر. علیم و حکیم اودر. کوکلرک صاحب و متصرفی اودر. یاشاتیر،
 اولدیرر، هرشی اونک دائرة قدرتندهدر. اول اودر، آخر اودر،
 ظاهر اودر، باطن اودر، هرشیئیلین اودر. کوکلری و یرلری
 آلتی کونده یاراتقدن صوکره عرش تدبیرندن هر شیئی اداره ایدن
 اودر. یره کیرهن، یردن چیقان، کوکدن اینن و اوکا چیقان
 هر ذردنی بیلن اودر. نرده بولونورسه کز، او سزکله برابردر. سما
 وارض مالکوتی اللهکدر. هپکیز اوکا دونه جکسکیز. کونی کیجهیه
 تعقیب ایتدیردن، کیجهیی کوک پشندن کتیرهن اودر. انسانک
 اک کیزلی دوشونجه لرینه آگاه اولان اودر.»

ذات الوهیت

«الحمد لله رب العالمین . . . علیهم ولا الضالین آمین» سورة فاتحه

حمد او الله ایدیلیرکه رب العالمیندر، رحمن ورحیمدر، روز قیامتک
 صاحبیدر. (الهمی!) یالکیز سکا قوللق ایدهرز، یالکیز سندن یاردیم
 دیلرز. بزه دوغرو یولی، نعمت لرینه نائل اولان، غضبه اوغرامایان،
 شاشیرمایالمرک یولنی کوستر. آمین.

«قل هو الله احد، الله الصمد، لم یلد ولم یولد ولم یکن له
 کفواً احد.» سورة اخلاص

دی که، او الله بردر، هرکسک پناه والتجاکاهی اولان اللهدر،
 طوغورمادی، طوغمادی واونک برنظیر وشریکی اولمادی.

«تبارك الذى بيده الملك وهو على كل . . . وهو حسيب» سورة الملك

بوتون ملكى قبضة تصرفنده طوتان ذات كبريا متره و متعاليدر . هر شينه
قادر در . اولوى و ديرلىكى ياراتدى كه هانكيكزك دها فضله حسن عمل
صاحب اولديغنى دهنه سين . عزيز و غفور اودر . اوست اوسته يدى كوك ياراتدى .
اونك ياراتديغنده هبيچ برقصور كوره مزسكز . كوزلرني سما طرفنه دوندر .
عجا اونده ذره قدر برنقصان كوره بيليرميسك؟ صوكره تكررار بتكرار بق .
كوزلك هبيچ برقصور ونقصان كورميه رك دونر .

« وعنده مفاتيح الغيب الافى كتاب مبين » سورة انعام ۵۹

بوتون غيب خزنه لرنيك آناختازلرى اونك نزدنده در . اونلرى آجق
اوبيلير . قره ده ، دكزده نه وارسه هپسنى بيلير . آغاچلردن دوشن هر
ياپراغك دوشديكى بيلير . ارضك قارا كاكلرنده كي دانه لر، ياش ، قورو هر شي
كتاب مپينده در .

«تسبيح له السموات السبع والارض ومن فيهن وان من شيء الا يسبح

بحمده و لكن لا تفقهون تسبيحهم » سورة اسراء ۴۴

يدى كوك و ير و بونلرك اچنده نه وارسه هپسنى ذات كبريانى تسبيح
وتقديس ايلر . برشى يوقدر كه اللهى تقديس و تنزيه ايتمه سين . يالكز سز
اونك طرز تسبيحنى ادراك ايده مزسكز .

«لله مافى السماوات ومافى الارض وان تبد وامافى انفسكم او تخفوه

يحاسبكم به الله » سورة البقره

كوكلارده ويرده نه وارسه هپسنى اللهكدر . اچكزده كنى اللهى ايسه كزده ،
كيزلهسه كزده جناب حق سزدن اونك حسابنى صوراجقدر .

«ولا تجعلوا الله عرضة لايمانكم ان تبروا وتتمقوا وتصلحوا بين الناس

والله سميع عليم سورة بقره ۲۲۳

مقصديكز روتقوى واصلاح بين ايسه يمينكيزى مانعه ياپمايكز . جناب حق
ايشيدير وبيلير .

«لَا يَأْخُذُكُمْ اللَّهُ بِاللَّغْوِ فِي أَيْمَانِكُمْ وَلَكِنْ يُؤْخِذُكُمْ بِمَا كَسَبَتْ قُلُوبُكُمْ وَاللَّهُ غَفُورٌ حَلِيمٌ»
سورة بقره ۲۲۴

ذات کبریا ناهق بره وقوع بولان یمینلر کزدن دولایی سزی مؤاخذه ایتمز . آنجق قلبکیز لسانکیزه مطابق اوله رق خلافه یمین ایدرسه کیز سزی مؤاخذه ایدر . الله ، غفور وحلیمدر .

معادیت و صفات

«واللیل اذا یغشی والنهار اذا تجلی... فسنیسرد للعسری» سورة لیل
عالی قارا کلغیا اورتن کیجه حقیچون ، کیجه نک قارا کلغی بر طرف ایدوب
عالمه ضبا وبرهن کوندوز حقیچون ، ارککی و دیشی بی یارادن حقیچون ،
سزک سمی و عملکیزک مختلف هدفلری وار . ایچکیزده هرکسه حقنی ویرهن ،
هر فناقدن صاقینان و اک ابی شیئی قبول و تصدیق ایدنه اک کوزهل
عاقبتی قولایلاشدیره جغز . فقط خست کوسترهن ، الیهدن مستغنی اولدیغنی
ادعا ایدن و اک ابی شیئی یالان تلقی ایدنه اک فنا عاقبتی قولایلاشدیره جغز !

انسانک کفرانی

«والعادیات ضیحاً... ان رهم بهم يومئذ خیر» سورة عادیات
کوکسلی قاباره قاباره قوشان ، قوشیورکن آیاقلریله طاشلردن قیویلجملر
چیقاران ، صباحلین دشمنه آتیلان ، توزی طوپراغی قالدیران ، و طوپلو
کتیبه نری یارارق ایچلرینه دالان غازیلر حقیچون ، انساار الیهنک نعمتلیرینه
کفران ایدیور ، بوکا بالذات کندیسیده شاهددر . انسان دنیا متاعنه
حر یصدر . بیلمه یورمی که مزارلرک ایچنده کی هر شی آشکار اولور و قلبلرده کی
هر شی میدانه چیقارسه نه اولور؟ محقق الله تعالی هرشی بیلیر و جزاسنی ویرر .

قیامت کونی

«اذا زلزلت الارض زلزالها واخرجت ومن یعمل مثقال ذره
خیراً یره ومن یعمل مثقال ذره شراً یره»
سورة زلزال

وقتا که ارض دو چار اولاجنی زلزله به گرفتار اولور، ایچنده کی بوتون یوکاری میدانه چیقاریر، انسان ده «نه اولیور؟» دیر؛ او کون ارض دیله کلوب هر شیئی خبر ویریر، چونکه جناب حق اوکا هر شیئی وحی ایدر. او کون آدم اولادلی پراکنده پراکنده کلیرلر، ونه یاپدقلرینی کورورلر. کیم که ذره آغرلغنجه بر خیر ایشله مشدر اونی کوره جک. کیم که ذره آغرلغنجه شر ایشله مشدر، اونی کوره جکدر.

«اذا السماء انفطرت واذا الکواکب انتثرت.... علمت نفس

ما قدمت و آخرت»
سوره انفطار ۱ — ۵

سما تارمار اولدینی، ییلدیزلر دو کولوب داغیلدینی و دکزلر بربرینه آقوب هپسی برلشدیکی، هزارلر آت اوست اولوب ایچنده کنی طیشاری به فیرلاتدینی زمان هر کس اول و آخر نه یاپدیغنی آکلایاجقدر.

«اذا الشمس کورت و اذا النجوم انکدرت و اذا الجبال سیرت....

علمت نفس ما احضرت»
سوره تکویر ۱ — ۱۴

کونش طوس طوب اولوب ده وریلدیکی، ییلدیزلر قارادوب یا غمور کی بره دو کولدیکی، داغلر یرلرندن سو کولوب ذره کی اوقاقلاندقلری، حیوانلر عقامته او عرادینی، ده کزلر بربرینه قاریشوب قاینادینی، جانلر بدنلره قاووشدینی، دیری دیری کوموله نلر هانکی کنه بوزندن اولدیرلدکلرینی سورددقلری، کتابک یاپراقلری آچیلدینی، کوکلر دری کی یوزولدیکی، جهنم قیز دیریلدی و جنت یاقلاشدیریلدینی زمان هر کس ایشله دیکی خیر و شری آکلایاجقدر.

فدانه

«تبارک الذی زل الفرقان علی عبده... فقدره تقدیرا» سوره فرقان

متعالی و منزله اولان ذات کبریا بوتون اقوامی انذار ایتک اوزره فرقانی [۱] قولنه کوندردی. کوکلرله یرک ملکوتی اونکدر. او هیچ بر اوغل

[۱] فرقان حق ایله باطلی بربرندن آیردایدن دیمکدر. مؤلف بوکله دن

ایدینه دی ، ملکنده شریکی اولمادی . هر شیئی لایق اوزره یارادوب مقدارینی تعیین ایتدی .

« والنجم اذا هوى . . علمه شدید القوی » سورة نجم ۱ - ۵
غروب ایدن ییلدیز حقیچون سزک آرقاداشکن محمد ، اصلا ضلالتیه
صاپمادی و خطایه دوشمه دی . کندی آرزو وهوسیله بر سوز سویله مدی .
اونک دین نامنه تبلیغاتی آنجق وحی الهیدر . بو وحی اوکا قوتی چتوق
شدتلی اولان اوکره تدی .

« أفرايتم النار التي تورون ، ااتم شجرتها ام نحن المنشئون ... تنزيل
من رب العالمين » سورة واقعه ۷۲ - ۸۱

یاقدیغکن آتشی کوریور میسکن ؟ اونک آغاجنی زمی وجوده کتیردیکن ،
یوقسه زمی ؟ بزبو آتشی بر عونته عبرت یابدق که اهل بصیرت اونی کوروب
عبرتین ، و هرکس اوندن مستفید اولسون . او یله ایسه حق
جل و علانک نام اقدسی تسبیح و تقدیس ایله . ییلدیزلرک موافعیله قسم
ایدرم . که بوقسم چوق بویوک بر قسمدر ، بو محقق قرآن کریمدر ، لوح
مخفوظده مصون کتاید ، اوکا آنجق طاهر اولانلر ال سوره بیلیرلر .
بو کتاب ، رب العالمین اولان الله طرفندن کوندرلمشدر .

طاریلر ، واولچرلر

« ويل للمطففين يوم يقوم الناس لرب العالمين . » سورة مطففين
ویل او اکسیک اولچن ، اکسیک طارتانلره که ، انسانلردن برشی صاتین
آلدیلرمی کندیلرینه عائد اولانی تام اولچوب ، تام چکرلر ؛ فقط انسانلره
صاتدیلمی اکسک اولچرلر ، اکسیک طارتارلر . بونلر بیلیمه یورلرمی که بویوک
برکون ایچون بعث اولوواجقر ، واکون بوتون انسانلر رب العالمینک حضورنده
دوراجقلردر .

بحث ایدیورکن اونک قورتاریجی ، آیدینلا یجی معنا سننده اولدیغنی ، یهودیلرکده
توراته فرقان نامنی وبردکلرینی و بوکله یی بومعنا لرده قولاندقلرینی بیان ایدیور .

«الرحمن علم القرآن . . . ولا تخسروا المیزان» سورة الرحمن ۸-۱
 رحمانیتله متصف اولان الله غمه قرآنی تعلیم ایتدی. انسانی خلق ایدوب
 اوکا بیانی اوکرهتدی. شمس و قمر برجلرنده و منزللرنده تقدیر اولونان
 حسابله جاریدر. نجم و شجر الله سجده ایدیورلر. الله تعالی سمای یوکسلتهرك
 میزانی وضع ایتدی. تا که میزان عدالتده حدی تجاوز ایتمه یسکیز. وزنی عدالتله
 دوس دوغرو وزن ایدیکز و انسانلرك حقندن برشی اکیلمتمه ییکیز .

«القارعة ما القارعة وما ادريك ما القارعة . . . بارحامیه» سورة قارعة
 قیلیری داغلایان کون، نه مدهش کوندرکه اونک هیبتندن قیلرووریلور،
 اوکونک شدت واضطرابندن انسانلر چکرکه کبی بربرینه قاریشوب پامال
 اولورلر، داغلر آتیلیمش پاموق کبی داغیلوب اوچارلر. فقط او کون
 ایشله دکاری حسنانی آغیر کلنلر، جنتده اک کوزهل حیاتی سورهرلر.
 حسنانی خفیف و سیئانی آغیر کلنلرك یری، جهنمک اسفلیدرکه،
 اوراسنک نه اولدیغنی بیلورمیسکیز، اوراسی اک یاقیجی آتشدیر.

حضرت محمد

«طه ! ما انزلنا عليك القرآن لتشقي الاتذکر لمن یحشی . . . لا اله الا هو له الاسماء الحسنی» سورة طه ۱-۷
 یا محمد ! بز سکا قرآنی محنت و مشقته اوغراماک ایچون کوندرمه دک.
 اونی قلبنده خشیت ورقت اولانلره وعظ و نصیحتده بولونمق اوزره
 کوندردک. قرآنی، ارضی و بوکسک سماواتی یارادان ذات کبریا کوندردی.
 اله رحمت، عرش تدبیرنده قائمدر. سماوات و ارضک ایچنده، یرک آلتنده
 نه وارسه هپسی اونکدر. سن سوزینی آشکار سوبلرسهک سوبله، فقط
 جناب حق، کیزلی سوزی ده، ضمیردن کچه نی ده بیلیر. الله، اوللهدرکه اوندن باشقه
 بر الاله یوقدر، اسمای حسنی اونکدر.

«والضحی واللیل اذا سجی ما ودعک ربک وما قلی . . . واما بنعمة ربک فحدث» سورة الضحی

قوشلق حقیچون، ظلمتی اشیایی قاپلایان کیجه حقیچون، ربک سنی
 اصلا ترک ایتمه دی، سندن نفرت ایتمه دی. محقق بیل که آتی ماضیدن دها

ای اولا جقدر . ربك سكا احسان ايده جك وسنى خوشنود قيله جقدر . ربك سنى يتيم بولوب ايوا ائمه ديمى ؟ سنى ياكلش بولده بولوب ارشاد ائمه ديمى ؟ سنى محتاج بولوب زنكينلشديرمه ديمى ؟ صاقين يتيمى آزارلاما ، سائلى رد ائمه ، ربك نعمتى اعلان ايله شدر ايت !

« اقرأ باسم ربك الذى خلق علم الانسان ما لم يعلم » سورة العلق
هرشيئى يارادن ربك نامنه اوغو . الله انسانى بر پارچه اويوشمش قاندى ياراندى . اوغو ، ربك ، جمله كريمك اكرميدركه قلمله اوكرتدى ، انسانه بيلمه ديكنى بيلدردى .

« والعصر ان الانسان لفي خسر وتواصوا بالصبر » سورة العصر
عصر حقيچون انسان (عمرينى قانى دنيا ايشلرينه حصرو صرف ايتديكى ايچون) خسران و زيانده در . فقط ايمان ايدوب اعمال صالحه ايشلرينلر ، بربرينه حقي ، بربرينه صبرى توصيه ايدنلر مستثنادرلر .

ارام اضيقه

« ولا تقربوا الزنا ، انه كان فاحشة ، وساء سبيلا » سورة اسراء
زنابه ياقلاشمايكز ، چونكه كوتواكدر . واك فنا يولدر .

« ولا تمس في الارض مراحاً انك ان تحرق الارض ولن تبلغ الجبال طولا » سورة اسراء

برك اوزرنده مغرورانده آديم آئمه ، سن نهير يوزنى دهله بيلير ، نهده داغلرله بوى اولجه بيليرسك .

« واصبر نفسك مع الذين يدعون ربهم بالغدوة والعشى ... وكان

امرهم فرطاً » سورة كهف — ۲۷

صباح آقشام اللهك رضاسى طلب ايله ربلرينه طاعت اوزره بولونان ودعا ايدنلرله صبر ايت . بونلردن نظرينى چه ويروب حيات دنيا زينته مائل اغنيا واشراف مجلسنه ملازمت ائمه ، قلبى بزم ذكر يمزدن

غافل، هواسنه رام و بوتون ایسته دیکي هدر اولان کیمسه نره اطاعت ایمه .

«قل تعالوا اتل ما حرم ربکم لعنکم تعقلون» سورة انعام ۱۴۹

دی که کلیکیز ، اللهم سزه حرام قیلدینی شیلری بیان ایدیم : اللهم هیچ بر شریک قوشماییکیز، ابویمنکزه ایملک ایدیکیز ، ضرورت قورقوسیه چوجوقلریکزی اولدیرمه بیکیز ، الله اونلرکده سزکده رزقکزی ویریر . کیزلی ، آشکارفناقلره یا فلاشماییکیز ، اللهم قتلنی تحریم ایتدیکي نفسی اولدیرمه بیکیز . مکرکه حق ایله اوله .

« یا ایها الذین آمنوا انما الحمر والمیسر والانصاب والازلام... فهل

انتم منتهون » سورة مائده ۹۰

ای مؤمنلر ، ایچکی ، قمار ، بتلر و بتلر نامنه آتیلان اوقلر شیطان ایشی برکوتولکدر . بونلردن اجتناب ایدیکیز که فلاح بولاسکیز . شیطان ایچکی وقمارله سزک آرا کزده فتنه وفساد، عداوت و منافرت وجوده کتیره رک سزی اللهی یاد ایتکدن ، دعا و عبادتدن منع ایتک ایستر او حالده بونلردن وازکجه کز ایجاب اتمزی ؟

شهادت

«یا ایها الذین آمنوا کونوا قوامین بالقسط ...» سورة نساء ۱۳۵

ای مؤمنلر! حضور الهمیده ایفای شهادت ایدیور کن عدالت اوزره ثابت قدم اولیکیز . ایفا ایده جککیز شهادت کندی علیک کزده ، یاخود ابویمنکیز ، یاخود اقربا و تعلقاتکیز علیهنده ده اولسه و بونلرزنکین و یا ففرا اولسه لرده او یله جه حرکت ایدیکیز .

یتیملر

«و یسألونک عن الیتامی قل اصلاح لهم خیر...» سورة بقره

یا محمد ، سکا یتیملره دائرده سؤال صوراجقلردر . دی که اونلره حسن معامله و اونلری اصلاح ایتک نیردر . فقط شاید اونلره عائد ایشلری ادارهیه کیریشه جک اولورسه کز ، اونلره قارشی بر خطا ایشله مه بیکیز . اونلر سزک قارداشکیز درلر . جناب حق ، اکری کیدنلری ده ، دوغرو یورویه نلری ده بیلیر .

ابوبی

«وقضى ربك ألا تعبدوا إلا إياه. كاربياى صغیرا.» سورة اسراء
 کندیسندن باشقه سنه عبادت ائمه مکزی و بابالریکزه ایملک ائمه کزی
 ربك سکا صورت قطعیه ده امر ایدیور . شاید ابویندن یا لکز برینه ،
 یا خودایکیسنه بردن سنک الله باقدقلى زمان اختیارلق چو کرسه صاقین
 اوصانوب کندیلرینه الا الله دیمه، یوزلرینه باغیرما ، یوموشاق سوزلرسویله .
 سوکره اونلره شفقتندن قنادلریکی یرلره ایندیرده قارشیلرنده اویله طور.
 و «یارب بنی کوچوک یاشمده ایکن ناصل مرحمتله یوتدیلسه سنده شیمدی
 اونلره رحیم اول » دیمه دعا یت .

تقوی

«ليس البر ان تولوا وجوهكم.... وأولئك هم المتقون» سورة بقره
 یوزلریکزی مشرقه، یا خود مغربه دونمه کز طاعت ده کلدن . طاعت
 آنجق اوکیمسه لک ایشله دیکیدرکه الله، آخرت کوننه ، ملکاره ، کتابه ،
 پیغمبرلره اینانیر، سه و دیکی مانی خیصیملرینه، یتیملره، یچاره لره، یولده قالمشلره،
 ایسته یلره ، برده اسیرلره و بریر ، نمازی قیلار ، زکاتی ادا ایدر، سوکره
 معاهده عقد ایتدکلری زمان عهدینی یرینه کتیره نلر ، هله صیقینتی وخسته اق
 صیره لرنده و حرب زماننده ثبات ومثانت کوستره نلر یوقی ایسته اللهم
 قورقانلر بونلردن .

نماز

«اتل ما اوحى اليك من الكتاب.... ولد كرا الله اكبر»

سورة عنكبوت

سکا کتابدن وحی اولونانی تلاوت ایت و نمازه مداومت ایت. محقق نماز
 انسانی فحشادن (عقلاً و شرعاً مذموم اولان هرشیدن) و منکرلردن نهی
 و منع ایدر . شبهه سنر ذکرا الله اک بویوک واک مقدس وظیفه در .

غمازلر و مفتریلر

ویل لکل همزة لمزة : هرکسه دیل اوزاتان ، افترا ایدنلره ویل .

روح

«قد افلح من زکاهها وقد خاب من دساها»
سورة شمس
نفسنی تزکیه ایدن فلاح بولور ، اونی کیرله تن خسرا نه دوچار اولور .

قادیلر

«وقل للمؤمنات یغضضن من ابصارهن و لایبدین زینتهن»
مؤمنه قادیلره دی که فنا لیه کوزلرخی دیکمه سینلر ، عفتلرینی محافظه ایتسینلر ،
زینتلرینی میدانیه چیقارمه سینلر .

مقام

پيغمبر يمز

حيات نبويه يي بوتون سهو يماكيه ، بوتون روحانيته ، حقائق اسلاميه يي بوتون صفوت وساده لكيه جانلانديران قيمتدار برآردر . حضرت محمدك باشارديني امثالسر انقلاب ، ديني بر مجدد اولمق صفتيه احراز ايتديكي بوتون موفقيات ، اك كوزهل افاده ايله تصوير اولونمش ، انسانلق اچون دائمي بر منبع فيض اولان سیرت محمدیه دن آيناچق بوتون درس لر ، اك بليغ لسان ايله ايضاح ايديلمشدر . بالخاصه پيغمبر يمزك بعثتدن مقدم ، ياخود بعثتدن صوكره تاريخ عالمده نظيري كورولمەين ، بشريت اچون اك مفيد انقلابك ؛ بوتون انسانلغي ظلمتدن نوره چيقاران ، هدايت وحقه ايريشديرن اكيوكسك تجددك پيغمبر يمز طرفندن يكرمي سنه كي قيصة بر مدت خرفنده ناصيل اكال اولونديغي ، رسول اكرمك بوقيصة مدت اثناسنده عصر ديدة بت پرستليكي ، خرافاتي ، جهالتي ، فحشي ، قماري ، اچكي يي ، ضعفايه قارشى ارتكاب اولونان مظالمى ، مجادلات داخله يي وبوكا بكزر يوزلرجه مساوى وفضائحي بوتون بر ملكتدن ناصيل ازاله ايتديكي تظاهر ايتديريلمشدر . بوندن باشقه غربلي منقدرك ، خريستيان متعصبلك رسول اكرمه قارشى وقوع بولان بوتون بهتانلري ، بوتون تجاوزلري اك معقول و اك قطعى دلائل تاريخيه ايله رد وجرح ايديلمش ، بوتون بوتجاوزاتك هر قيمت علميه دن محروم و محضا اثر تعصب وضلالت اولديغي اظهار ايديلمشدر . اثرك هم علمي ، هم تعليمي وادبي بر ماهيتي حائز اولماسي قيمتي قات قات آتيرمقده در . اثرك تحريرنده اك موثوق واك صحيح منابعه مراجعت ايديلديكي كي حيات محمدية نك انسال آتیه يي تهذيب ، هر قلبه اك اصیل فکەرلری الهام خصوصنده حائز اولديغي قوت دائما نظر اعتباره

آلینمشدرد . اترك نهايته عني مؤلفك « مسلمانانق انسانق ديندر »
 عنوانی رساله سی ده علاوه اولونمشدرد . بو رساله ده عقائد و اساسات
 اسلامیه الك ساده و الك قوتلی شکله خلاصه اولونمشدرد . اترك مؤلفی
 هندستانک فاضل ، علما و اکابر محریندن ، لاهور نشر اسلام انجمنی
 رئیس مولانا (محمد علی) در . مترجمی عمر رضا بکدر . (پیغمبریمز)
 عنوانیله تقلید بر ائرده نشر اولدندیجی جهتله مؤلف و مترجمک اسملرینه
 دقت اولونمالیدر .

اجزاسی (۷۵) ، مجلدی ۱۰۰ غروشدرد . پوسته اجرتی اون غروشدرد

روح اسلام

مسلمانلغک د اسلام مفکوره لرینگ تاریخ نظامی

بو ائرده ، جهانشمول بر دین اولمق حیثیتیه ، مسلمانلغک تاریخ
 تکاملی تعقیب اولونمقده ، مسلمانلغک سرعت انتشاری ، اونک قیصه بر مدت
 ظرفنده یوز ملیونلرجه انسانلرک دماغ و وجدانده احراز ایتدیکی
 فتوحات تدقیق ایدلمکده در . ائرده اولا ناشر و مبشر اسلام اولان
 رسول اکرمک سیرت سنیه سی اک صحیح مأخذلره ، اک معتبر وثائقه
 بالاستناد وجیز بر صورتده یازیلش ، پیغمبریمزک شخصیت و سنجیه سی ،
 رسالت السیه سنک هدفی توضیح اولونمشدرد . بونی متعاقب رسول اکرم
 طرفندن تبلیغ اولونان اساسانک تاریخ تکاملی تشریح اولونه رق
 اسلامک مفکوره سی ، اسلامک دینی روحی ، اسلامک حیات آخرته عائد
 تعالیمی ، جهادک معنایی ، نظر اسلامده قادیانلغک موقعی ، مسلمانلق
 نظرنده کوله لیکک ماهیتی ، اسلامک روح سیاسی ، اسلامک روح
 علمی و ادیبی ، اسلامک روح فیکری و فلسفیی ، اسلامک تصوفی

و مڤكوروى روحى تصوير اولنمشدر . اترك مؤلفى افاضل علما
و مڤكړيندن هندلى (سيد امير على) ، مترجمى عمر رضا بکدر . اترك
انکليزجه اصلى فوق العاده احراز رغبت ايتديکندن کچن سنه يکيدن
باصيلمشدر . تورکجه به ترجمه سى بوايکينجى طبعنددر . ظن ايدرز که
لسانمزدده هنوز بو طرزده بر اثر يازيلامشدر . بويوک قطعه ده (۲۵)
فورمه تشکيل ايدن بو مهم اترك فيأتى (۱۰۰) ، مجلدى (۱۲۵)
غروشدر . پوسته اجرتى (۱۵) غروشدر .

هندستانده

استفادل مجاهده لرى

ايکينجى دفعه باصيلان بواثر هندستان افاضل علماسندن بويوک
اسلام مجاهدى ابوالکلام احمد حضر تلىنک انکليز محکمه سى قارشيسنده
حماسه و شهامت اسلاميه يى تجلى ايتديرهن مهم بر نطقى محتويدر .
مولانا ابوالکلام احمد ، اسلام عالمک يوزينى آغارتان مجاهد و مجدد
علمای اسلاميه دندر . مشاراليه همان همان هندستانک بونون مراکزى دولاشمش
و انکليز ظلم و استبدادينه قارشى مجاهده ده بولونمشدر .
نهایت انکليز لى ، مولانا ابوالکلامى توقيف وبالحا که ايکى سنه حبسه
محکوم ايتمشدر . مشاراليه ، محاکمه اثناسنده انکليز محکمه سنه خطاباً
بو نطقى ايراد ايتمشدر که اهميتى حسييله رساله حالنده باصيلمش و متعدد
لسانره ترجمه ايدلمشدر . بونطقده اجنبى دولترك تسلطنه ، ظلم استبداد لرينه
قارشى اقوام محکومه نك آلا جقلى وضعيت ، تعقيب ايدى جکلرى خط
حرکت ، حق وعدالت اوغورنده اعظمک مجاهده لرى ، بو کونکى

هندستانك انتباه و مجاهده سى ، هندستانيلريك انگليزلره قارشى ، انگليز
سطوت و جبروتنه قارشى آلدقلى جالادتكاران و فداكارانه وضعيت ايضاح
اولمىشد. فيثاتى اون غروشد.

انتشار اسلام تاريخى

بو مهم و قيمتلى اثر ك مؤلفى لوندرد دارالفنونى عربى معلمى
سير ويليام آرنولد، انگليزجه دن مترجمى استاد محترم خايل خالديك
افنديدر. مؤلف مومى اليه اوزون سنلر تدقيقات و تتبعاتده بولونه رق
بو معظم اثرى وجوده كتميمىشد. اوزون بر مدخلدن و اسلامك
بر مبشرى صفتيله حضرت محمدك حياتنه عائد برفصلدن صوكره آسيائى
غربيده ، آفريقاده ، اسپانياده ، ايران و آسيائى وسطاده ، موغوللار
و تاتارلر آره سنده ، هندستانده ، چينده ، مالاريا جزائر مجتمعه سنده ،
الحاصل بوتون ديار اسلامده مسلمانلار نه صورته انتشار ايتديكى ك
مهم وثائق تاريخيه استناداً ايضاح ايديمور. پروفيسور آرنولد اسلاميت
حقنده غربده موجود باطل فكرلرى رد ايتديكى كى اسلاميتك سعادت
بشريه ايه لان تاثيرات علويه سى حقنده ده بر چوق ملاحظات حكيمانه
سرد ايله مشدر. بويوك قطعه ده (۲۸) فورمه ، يعنى (۵۵۰) حيفه
تشكيل ايدن بو مهم اثر فيثاتى يوز غروشد. پوسته اجرتى (۱۵) غروشد.

قرق حديث

افاضل محدثيندن امام نووى حضرت تلرينك اعتقاد و اخلاقه دائر
جمع ايتديكى قرق حديث شريفك ترجمه سيدر. دارالفنون مدرسلردن
استاد محترم احمد نعيمك افندى طرفندن يك سايس بر صورتده ترجمه
اولمىشد. فيثاتى (۲۰) غروشد. پوسته اجرتى يوز باره در.

محمد عاكف

شاعر ك زانې و آتاري حقنده بعض نديقات

بو عنوان ايله استاد محترم سلمان نظيف بك افندي طرفندن نشر اولمشدر .
بو اثر (صفحات) ده مندرج شعرلر حقنده تنقيدات و مطالعاتي
حاويدر . صفحاتك آلتنجي كتابي اولمق اوزره صوك نشر اولونان
(عاصم) حقنده ده قيمتدار بر مقاله تخصيص اولمشدر . فيئاتي (۲۵)
غروشدر . پوسته اجرتي بش غروشدر .

علم ما بعد الطبيعة

بو اثر ، دار الفنون مدرسلرندن استاد حكيم فريد بك افندي
طرفندن ، (نهميل بواراق) ك « مبادي فلسفه » سندن ترجمه اولمشدر .
معرفت ك حدود و قيمتي ؛ فلسفه اولي مسائلي : ماده ، روح ، ذات باري ؛
علم ما بعد الطبيعة ك علوم سائره و علم اخلاق ايله مناسباتي ، شر مسئله سي
كي مباحث مهمه يي احتوا ايدن بو اثر ، مختصر اولمقله برابر غايت
مفيددر . دقتله او قويا نلر ، علم ما بعد الطبيعة ك ك غامض مباحثي حقنده
بر فكر حاصل ايدرلر . (بواراق) ك « مبادي فلسفه » سي قيمت
مسلمه سندن طولايي دفعات ايله طبع ايديلمشدر . بو اثر كتابك يكرمى
اوچنجي طبعندن مترجمدر . فيئاتي (۳۵) ، پوسته اجرتي بش غروشدر .

سبیل الرشاد گنجینه سنده بولونامه دیکر بعضی اثرات

مؤلفی	اسامی	غروش
محمد عاکف		۵۰ برنجی صفحات
»		۲۰ ایکنجی صفحات : سلیمانیه کرسیسندہ
»	حقک سسلری	۱۵ اوچنجی
»	فاتح کرسیسندہ	۲۵ دردنجی
»	خاطرہ لر	۲۵ بشنجی
»	عاصم	۳۰ آلتنجی
موسی کاظم		۵۰ کلیات شیخ الاسلام*
سعید حلیم پاشا		۳۵ کلیات : بحر انلریمز*
ازمیری اسماعیل حق		۳۰ سیر جلیله نبویه*
		۷۵ آنغلیقان کلیساسنه جواب*
م . شمس الدین		۲۵ فنک اک صوک کشفیات
»		۵۰ خرافاتدن حقیقتہ*
حاجی ذہنی		۱۵ تحفہ الرابع
برکت زاده		۶۰ نجائب قرآنیہ*
ذہنی پاشا		۴۰ صواب الکلام*
ازمیر اسماعیل حق		۲۵ محصل الکلام والحکمہ
برکت زاده		۵۰ یاد ماضی*
آقسہ کیلی احمد حمدی		۵۰ مذاہبک تلفیقی*
مناستری اسماعیل حق		۲۵ مواعظ [بشن درس]*
آقسہ کیلی احمد حمدی		۳۰ دینی درس لر برنجی قسم *
»	»	» » » ایکنجی » *
»	»	» » » اوچنجی کتاب *
»	»	۲۵ اسلام دین فطریدر
»	»	۲۵ خاتم الانبیا حقندہ
المالولی محمد حمدی		۱۰۰ مطالب ومذاهب *
احمد نظمی		۲۰ حیوانات یتشدیرمه نک فضیلتی
»		۲۰ نظر اسلامده زنکیندکک موقعی
»		۲۰ اسلامده تسأل یوقدر

[* اشارتلی کتابلرک مجلدی ده واردر هر برینک جلد بدلی بکرمی بش غروشدر . آ طشره دن وقوع بوله حق سپارشلره یوزده اون بش پوسته اجرتی ضم اولونمیدر .

DATE DUE

To renew
call 292-3900

MAY 10 1993

[illegible]

stx
BP75.27
D38
1926